



পাস বুক - বিজনেস কমিউনিকেশন



পড়ার সময় : মাত্র ৮ ঘণ্টা



লক্ষ্য : ৩৫-৪০ মার্কস



ডিপ্লোমা ইঞ্জিনিয়ারিং শিক্ষার্থীদের জন্য দ্রুত রিভিশনের পারফেক্ট সলিউশন!



পৃষ্ঠা সংখ্যা :



ই-বুক ভার্সন : ১১৯ পৃষ্ঠা



প্রিন্টযোগ্য কাগজে : ৪০ পৃষ্ঠা



পরীক্ষা সংক্রান্ত তথ্য :



মোট মার্কস : ৬০



পাস মার্কস : ২৪



প্রশ্ন ও মার্কস বিশ্লেষণ :



অতিসংক্ষিপ্ত প্রশ্ন :

মোট পড়তে হবে : ৭০ টি

নিশ্চিত কমন : মিনিমাম ৫-৭ টি

নিশ্চিত মার্কস : ৫-৭ (প্রতি প্রশ্নে ১ মার্কস)



**সংক্ষিপ্ত প্রশ্ন :**

মোট পড়তে হবে : ৫১ টি

নিশ্চিত কমন : ৫-৭ টি

নিশ্চিত মার্কস : ১০-১৪ (প্রতি প্রশ্নে ২ মার্কস)

**রচনামূলক প্রশ্ন :**

মোট পড়তে হবে : ২৯ টি

নিশ্চিত কমন : মিনিমাম ৩-৪ টি

নিশ্চিত মার্কস : ১৮-২৪ (প্রতি প্রশ্নে ৬ মার্কস)

**কিভাবে পড়বেন এই পাস বুক :****অধ্যায় বাছাই (সবার আগে শেষ করুন) :**

অধ্যায়	বিষয়	কারণ
১-৫		গুরুত্বপূর্ণ ও বারবার আসে
৮	প্রতিবেদন লিখন	রচনামূলক আসে
১০	বাণিজ্যিক পত্র	রচনামূলক আসে
৬	কার্যকরী শ্রবণ ক্ষমতা	গুরুত্বপূর্ণ ও বারবার আসে
৯	অফিস ব্যবস্থাপনা	পর্ব সমাপনী পরীক্ষায় আসে

**স্টাডি প্ল্যান (মোট সময় : ৮ ঘণ্টা) :**

৪ ঘণ্টা → অধ্যায় ১-৫



২ ঘণ্টা → অধ্যায় ৮ এবং অধ্যায় ১০



২ ঘণ্টা → অধ্যায় ৬, ৭ এবং ৯





পাস বুকের প্রধান লক্ষ্য :



দ্রুত রিভিশনের সুবিধা- পরীক্ষার আগে সময় বাঁচায়



গুরুত্বপূর্ণ প্রশ্ন- উত্তরের সংক্ষিপ্ত বিন্যাস



সারাংশভিত্তিক সাজানো- এক নজরে পুরো বিষয়টা দেখে ফেলা



মূল টপিক ফোকাস- আত্মবিশ্বাস গড়ে তোলার সহায়ক



বিশেষ দ্রষ্টব্য :

☞ এটি একটি পূর্ণাঙ্গ টেক্সটবুক নয়- বরং সঠিক সময় ব্যবস্থাপনার রিভিশন গাইড।

☞ পরীক্ষার আগের “last moment” প্রস্তুতির জন্য উপযুক্ত সহকারী!





বিজনেস কমিউনিকেশন

অধ্যায়	অধ্যায়ের নাম	পৃষ্ঠা
১	বিজনেস কমিউনিকেশন	৩-৮
২	যোগাযোগ মডেল ও ফলাবর্তন	৯-১২
৩	যোগাযোগের প্রকারভেদ	১৩-১৮
৪	আনুষ্ঠানিক ও অনানুষ্ঠানিক যোগাযোগ	১৯-২০
৫	যোগাযোগ পদ্ধতি	২১-২৬
৬	কার্যকরী শ্রবণ ক্ষমতা	২৭-২৮
৭	যোগাযোগের আবশ্যিকীয় শর্তাবলী	২৯-৩৩
৮	প্রতিবেদন লিখন	৩৪-৩৯
৯	অফিস ব্যবস্থাপনা	৪০-৪৫
১০	বাণিজ্যিক পত্র, প্রাতিষ্ঠানিক এবং আধা-প্রাতিষ্ঠানিক পত্র	৪৬-৫৩
	বিগত সালের প্রশ্ন	৫৪-৫৬



অধ্যায়-১

বিজনেস কমিউনিকেশন

SOS

অতি সংক্ষিপ্ত প্রশ্নোত্তর :

***১। ব্যবসায় বলতে কী বুঝায়?

বাকাশিবো- ২০০৩, ০৭, ০৯, ১১'পরি, ১২, ১৩, ১৫, ১৬'পরি, ২১

উত্তর : সাধারণ অর্থে মুনাফা অর্জনের উদ্দেশ্যে পণ্যদ্রব্য ক্রয়-বিক্রয় সংক্রান্ত কাজকে ব্যবসায় বা ব্যবসা বলে। অর্থাৎ স্বল্প মূল্যে পণ্যদ্রব্য ক্রয় করে অধিক মূল্যে বিক্রয় করার কার্যই ব্যবসায় বা ব্যবসা বলে।
অথবা, মুনাফা অর্জনের উদ্দেশ্যে উৎপাদন ও বন্টনসহ সকল বৈধ অর্থনৈতিক কাজকে ব্যবসায় বা ব্যবসা বলে।

** ২। ব্যবসায়ের প্রধান উদ্দেশ্য কী?

বাকাশিবো- ২০০৫, ১১'পরি, ১২

উত্তর : ব্যবসায়ের প্রধান বা মূল উদ্দেশ্য হলো পণ্য বা সেবার বিনিময়ে অর্থ উপার্জন করা।

* ৩। যোগাযোগ কী?

বাকাশিবো- ২০১৩'পরি

উত্তর : যোগাযোগ এর ইংরেজি 'Communication', যা ল্যাটিন শব্দ 'Communis' হতে এসেছে। দুই বা ততোধিক ব্যক্তির মধ্যে উভয়ের জন্য প্রয়োজনীয় এবং বোধগম্য সাধারণ তথ্যের বিনিময়কে যোগাযোগ বলে।

**** ৪। কীভাবে যোগাযোগ সৃষ্টি হয়?**

বাকাশিবো- ২০২২

উত্তর : নির্দিষ্ট কোনো বিষয়ে একাধিক ব্যক্তি বা প্রতিষ্ঠানের মধ্যে তথ্যের আদান-প্রদানের মাধ্যমে যোগাযোগের সৃষ্টি হয়।

*** ৫। যোগাযোগ কীভাবে পূর্ণতা লাভ করে?**

বাকাশিবো- ২০১৩, ১৬

উত্তর : যোগাযোগকারী বা Sender বার্তা প্রেরণের পর বার্তাগ্রাহক বা Receiver তার অভিপ্রায় অনুযায়ী Sender কে উত্তর বা Feedback প্রদান করলেই যোগাযোগ পূর্ণতা লাভ করে।

***** ৬। ব্যবসায় বা কারবার যোগাযোগ বলতে কী বুঝ?**

বাকাশিবো- ২০০৮, ১০, ১১, ১৫, ১৮, ২১

উত্তর : মানুষ সামাজিক জীব। সংঘবদ্ধ মানব সমাজ মানুষকে প্রতিনিয়ত যোগাযোগ রক্ষা করতে হয় বিভিন্ন প্রয়োজনে। দুই বা ততোধিক ব্যক্তির মধ্যে ভাব বিনিময় করাকেই যোগাযোগ বলে। ব্যবসায়িক প্রয়োজনে প্রতিষ্ঠানের পক্ষ হতে অভ্যন্তরীণ ও বাহ্যিক বিভিন্ন পক্ষের সাথে যে সকল যোগাযোগ প্রতিষ্ঠিত হয়, তাকে বিজনেস কমিউনিকেশন বা ব্যবসায়িক যোগাযোগ বলে।

*** ৭। বাণিজ্যিক যোগাযোগকারী কী কী মাধ্যমে যোগাযোগ স্থাপন করে?**

বাকাশিবো- ২০০৮, ১৩

উত্তর : বাণিজ্যিক যোগাযোগকারী যে যে মাধ্যমে যোগাযোগ স্থাপন করে তা নিম্নরূপ :

- i) কথাবার্তা বা মৌখিক আলাপ আলোচনার মাধ্যমে
- ii) টেলিফোন বা মোবাইল ফোন

- iii) টেলিগ্রাম বা ই-মেইল
- iv) লিখিত চিঠিপত্র ইত্যাদি।

*** ৮। যোগাযোগ প্রক্রিয়া কী?

বাকাশিবো- ২০০৪, ০৫, ০৭, ০৯, ১৪, ১৪'পরি, ১৯'পরি, ২১

উত্তর : যোগাযোগ প্রক্রিয়া বলতে একটি নির্বাচিত চ্যানেলের মাধ্যমে প্রেরকের কাছ থেকে তথ্য বা বার্তা গ্রাহকের কাছে প্রেরণ বা স্থানান্তরকে বুঝায়।

*** ৯। এনকোডিং (Encoding) বা প্রেরণযোগ্য করে সাজানো বলতে কী বুঝায়?

বাকাশিবো- ২০০৭, ০৮, ০৯, ১১, ১৪, ১৫, ১৬, ১৭, ২২, ২৩, ২৪

উত্তর : বার্তাপ্রেরক তার প্রেরিত তথ্য কীভাবে প্রেরণ করলে তা প্রাপকের নিকট সহজবোধ্য হবে, সেই বিষয় মানসিক প্রস্তুতি গ্রহণ করাকে এনকোডিং বলে।

*** ১০। ডিকোডিং (Decoding) বা গ্রহণযোগ্য করে সাজানো বলতে কী বুঝায়?

বাকাশিবো- ২০০৯, ১৬, ১৭

উত্তর : নির্দিষ্ট কোনো মিডিয়ার মাধ্যমে বার্তা প্রেরকের তথ্য বার্তা গ্রাহকের নিকট পৌঁছানোর পর প্রাপক উক্ত তথ্যকে তার নিজস্ব ধ্যানধারণা ও অভিজ্ঞতার ভিত্তিতে বিশ্লেষণ করে গ্রহণযোগ্য করে সাজানোকে ডিকোডিং বলে।

SOS**সংক্ষিপ্ত প্রশ্নোত্তর :**

*** ১। ব্যবসায়ের প্রধান বৈশিষ্ট্যগুলো উল্লেখ কর।

বাকাশিবো- ২০০৩, ১৩, ১৪, ১৫

উত্তর : ব্যবসায়ের প্রধান বৈশিষ্ট্যগুলো নিম্নরূপ :

- i) মুনাফা অর্জন
- ii) পণ্য ও পরিষেবা বিনিময়
- iii) লেনদেনের পৌনঃপুনিকতা
- iv) মূলধন সরবরাহ
- v) ঝুঁকি এবং অনিশ্চয়তা
- vi) ক্রেতা এবং বিক্রেতা
- vii) উৎপাদনের সাথে সম্পৃক্ততা
- viii) পণ্যদ্রব্য ও সেবা কর্ম
- ix) মানুষের চাহিদা পূরণে সক্ষম
- x) সামাজিক দায়বদ্ধতা
- xi) উপযোগ সৃষ্টি
- xii) সেবামূলক মনোভাব ইত্যাদি।

* ২। যোগাযোগকে ব্যবসায় এবং শিল্পপ্রতিষ্ঠানের স্নায়ুতন্ত্র বলা হয় কেন?

বাকাশিবো- ২০১৫'পরি

উত্তর : যোগাযোগ হচ্ছে ব্যবসায় পরিচালনার ভিত্তি বা কেন্দ্রবিন্দু। যোগাযোগ ব্যতীত কোনো ব্যক্তি বা প্রতিষ্ঠান ব্যবসায় কার্যাবলি সঠিক ও সুষ্ঠুভাবে পরিচালিত করতে পারে না। ব্যবসায় ও শিল্পপ্রতিষ্ঠানের ক্ষেত্রে উৎপাদন,



বন্টন, পরিবহন, বাজারজাতকরণ প্রভৃতি কাজে এবং বিশেষ করে ব্যবসায় ও শিল্পপ্রতিষ্ঠানের ব্যবস্থাপনায় যোগাযোগের ভূমিকা উল্লেখযোগ্য। কারবার ব্যবস্থাপনার মৌলিক কার্যকারী পরিকল্পনা, সংগঠন নির্দেশনা ও নিয়ন্ত্রণ যোগাযোগের ওপর নির্ভরশীল। প্রতিষ্ঠানের বিভিন্ন কর্মচারীদের মধ্যে এবং প্রতিষ্ঠানের বিভিন্ন স্তরে তথ্যাদি উর্ধ্বগমন, নিম্নগমন ও আন্তঃগমন যোগাযোগের প্রধান অঙ্গ হিসেবে বিবেচিত; আর এর ওপরই নির্ভর করে ব্যবসায়ের সার্বিক সাফল্য। তাই যোগাযোগকে ব্যবসায় বা শিল্পপ্রতিষ্ঠানের স্নায়ুতন্ত্র হিসেবে আখ্যায়িত করা হয়।

**** ৩। কোন কোন উদ্দেশ্যে যোগাযোগ করা হয়?**

বাকাশিবো- ২০২১

উত্তর : ভাষা আবিষ্কার মানুষের যোগাযোগের ক্ষেত্রে প্রথম গুরুত্বপূর্ণ ঘটনা। লেখা আবিষ্কারের আগে মানুষ হাত নেড়ে, চিৎকার করে, ঢাকঢোল পিটিয়ে, আগুন বা ধোঁয়া ব্যবহার করে যোগাযোগ করত।

যোগাযোগের উদ্দেশ্যগুলি নিম্নরূপ :

- i) একাধিক পক্ষের মাঝে তথ্যের বিনিময় করা।
- ii) বিভিন্ন ব্যক্তি, গোষ্ঠী, দল, বিভাগ ইত্যাদির মধ্যে সমন্বয় সাধন।
- iii) মালিক ও শ্রমিকের মধ্যে সুসম্পর্ক নিশ্চিত করতে।
- iv) কর্মীদের দায়িত্ব সচেতনতা বৃদ্ধি, প্রেষণা দান ইত্যাদি।

Note : প্রেষণা : প্রাতিষ্ঠানিক লক্ষ্য অর্জনের জন্য অধিকতর কর্ম-প্রচেষ্টা চালানোর ইচ্ছা বা আকাঙ্ক্ষাকে প্রেষণা বলে।

*** ৪। ব্যবসায়িক বা কারবার যোগাযোগ বলতে কী বুঝায়?

বাকাশিবো- ২০০৪, ০৫, ০৬, ০৭, ০৮, ০৯, ১০'পরি, ১১, ১৫, ১৬, ১৮, ১৮'পরি

উত্তর : মানুষ সামাজিক জীব। সংঘবদ্ধ মানব সমাজ মানুষকে প্রতিনিয়ত যোগাযোগ রক্ষা করতে হয় বিভিন্ন প্রয়োজনে। দুই বা ততোধিক ব্যক্তির মধ্যে ভাব বিনিময় করাকেই যোগাযোগ বলে। ব্যবসায়িক প্রয়োজনে প্রতিষ্ঠানের পক্ষ হতে অভ্যন্তরীণ ও বাহ্যিক বিভিন্ন পক্ষের সাথে যে সকল যোগাযোগ প্রতিষ্ঠিত হয়, তাকে বিজনেস কমিউনিকেশন বা ব্যবসায়িক যোগাযোগ বলে।

অধ্যাপক জে.হাস্ট এর মতে, “সুষ্ঠুভাবে ব্যবসায় পরিচালনা ও সংগঠনের নিমিত্তে দুই বা ততোধিক ব্যক্তির মধ্যে যে যোগাযোগ সংঘটিত হয়, তাকে ব্যবসায়িক যোগাযোগ বলে”।

বি. লরেন্স এর মতে, “ব্যবসায়িক যোগাযোগ হচ্ছে বাণিজ্য ও শিল্প সম্পর্কিত ধারনার প্রকাশ, পরিবেশন, গ্রহণ ও বিনিময় প্রক্রিয়া।

*** ৫। বাণিজ্যিক যোগাযোগ বলতে কী বুঝায়?

বাকাশিবো- ২০০৩, ০৫, ০৭, ০৮, ১০, ১২, ১৫, ২৩

উত্তর : একটি দেশ অন্য একটি দেশের সাথে দেশের জনগণের চাহিদা পূরণের জন্য যে যোগাযোগ ব্যবস্থা গড়ে তুলে, তাকে বাণিজ্যিক যোগাযোগ বলে।

অথবা, কোনো ব্যবসায় প্রতিষ্ঠানের অভ্যন্তরে বা বাহিরে যে-কোনো পক্ষের সাথে ব্যবসায়-বাণিজ্য সংক্রান্ত সংবাদ বা তথ্য বিনিময় হলে তাকে বাণিজ্যিক যোগাযোগ বলে।

*** ৬। যোগাযোগ প্রক্রিয়ার মৌলিক পদক্ষেপ কী কী?

বাকাশিবো- ২০০১, ০৫, ০৯, ১৪'পরি, ১৮, ১৯, ২০, ২২, ২৩

উত্তর : যোগাযোগ প্রক্রিয়ার মৌলিক পদক্ষেপ বা উপাদানসমূহ নিম্নরূপ :

- i) প্রেরক (Sender)
- ii) প্রেরণযোগ্য করে সাজানো (Encoding)
- iii) বার্তা (Message)
- iv) মাধ্যম (Medium বা Channel)
- v) প্রাপক (Receiver)
- vi) গ্রহণযোগ্য করে সাজানো (Decoding)
- vii) ফলাবর্তন (Feed back)
- viii) গোলযোগ (Noise)

SOS

রচনামূলক প্রশ্নোত্তর :

*** ১। ব্যবসায়িক যোগাযোগের পরিধি বর্ণনা কর।

বাকাশিবো- ২০০৪, ০৫, ০৯, ১০'পরি, ১২

উত্তর : ব্যবসায়িক যোগাযোগ হলো একটি প্রতিষ্ঠানের মধ্যে বাইরের লোকেদের মধ্যে তথ্য ভাগ করে নেওয়ার প্রক্রিয়া। কার্যকরী ব্যবসায়িক যোগাযোগ হলো কিভাবে কর্মচারী এবং ব্যবস্থাপনা সাংগঠনিক লক্ষ্যে পৌঁছানোর জন্য যোগাযোগ করে। এর উদ্দেশ্য হলো সাংগঠনিক অনুশীলন উন্নত করা। নিম্নে ব্যবসায়িক যোগাযোগের পরিধি বর্ণনা করা হলো :

১) সম্পদ আহরণ : ব্যবসায়ের উৎপাদনকার্য আরম্ভ করার জন্য প্রথমেই প্রয়োজনীয় মালামাল, যন্ত্রপাতি ও জনশক্তির সরকার হয়। উৎপাদনের জন্য

এসব বস্তুগত ও জনসম্পদ আহরণের ক্ষেত্রে বিভিন্ন উৎসের সঙ্গে যোগাযোগ স্থাপন করলেই সেগুলো সংগ্রহ সহজসাধ্য হয়ে ওঠে। অর্থাৎ যোগাযোগের মাধ্যমেই বিভিন্ন উৎস থেকে এ সকল সম্পদ সংগ্রহ করতে হয়।

২) **উৎপাদন :** আধুনিক উৎপাদন ব্যবস্থা সম্পূর্ণরূপে যোগাযোগ-নির্ভর। পণ্য উৎপাদনের নিমিত্তে বিভিন্ন উৎস হতে সংগৃহীত কাঁচামাল ও জনশক্তিকে উৎপাদনকার্যে নিয়োজিতকরণে এবং পণ্যদ্রব্য ও সেবাকর্ম উৎপাদনের প্রতিটি স্তরে বিভিন্ন ব্যক্তি ও প্রতিষ্ঠানের মধ্যে পারস্পরিক সহযোগিতা আবশ্যিক। এক্ষেত্রে যোগাযোগই একমাত্র বাহন।

৩) **বন্টন :** ব্যবসায় যোগাযোগের আওতা কেবলমাত্র উৎপাদনের ক্ষেত্রেই বিস্তৃত নয়, উৎপাদিত পণ্যদ্রব্য বন্টনের ক্ষেত্রেও যোগাযোগ প্রক্রিয়া বিস্তৃত। পণ্যদ্রব্য উৎপাদনের পর ভোক্তাদের নিকট এর বন্টনের প্রয়োজনীয়তা অনুভূত হয়। কেননা, উৎপাদিত পণ্যসামগ্রী ভোক্তাদের নিকট পৌঁছানো না গেলে উৎপাদকের উদ্দেশ্য অর্জিত হয় না।

৪) **উৎপাদন ও বন্টনে সহায়ক কার্যকলাপ :** ব্যবসায়িক যোগাযোগ উৎপাদন ও বন্টনকার্যের পাশাপাশি উৎপাদন ও বন্টনকার্যে সহায়ক কার্যকলাপের ক্ষেত্রেও পরিব্যাপ্ত। উৎপাদিত পণ্যদ্রব্য ভোগকারীর নিকট বন্টনের সময় পণ্যের পরিবহন, গুদামজাতকরণ, ব্যাংক, বিমা প্রভৃতি ক্ষেত্রে যোগাযোগের সাহায্য নিতে হয়। আবার উৎপাদনকার্যে ব্যবহৃত এসব কাঁচামাল ও উৎপাদিত পণ্যদ্রব্য সংরক্ষণের জন্য গুদামঘরের দরকার হয়। যোগাযোগের মাধ্যমেই এসব সম্ভব।

৫) **ব্যবসায় গবেষণা :** ব্যবসায় সংগঠনকে প্রতিযোগিতায় টিকে থাকার জন্য নতুন নতুন পদ্ধতি, কৌশল ও ধারণা উদ্ভাবনের আবশ্যিক হয় এবং এজন্য বিভিন্ন গবেষণামূলক কার্যক্রম চালাতে হয়। সুষ্ঠু যোগাযোগ ব্যবস্থা এ ধরনের গবেষণামূলক কার্যক্রমের জন্য অপরিহার্য।

৬) প্রচার : বর্তমান ব্যবসায় জগতে পণ্য বিপণনের ক্ষেত্রে প্রচার একটি বিশেষায়িত কার্যক্রম, যার দ্বারা গ্রাহকদের কারবারের পণ্যদ্রব্য ও সেবা বিক্রয় সম্পর্কে অবগত ও আগ্রহী করে তোলা হয়। পণ্যদ্রব্য ও সেবাকর্মের প্রচারের ক্ষেত্রেও ব্যবসায়িক যোগাযোগের আওতা বিস্তৃত।

৭) ব্যবসায় ব্যবস্থাপনা : ব্যবসায়কে তার অভীষ্ট লক্ষ্যে পৌঁছানোর জন্য ব্যবস্থাপনাই মূল চালিকাশক্তি। ব্যবস্থাপককে প্রাতিষ্ঠানিক উদ্দেশ্য অর্জনের নিমিত্ত যে-সব কার্যসম্পাদন করতে হয় তার প্রতিটি পদক্ষেপই যোগাযোগ নির্ভর।

৮) শ্রম-ব্যবস্থাপনা সম্পর্ক : সৌহার্দ্যপূর্ণ শ্রম-ব্যবস্থাপনা সম্পর্ক ব্যবসায়ের সফলতার পূর্বশর্ত। এ সম্পর্ক যোগাযোগের উপর ভিত্তি করে স্থাপিত হয়। যেখানে দুই বা ততোধিক ব্যক্তির মধ্যে ভাবের আদান-প্রদান হয় সেখানে স্বাভাবিকভাবেই উন্নত ও সৌহার্দ্যপূর্ণ সম্পর্ক সৃষ্টি হয়। প্রতিষ্ঠানের শ্রমিক-কর্মীদের সঙ্গে ব্যবস্থাপনা কর্তৃপক্ষ প্রতিনিয়ত যোগাযোগ রক্ষা করে চললে শ্রমিক-কর্মীদের অসুবিধা সম্পর্কে ব্যবস্থাপনা অবহিত হতে পারে।

৯) আন্তর্জাতিক বাণিজ্য : বর্তমানে যোগাযোগ কেবল অভ্যন্তরীণ ব্যবসায়-বাণিজ্যে সীমাবদ্ধ নয়, ভৌগোলিক সীমা অতিক্রম করে প্রসারিত হয়েছে দেশ-দেশান্তরে। যোগাযোগের মাধ্যমেই এক দেশের সাথে অন্য দেশের ব্যবসায় বাণিজ্য সংঘটিত হচ্ছে।

১০) অভ্যন্তরীণ ও বৈদেশিক বিনিয়োগ : সরকারের সুষ্ঠু যোগাযোগ পদ্ধতি দেশের শিল্পনীতিকে অভ্যন্তরীণ ও বৈদেশিক বিনিয়োগকারীদের নিকট আকর্ষণীয় করে তুলতে পারে। এতে বিনিয়োগের পরিমাণ ব্যাপকভাবে বৃদ্ধি পায়। তাই ব্যবসায়িক যোগাযোগের আওতা এখানেও বিদ্যমান।

*** ৩। যোগাযোগ প্রক্রিয়া কী? যোগাযোগ প্রক্রিয়ার আবশ্যকীয় উপাদানগুলো আলোচনা কর।

বাকশির্ষো- ২০০৫, ০৭, ০৯, ১০, ১৪, ১৫, ১৮, ২১, ২২

উত্তর : যোগাযোগ প্রক্রিয়া : যোগাযোগ প্রক্রিয়া বলতে একটি নির্বাচিত চ্যানেলের মাধ্যমে প্রেরকের কাছ থেকে তথ্য বা বার্তা গ্রাহকের কাছে প্রেরণ বা স্থানান্তরকে বুঝায়।

নিম্নে যোগাযোগ প্রক্রিয়ার উপাদান গুলো আলোচনা করা হলো :

- ১) তথ্যের উৎস : যোগাযোগ প্রক্রিয়ার সর্বপ্রথম উপাদান হলো তথ্যের উৎস। প্রতিটি যোগাযোগেই একটি উৎস থাকবেই, যা হতে পারে কোনো ব্যক্তি, প্রতিষ্ঠান, ঘটনা ইত্যাদি। উৎস হতেই মূলত যোগাযোগের শুরু।
- ২) প্রেরক : যিনি বার্তা, ধারণা বা তথ্য অন্যের নিকট পাঠান, তাকে প্রেরক বলা হয়। তিনি চিন্তাভাবনা করে প্রাপকের কাছে কী প্রেরণ করবেন তা স্থির করেন। প্রেরকের নিকট হতেই যোগাযোগ প্রক্রিয়া শুরু হয়।
- ৩) উদ্দেশ্য : উদ্দেশ্যবিহীন কোনো যোগাযোগ অসম্ভব। যোগাযোগকারী সুনির্দিষ্ট কোনো লক্ষ্য অর্জনের জন্যই তথ্যের আদান প্রদান ঘটিয়ে থাকেন।
- ৪) উপলক্ষ্য : যোগাযোগ প্রক্রিয়ার পেছনে অবশ্যই কোনো না কোনো উপলক্ষ্য বা ঘটনা থাকবে।
- ৫) ধারণা : যোগাযোগের মূল প্রতিপাদ্য বিষয় হলো ধারণা। যা থেকে বার্তাগ্রাহক বার্তা প্রেরকের আবেগ, অনুভূতি বা ধারণা বুঝতে পারেন।
- ৬) এনকোডিং : তথ্যকে প্রেরণযোগ্য করে সাজানোই হলো এনকোডিং। প্রেরণযোগ্য করে সাজানোর পর তার ধারণা বা তথ্য প্রেরকের নিকট প্রেরণ করা হয়।

৭) **বার্তা** : বার্তা হলো যোগাযোগের প্রাণ বা মূল বিষয়। বার্তা ছাড়া যোগাযোগ হয় না। যোগাযোগ সার্থক হতে হলে বার্তা বা সংবাদ পরিপূর্ণ হতে হবে এবং উপস্থাপন এমন হবে যেন প্রাপক সহজেই বুঝতে পারেন।

৮) **মাধ্যম** : তথ্য, সংবাদ বা ধারণা একটি চ্যানেল বা মাধ্যম দিয়ে প্রেরক থেকে প্রাপকের নিকট প্রেরণ করা হয়। এটি লিখিত, মুখে-মুখে অথবা যন্ত্রের মাধ্যমেও হতে পারে। প্রেরক তার নিজ সুবিধামত চ্যানেল বা মাধ্যম বেছে নেবে। চ্যানেল বা মাধ্যম যথোপযুক্ত না হলে বার্তা যত ভালোই হোক না কেন তা ব্যর্থ হতে পারে।

৯) **প্রাপক** : যাকে উদ্দেশ্য করে সংবাদ প্রেরিত হয় তিনি হলেন প্রাপক। প্রাপকের নিকটই সংবাদ প্রেরণ করা হয়। তার হাতে পৌঁছানো মাত্রই একমুখী যোগাযোগ প্রক্রিয়া সমাপ্ত হয়।

১০) **ডিকোডিং** : নির্দিষ্ট কোনো মিডিয়ার মাধ্যমে বার্তা প্রেরকের তথ্য বার্তা গ্রাহকের নিকট পৌঁছানোর পর প্রাপক উক্ত তথ্যকে তার নিজস্ব ধ্যানধারণা ও অভিজ্ঞতা ভিত্তিতে বিশ্লেষণ করে গ্রহণযোগ্য করে সাজানোকে ডিকোডিং বলে।

১১) **ফলাবর্তন** : প্রেরকের বার্তা প্রাপক পেয়েছেন কিনা, অর্থ বুঝেছেন কিনা, এবং প্রয়োজনীয় ব্যবস্থা নিয়েছেন কিনা, তা জানার জন্য ফলাবর্তন বা প্রত্যুত্তর প্রয়োজন।

উপরোক্ত উপাদানগুলো যে-কোনো যোগাযোগ প্রক্রিয়ায় থাকা অপরিহার্য। তবে এর কোনো একটি উপাদান এককভাবে যোগাযোগ প্রক্রিয়া সম্পন্ন করতে পারে না। যোগাযোগ প্রক্রিয়ার পরিপূর্ণতা আনয়নে এ সকল উপাদানগুলোর উপস্থিতি আবশ্যিক।

অধ্যায়-২

যোগাযোগ মডেল ও ফলাবর্তন

SOS

অতি সংক্ষিপ্ত প্রশ্নোত্তর :

***১। যোগাযোগ মডেল কী? বাকাশিবো- ২০০৬, ১০, ১১'পরি, ১৫'পরি, ২১, ২৩, ২৪

উত্তর : যোগাযোগ মডেল বলতে যোগাযোগ প্রক্রিয়ায় রৈখিক বা চিত্রগত উপস্থাপনকে বুঝায়। যোগাযোগ প্রক্রিয়াকে যখন বিভিন্ন রেখাচিত্র, নকশা, তীরচিহ্ন ইত্যাদি ধারাবাহিক ও যৌক্তিক উপায়ে উপস্থাপন করা হয়, তখন তাকে যোগাযোগ মডেল বলে।

*** ২। যোগাযোগ মডেলের মৌলিক কাজ কয়টি ও কী কী?

বাকাশিবো- ২০১৩, ১৬, ১৬'পরি, ১৮

উত্তর : যোগাযোগ মডেলের মৌলিক কাজ তিনটি। যথা :

- i) যোগাযোগ প্রক্রিয়া সম্পর্কে শিক্ষা দান
- ii) গবেষণা কাজে সহায়তা এবং
- iii) যোগাযোগ বিষয়ক পূর্বাভাস প্রদান।

*** ৩। ফলাবর্তন (Feed back) বলতে কী বুঝায়?

বাকাশিবো- ২০০৮, ১২, ২০, ২৩

উত্তর : বার্তা প্রেরক (Sender) কোনো বার্তা বার্তাগ্রাহকের (Receiver) নিকট পাঠানোর পর বার্তাগ্রাহক ঐ বার্তার ভিত্তিতে বার্তাপ্রেরককে যে উত্তর প্রদান করে, তাকে ফলাবর্তন বা প্রত্যুত্তর বলে।

* ৪। ফলাবর্তন কয় ধরনের ও কী কী?

উত্তর : ফলাবর্তন দুই ধরনের হয়ে থাকে। যথা :

- i) Intrapersonal (অন্তঃব্যক্তিক) এবং
- ii) Interpersonal (আন্তঃব্যক্তিক)।

* ৫। ফলাবর্তন কীভাবে যোগাযোগের পরিপূর্ণতা দান করে? বাকাশিবো- ২০০৭

উত্তর : ফলাবর্তন এর মাধ্যমে বার্তা প্রেরক তার প্রেরিত বার্তা সম্পর্কে প্রাপকের অনুভূতি বা প্রতিক্রিয়া জানার মাধ্যমে যোগাযোগের পরিপূর্ণতা দান করে।

* ৬। ফলাবর্তনের মাধ্যমে কী জানা যায়?

বাকাশিবো- ২০০৯, ১৪'পরি

উত্তর : ফলাবর্তনের মাধ্যমে বার্তাপ্রেরক বার্তা গ্রাহকের প্রতিক্রিয়া জানতে পারে।


SOS

সংক্ষিপ্ত প্রশ্নোত্তর :

** ১। যোগাযোগ মডেল কাকে বলে?

উত্তর : যোগাযোগ মডেল বলতে যোগাযোগ প্রক্রিয়ায় রৈখিক বা চিত্রগত উপস্থাপনকে বুঝায়। যোগাযোগ প্রক্রিয়াকে যখন বিভিন্ন রেখাচিত্র, নকশা, তীরচিহ্ন ইত্যাদি ধারাবাহিক ও যৌক্তিক উপায়ে উপস্থাপন করা হয়, তখন তাকে যোগাযোগ মডেল বলে।

বাকাশিবো- ২০০৬, ১৫



চিত্র : যোগাযোগের মডেল




যোগাযোগ মডেলের চিত্র নিম্নরূপ :

**** ২ । যোগাযোগের আধুনিক মডেলটির চিত্র দেখাও ।**

বাকাশিবো- ২০১০, ১১, ২৩, ২৪

উত্তর : যোগাযোগের আধুনিক মডেলটির চিত্র নিম্নরূপ :



**** ৩ । যোগাযোগ প্রক্রিয়া কীভাবে সম্পূর্ণ হয়?**

বাকাশিবো- ২০১৮'পর, ১৯, ২৩

উত্তর : ফলাবর্তন বা ফিডব্যাক প্রক্রিয়ার মাধ্যমে যোগাযোগ প্রক্রিয়া সুষ্ঠুভাবে সুসম্পন্ন হয় । কারণ, ফলাবর্তনের মাধ্যমেই প্রেরকের বার্তা প্রাপক পেয়েছেন কিনা, অর্থ বুঝেছেন কিনা এবং প্রয়োজনীয় ব্যবস্থা নিয়েছেন কিনা তা জানা যায় ।

**** ৪ । যোগাযোগ মডেলের মৌলিক কাজগুলো উল্লেখ কর ।**

বাকাশিবো- ২০০৫, ১৩, ১৪

উত্তর : যোগাযোগ মডেলের মৌলিক কাজগুলো নিম্নরূপ :

i) যোগাযোগ প্রক্রিয়া সম্পর্কে শিক্ষা দান : যোগাযোগ মডেল হলো যোগাযোগ প্রক্রিয়া সম্পর্কে সুস্পষ্ট ধারণা অর্জন । ফলে তথ্য প্রেরণ ও গ্রহণের সাথে সম্পর্কিত উপাদানগুলো খুব সুন্দরভাবে উপস্থাপিত হয় ।

ii) গবেষণা কাজে সহায়তা : যোগাযোগ প্রক্রিয়ায় ব্যবহৃত যে উপাদানগুলো প্রদর্শিত হয়, গবেষকগণ সেই নমুনা গ্রহণ করে সহজেই যোগাযোগের উপর গবেষণা কার্য পরিচালনা করতে পারেন।

iii) পূর্বাভাস প্রদান : যোগাযোগ মডেলের মাধ্যমে বিশেষ কোনো যোগাযোগের সফলতা ও ব্যর্থতার জন্য দায়ী কারণগুলো চিহ্নিত করা যায় এবং তার পরিপ্রেক্ষিতে প্রয়োজনীয় পদক্ষেপও গ্রহণ করা যায়।

*** ৫। ফলাবর্তন বা (Feedback) বলতে কী বুঝায়?

বাকশির্ষো- ২০০১, ০৪, ০৫, ০৭, ১০'পরি, ১১, ১৪, ১৫

উত্তর : ফলাবর্তনের ইংরেজি প্রতিশব্দ হলো Feedback. সাধারণভাবে একটি কাজের সম্পাদন প্রক্রিয়া এবং সম্পাদনের ফলাফল সম্পর্কে অন্যের মন্তব্য যা সম্পাদনকারীকে পরবর্তীতে কর্ম সম্পাদনের মান উন্নয়নে সহায়তা করে, তাকে ফলাবর্তন বলে।

অর্থাৎ, বার্তা প্রেরক (Sender) কোনো বার্তা বার্তাগ্রাহকের (Receiver) নিকট পাঠানোর পর বার্তাগ্রাহক ঐ বার্তার ভিত্তিতে বার্তাপ্রেরককে যে উত্তর প্রদান করে, তাকে ফলাবর্তন বা প্রত্যুত্তর বলে।

ফলাবর্তন দুই ধরনের হয়ে থাকে। যথা :

i) Intrapersonal (অন্তঃব্যক্তিক) এবং


ii) Interpersonal (আন্তঃব্যক্তিক)।

ফলাবর্তন এর মাধ্যমে বার্তা প্রেরক তার প্রেরিত বার্তা সম্পর্কে প্রাপকের অনুভূতি বা প্রতিক্রিয়া জানার মাধ্যমে যোগাযোগের পরিপূর্ণতা দান করে।

*** ৬। চিত্রের সাহায্যে ফলাবর্তন প্রক্রিয়া দেখাও।

বাকাশিবো- ২০১৩'পরি, ১৫'পরি, ১৬'পরি

উত্তর : নিম্নে চিত্রের সাহায্যে ফলাবর্তন প্রক্রিয়া দেখানো হলো :



SOS

রচনামূলক প্রশ্নোত্তর :

*** ১। কার্যকর ফলাবর্তনের নীতিমালা আলোচনা কর।

বাকাশিবো- ২০১৫'পরি, ১৮, ২৩, ২৪

উত্তর : বার্তা প্রেরক (Sender) কোনো বার্তা বার্তাপ্রাপকের (Receiver) নিকট পাঠানোর পর বার্তাপ্রাপক ঐ বার্তার ভিত্তিতে বার্তাপ্রেরককে যে উত্তর প্রদান করে, তাকে ফলাবর্তন বা প্রত্যুত্তর বলে। ফলাবর্তন এর মাধ্যমে বার্তা প্রেরক তার প্রেরিত বার্তা সম্পর্কে প্রাপকের অনুভূতি বা প্রতিক্রিয়া জানার মাধ্যমে যোগাযোগের পরিপূর্ণতা দান করে। নিম্নে কার্যকর ফলাবর্তনের নীতিমালা আলোচনা করা হলো :

১) বর্ণনাত্মকতার নীতি : কার্যকর ফলাবর্তনের জন্য প্রত্যুত্তর বর্ণনামূলক হওয়া আবশ্যিক। এতে যোগাযোগকারী যোগাযোগ গ্রহীতার নিকট থেকে পরিষ্কারভাবে প্রেরিত বার্তার প্রতিক্রিয়া জানতে পারে।

২) সুনির্দিষ্টতার নীতি : যোগাযোগে ফলাবর্তন সাধারণ না হয়ে সুনির্দিষ্ট হওয়া বাঞ্ছনীয়। এতে যোগাযোগকারীর পক্ষে বার্তাগ্রাহকের মনোভাব বুঝা সহজ হয়।

৩) প্রার্থিতার নীতি : ফলাবর্তন আরোপিত না হয়ে প্রার্থিত হলে এর উপযোগিতা বৃদ্ধি পায়। কারণ প্রেরিত সংবাদ, তথ্য বা বার্তা সম্পর্কে বার্তাগ্রাহক যদি স্বেচ্ছাপ্রণোদিতভাবে তার মতামত প্রকাশ করতে পারে তাহলে ফলাবর্তন অধিক কার্যকরী হবে।

৪) সুস্পষ্টতার নীতি : কার্যকর ফলাবর্তনের জন্য সুস্পষ্টতার নীতি প্রতিপালন করা উচিত। এটি যোগাযোগকারীর পরবর্তী কার্যক্রম বা পদক্ষেপ গ্রহণের সহায়ক। দ্ব্যর্থতাবোধক বা অস্পষ্ট প্রতিক্রিয়া ফলাবর্তনের কার্যকারিতা বিনষ্ট করে।

৫) অনানুষ্ঠানিক চ্যানেল ব্যবহারের নীতি : ফলাবর্তনকে নিশ্চিত ও অধিক কার্যকর করার জন্য আনুষ্ঠানিক চ্যানেলের পাশাপাশি অনানুষ্ঠানিক চ্যানেলও ব্যবহার করতে হবে। আনুষ্ঠানিক চ্যানেলে, প্রতিক্রিয়া জ্ঞাপনের ক্ষেত্রে অনেক সময় জটিলতা সৃষ্টি হতে পারে।

৬) দ্রুত প্রেরণের নীতি : ফলপ্রসূ ও কার্যকর ফলাবর্তনের একটি অন্যতম নীতি হলো যথাসম্ভব দ্রুততার সাথে প্রাপ্ত বার্তার প্রতিক্রিয়া জ্ঞাপন করা। কারণ, ফলাবর্তন বিলম্বে প্রেরিত হলে তা অন্যের মতামত দ্বারা প্রভাবিত হওয়ার সম্ভাবনা থাকে।

৭) যুক্তিযুক্ততার নীতি : যোগাযোগের ফলাবর্তন বা প্রত্যুত্তর যুক্তিযুক্ত হওয়া বাঞ্ছনীয়। কার্যকর ফলাবর্তনের জন্য যুক্তিযুক্ততার নীতি অনুসরণ করা দরকার।

৮) সংক্ষিপ্ততার নীতি : ফলাবর্তন যতদূর সম্ভব সংক্ষিপ্ত কিন্তু পরিপূর্ণ হওয়া উচিত। ফলাবর্তনে তথ্য অতি সংক্ষিপ্ত করা হলে যেমন যোগাযোগের

কার্যকারিতা হারাতে পারে তেমনি অহেতুক তথ্য যুক্ত করায় ফলাবর্তনের কার্যকারিতা বিনষ্ট হয়।

৯) **আন্তরিকতার নীতি** : ফলাবর্তনের একটি উল্লেখযোগ্য নীতি হলো আন্তরিকতার নীতি। এর মাধ্যমে যোগাযোগের প্রত্যুত্তরকে অধিকতর গ্রহণযোগ্য করে তোলা যায়।

১০) **সম্পূর্ণতার নীতি** : কার্যকর ফলাবর্তনের আরেকটি প্রধান নীতি হচ্ছে পরিপূর্ণভাবে প্রত্যুত্তর বা প্রতিক্রিয়া ব্যক্ত করা। প্রত্যুত্তর অসম্পূর্ণ হলে যোগাযোগকারীর পক্ষে গ্রাহকের মনোভাবের পরিস্কার ধারণা লাভ করা সম্ভব হয় না। এরূপ ক্ষেত্রে ফলাবর্তনের কার্যকারিতা হ্রাস পায়।

*** ২। সফল যোগাযোগের জন্য ফলাবর্তন অপরিহার্য কেন? আলোচনা কর।

বাকাশিবো- ২০১৬'পরি

অথবা, “পরিপূর্ণ যোগাযোগ প্রক্রিয়ার জন্য ফলাবর্তন অপরিহার্য”-কেন?

বাকাশিবো- ২০১১, ১৯

উত্তর : ফলাবর্তন এর মাধ্যমে বার্তা প্রেরক তার প্রেরিত বার্তা সম্পর্কে প্রাপকের অনুভূতি বা প্রতিক্রিয়া জানার মাধ্যমে যোগাযোগের পরিপূর্ণতা দান করে।

নিম্নে সকল যোগাযোগের জন্য ফলাবর্তনের অপরিহার্যতা আলোচনা করা হলো :

১) **যোগাযোগের পরিপূর্ণতা** : ফলাবর্তনের মাধ্যমেই যোগাযোগ পরিপূর্ণতা লাভ হয়। কারণ, ফলাবর্তনের মাধ্যমেই বার্তা প্রেরক তার প্রেরিত বার্তা সম্পর্কে প্রাপকের প্রতিক্রিয়া বা প্রত্যুত্তর সম্পর্কে জানতে পারে।

২) **বার্তার প্রত্যক্ষ অনুধাবন** : ফলাবর্তনের মাধ্যমেই বুঝা যায় বার্তাপ্রেরকের প্রেরিত বার্তা বার্তাগ্রাহকের নিকট কীভাবে উপস্থাপিত হয়েছে।

- ৩) সার্বিক পরিস্থিতির অনুধাবন : ফলাবর্তনের মাধ্যমে বার্তাগ্রাহক তার অনুভূতি বার্তা প্রেরকের নিকট প্রকাশ করতে পারে। ফলে বার্তা প্রেরকের পক্ষে সার্বিক পরিস্থিতি অনুধাবন করা সম্ভব হয়।
- ৪) ভাব বিনিময় : যোগাযোগের সাথে যুক্ত সকল ব্যক্তিবর্গের সাথে ভাবের আদান-প্রদানের সুযোগ সৃষ্টি হয় ফলাবর্তনের মাধ্যমে।
- ৫) সঠিক কার্যক্রম গ্রহণ : ফলাবর্তন প্রক্রিয়ার মাধ্যমে বার্তাগ্রাহক তার মতামত বার্তাপ্রেরককে জানালে সেই অনুযায়ী বার্তা প্রেরক কার্যক্রম গ্রহণ করতে পারে।
- ৬) সফলতা সম্পর্কে ধারণা : ফলাবর্তন প্রক্রিয়া বার্তা প্রেরককে যোগাযোগের সফলতা সম্পর্কে সুস্পষ্ট ধারণা প্রদান করে।
- ৭) মাধ্যমের কার্যকারিতা মূল্যায়ন : ফলাবর্তন প্রক্রিয়া বার্তা প্রেরকে ব্যবহৃত মাধ্যমের কার্যকারিতা মূল্যায়ন করতে সাহায্য করে।
- ৮) গণতান্ত্রিক পরিবেশ সৃষ্টি : ফলাবর্তন প্রক্রিয়ায় বার্তাপ্রেরক ও বার্তাগ্রাহক তাদের নিজেদের মতামত প্রদানের সুযোগ পাওয়ার ফলে প্রতিষ্ঠানে গণতান্ত্রিক পরিবেশ সৃষ্টি হয়।
- ৯) দ্রুত সিদ্ধান্ত গ্রহণ : আন্তঃব্যক্তিক ও আন্তঃবিভাগীয় যোগাযোগের ক্ষেত্রে ফলাবর্তন তথ্যাদির বিনিময়ের মাধ্যমে দ্রুত সিদ্ধান্ত গ্রহণে এবং বিভিন্ন বিভাগের মধ্যে সমন্বয়সাধনে সহায়তা করে।
- ১০) সঠিক লক্ষ্যার্জন : ফলাবর্তন প্রক্রিয়ার মাধ্যমে ভুল যোগাযোগকে শুদ্ধ করা যায়। এতে বার্তাপ্রেরক ও বার্তাগ্রাহক সঠিক লক্ষ্যে উপনীত হতে পারে।
- ১১) তথ্য ও উপাত্ত সংগ্রহ : তথ্য ও সংবাদ সম্পর্কে প্রতিক্রিয়া ব্যক্ত করে প্রাপক ফলাবর্তনের মতামত প্রদান করতে পারে। ফলে যোগাযোগকারী সহজে প্রয়োজনীয় তথ্য ও উপাত্ত চিহ্নিত করে তা সংগ্রহ করতে পারে।

১২) মাধ্যম নির্বাচন : ফলাবর্তন যোগাযোগ মাধ্যমগুলোর পরিমাপ করে মাধ্যমে নির্বাচনে সহায়তা করে।



SOS

অতি সংক্ষিপ্ত প্রশ্নোত্তর :

**** ১। আনুষ্ঠানিক যোগাযোগ কাকে বলে?**

বাকাশিবো- ২০১০, ১৯, ২৪

উত্তর : যে সকল যোগাযোগ কোনো সংগঠন বা প্রতিষ্ঠান কর্তৃক প্রণীত নিয়ম-নীতি অনুসরণ করে সংঘটিত হয়, তাকে আনুষ্ঠানিক যোগাযোগ বলে।

যেমন : রিপোর্ট, বুলেটিন ইত্যাদি।

***** ২। নিম্নগামী যোগাযোগ কাকে বলে?**

বাকাশিবো- ২০১৮, ২০'পরি

উত্তর : যে যোগাযোগ প্রতিষ্ঠানের উপরের স্তরের কর্মরত ব্যক্তির নিকট হতে নিচের স্তরের কর্মরত ব্যক্তিদের নিকট প্রেরিত হয়, তাকে নিম্নগামী যোগাযোগ বলে।*** ৩। উপ-সহকারী প্রকৌশলী যদি নির্বাহী প্রকৌশলীর কাছে তথ্য বা সংবাদ প্রেরণ করে তবে কোন ধরনের যোগাযোগ সৃষ্টি হয়?**

বাকাশিবো- ২০১৬

উত্তর : এক্ষেত্রে উর্ধ্বগামী যোগাযোগের সৃষ্টি হয়। কারণ, একজন নির্বাহী প্রকৌশলী সেই প্রতিষ্ঠানের উর্ধ্বতন কর্মকর্তা।**** ৪। সমান্তরাল যোগাযোগ কাকে বলে?**

বাকাশিবো- ২০১০, ১৪, ২৩, ২৪

উত্তর : প্রতিষ্ঠানের কর্মরত সম-পদমর্যাদা সম্পন্ন ব্যক্তিবর্গের মধ্যে যে সকল যোগাযোগ প্রতিষ্ঠিত হয় বা স্থাপিত হয়, তাকে সমান্তরাল যোগাযোগ বলে।

*** ৫। সমান্তরাল যোগাযোগ কীভাবে স্থাপিত হয়?

বাকাশিবো- ২০০৪, ০৫, ০৮, ১০, ১৩, ১৫, ২১

উত্তর : প্রতিষ্ঠানের সমপদে অধিষ্ঠিত এবং সমপর্যায়ের ব্যক্তি ও কর্তৃপক্ষের মধ্যে তথ্য আদান-প্রদানের মাধ্যমে সমান্তরাল যোগাযোগ স্থাপিত হয়।

*** ৬। দ্বিমুখী যোগাযোগ কাকে বলে? বাকাশিবো- ২০১০, ১১, ১৮'পরি, ১৯'পরি, ২১

উত্তর : যে যোগাযোগ ব্যবস্থায় বার্তাগ্রাহক প্রাপ্ত সংবাদের বিষয়ে তার প্রতিক্রিয়া ফলাবর্তনের মাধ্যমে বার্তাপ্রেরকের নিকট প্রেরণ করেন তাকে দ্বিমুখী যোগাযোগ বলে।

*** ৭। কোন ধরনের যোগাযোগে গণতান্ত্রিক পরিবেশ সৃষ্টি হয়?

বাকাশিবো- ২০০৬, ১২, ১৬

উত্তর : দ্বিমুখী যোগাযোগে গণতান্ত্রিক পরিবেশ সৃষ্টি হয়। কারণ, এই যোগাযোগ ব্যবস্থায় বার্তাগ্রাহক ফলাবর্তনের মাধ্যমে তার প্রতিক্রিয়া বার্তাপ্রেরকের নিকট জানাতে পারে।

SOS**সংক্ষিপ্ত প্রশ্নোত্তর :**

**** ১। উর্ধ্বগামী যোগাযোগ ব্যবস্থায় প্রাতিষ্ঠানিক দক্ষতা বৃদ্ধি পায় এর কারণ কী?**

বাকাশিবো- ২০০৫, ১৩

উত্তর : প্রাতিষ্ঠানিক দক্ষতা বৃদ্ধিতে উর্ধ্বগামী যোগাযোগ গুরুত্বপূর্ণ ভূমিকা পালন করে। সুষ্ঠু ও শক্তিশালী যোগাযোগ ছাড়া ব্যবস্থাপনা বা প্রাতিষ্ঠানিক কার্যাবলি সুসম্পন্ন হতে পারে না।

এ যোগাযোগের মাধ্যমে ব্যবস্থাপনা কর্তৃপক্ষ কর্মচারীদের নিকট থেকে প্রতিষ্ঠানের কার্যসম্পর্কিত রিপোর্ট, সমস্যা, প্রস্তাব, সুপারিশ, মতামত ইত্যাদি যাবতীয় তথ্য জেনে নিয়ে কার্যকরী পদক্ষেপ গ্রহণ করে থাকেন। প্রতিটি কার্যের সার্থক বাস্তবায়নেই প্রাতিষ্ঠানিক দক্ষতা বৃদ্ধি পায়।

***** ২। উর্ধ্বগামী যোগাযোগের সুবিধাগুলো লেখ।**

বাকাশিবো- ২০০৮, ১৪, ১৬

উত্তর : উর্ধ্বগামী যোগাযোগের সুবিধাগুলো নিম্নরূপ :

- ১) ফলাবর্তন প্রদানের ব্যবস্থা থাকায় কর্মীদের চিন্তা-চেতনা সম্পর্কে উর্ধ্বতন কর্তৃপক্ষ জানতে পারে।
- ২) কর্মীগণ প্রতিষ্ঠানের উর্ধ্বতন কর্তৃপক্ষের নিকট পরামর্শ প্রদান করতে পারেন।
- ৩) কর্মীদের অভিযোগ, ক্ষোভ, অভিমান, সমস্যা ইত্যাদি নিরসন হয়।
- ৪) কর্মীদের প্রণোদনা প্রদানের ব্যবস্থা থাকা।
- ৫) এর ফলে প্রাতিষ্ঠানিক দক্ষতা বৃদ্ধি পায়।
- ৬) এতে গণতান্ত্রিক চর্চার কার্যকর ব্যবহার নিশ্চিত হয়।

**** ৩। নিম্নগামী যোগাযোগ নির্দেশসূচক হয় কেন?** বাকাশিবো- ২০০৬, ১০'পরি, ১৬

উত্তর : নিম্নগামী যোগাযোগের মাধ্যমে প্রতিষ্ঠানের উর্ধ্বতন কর্মকর্তাগণ তাদের প্রাতিষ্ঠানিক উদ্দেশ্যাবলি, নিয়ম-নীতি, পরিকল্পনা ও কর্মপদ্ধতি ইত্যাদি বিষয়াবলি সম্পর্কে নিম্নপদস্থ কর্মীদের অবহিত এবং প্রয়োজনীয় নির্দেশনা প্রদান করতে পারেন। ফলে নিম্নপদস্থ কর্মীগণ তাদের কার্যক্রম সম্পর্কে একটি ধারণা লাভ করতে সক্ষম হয়। এজন্য নিম্নগামী যোগাযোগ নির্দেশসূচক হয়ে থাকে।

***** ৪। নিম্নগামী যোগাযোগে তথ্য বিকৃত হওয়ার সম্ভাবনা বেশি থাকে কেন?**


বাকাশিবো- ২০০৯, ১৩, ১৪, ১৬'পরি, ১৯

উত্তর : যোগাযোগ প্রক্রিয়া যখন খুব বেশি বড় হয়, তখন তথ্য কেবল হারিয়েই যায় না, বিকৃতও হয়। এ যোগাযোগ ব্যবস্থায় তথ্য বা বার্তা উর্ধ্বতন কর্মকর্তার নিকট হতে একাধিক স্তর অতিক্রম করে। বিভিন্ন হাত ঘুরে সাধারণ কর্মীদের কাছে পৌঁছে। ফলে যোগাযোগের বার্তা বা সংবাদ যদি লিখিত না হয়, তবে তা বিকৃতি ঘটার সম্ভাবনা অনেক বেশি থাকে।


**** ৫। উলম্ব ও সমান্তরাল যোগাযোগের চিত্র উপস্থাপন কর।**

বাকাশিবো- ২০০৪, ০৭, ১১

উত্তর : উলম্ব ও সমান্তরাল যোগাযোগের চিত্র উপস্থাপন করা হলো :



চিত্র : উলম্ব যোগাযোগ




চিত্র : সমান্তরাল যোগাযোগ

SOS**রচনামূলক প্রশ্নোত্তর :**

*** ১। যোগাযোগ কী কী ধরনের হতে পারে? বিভিন্ন প্রকার যোগাযোগের সংক্ষিপ্ত বর্ণনা দাও।

বাকাশিবো- ২০০৮, ১০, ১২

উত্তর : যোগাযোগের প্রকারভেদ নিম্নরূপ :



অভ্যন্তরীণ যোগাযোগ (Internal Communication) : ব্যবসায় সংগঠন কাঠামোর মধ্যকার সদস্যদের মধ্যে যে যোগাযোগ, অর্থাৎ প্রতিষ্ঠানের ভেতরকার যোগাযোগকে অভ্যন্তরীণ যোগাযোগ বলে। এ যোগাযোগ উলম্ব, সমান্তরাল, উর্ধ্বগামী, নিম্নগামীও হতে পারে।

বাহ্যিক যোগাযোগ (External Communication) : ব্যবসায় প্রতিষ্ঠান এবং প্রতিষ্ঠানের বাইরের বিভিন্ন পক্ষ, ব্যক্তি বা প্রতিষ্ঠানের সাথে ভাব বা বার্তার আদান প্রদান সংক্রান্ত কোনো যোগাযোগ করা হলে তাকে বাহ্যিক যোগাযোগ বলে। যেমন : চুক্তিপত্র, বাণিজ্যিক পত্র ইত্যাদি।


আনুষ্ঠানিক যোগাযোগ (Formal Communication) : যে সকল যোগাযোগ কোনো সংগঠন বা প্রতিষ্ঠান কর্তৃক প্রণীত নিয়ম-নীতি অনুসরণ করে সংঘটিত হয়, তাকে আনুষ্ঠানিক যোগাযোগ বলে। যেমন : রিপোর্ট, বুলেটিন ইত্যাদি।

অনানুষ্ঠানিক যোগাযোগ (Informal Communication) : প্রতিষ্ঠানের নিয়ম-নীতি অনুসরণ না করে প্রতিষ্ঠানের অভ্যন্তরে বিভিন্ন পক্ষের মধ্যে যে যোগাযোগ স্থাপিত হয়, তাকে অনানুষ্ঠানিক যোগাযোগ বলে।

গণযোগাযোগ (Mass Communication) : বিভিন্ন অবস্থানে ছড়িয়ে ছিটিয়ে থাকা জনগোষ্ঠীর কাছে একই সাথে অভিন্ন সংবাদ প্রেরণের প্রক্রিয়াকে গণযোগাযোগ বলে।

প্রচারমূলক যোগাযোগ (Promotional Communication) : ব্যবসায়ের সুনাম ও পণ্যের গুণগত মান ঠিক রাখার জন্য যে যোগাযোগ করা হয়, তাকে প্রচারমূলক যোগাযোগ বলে।

উলম্ব যোগাযোগ (Vertical Communication) : প্রতিষ্ঠানে কর্মরত দু'জন আলাদা পদমর্যাদাসম্পন্ন ব্যক্তিবর্গের মধ্যে যে যোগাযোগ স্থাপিত হয়, তাকে উলম্ব বা খাড়াখাড়ি যোগাযোগ বলে।



চিত্র : উলম্ব যোগাযোগ

Types of Communication

[যোগাযোগের প্রকারভেদ]

নিম্নগামী যোগাযোগ (Downward Communication) : যে যোগাযোগ প্রতিষ্ঠানের উপরের স্তরের কর্মরত ব্যক্তির নিকট হতে নিচের স্তরের কর্মরত ব্যক্তিদের নিকট প্রেরিত হয়, তাকে নিম্নগামী যোগাযোগ বলে।




চিত্র : নিম্নগামী



চিত্র : উর্ধ্বগামী যোগাযোগ

উর্ধ্বগামী যোগাযোগ (Upward Communication) : প্রতিষ্ঠানের কর্মীরা আদেশ-নির্দেশ পাওয়ার জন্য উপরের স্তরের ব্যক্তিদের সাথে যে যোগাযোগ করে থাকে, তাকে উর্ধ্বগামী যোগাযোগ বলে।



চিত্র : সমান্তরাল যোগাযোগ

সমান্তরাল যোগাযোগ (Horizontal Communication) : প্রতিষ্ঠানের কর্মরত সমপদমর্যাদা সম্পন্ন ব্যক্তিবর্গের মধ্যে যে সকল যোগাযোগ প্রতিষ্ঠিত হয় বা স্থাপিত হয়, তাকে সমান্তরাল যোগাযোগ বলে। প্রতিষ্ঠানের সমপদে অধিষ্ঠিত এবং সমপর্যায়ের ব্যক্তি ও কর্তৃপক্ষের মধ্যে তথ্য আদান-প্রদানের মাধ্যমে সমান্তরাল যোগাযোগ স্থাপিত হয়।

আঙ্গুরলতা যোগাযোগ (Grapevine Communication) : অনানুষ্ঠানিক চ্যানেল ব্যবহার করে যে অভ্যন্তরীণ যোগাযোগ করা হয়, তাকে আঙ্গুরলতা

যোগাযোগ বলে। এক্ষেত্রে কোনো রকম বাধা ছাড়াই প্রতিষ্ঠানের একজন কর্মী আরেকজনের সাথে তথ্য বা বার্তা প্রদান করতে পারে। যেকোনো দিকে বা যেকোনো পর্যায়ের কর্মকর্তা ও কর্মচারীর মধ্যে এই যোগাযোগ হয়ে থাকে।

*** ২। উর্ধ্বগামী ও নিম্নগামী যোগাযোগের মধ্যে পার্থক্য নির্দেশ কর।

বাকাশির্বা- ২০০৫, ১০'পরি, ১৬


উত্তর : উর্ধ্বগামী ও নিম্নগামী যোগাযোগের মধ্যে পার্থক্য নিম্নরূপ :

উর্ধ্বগামী যোগাযোগ	নিম্নগামী যোগাযোগ
১) প্রতিষ্ঠানের কর্মীরা আদেশ-নির্দেশ পাওয়ার জন্য উপরের স্তরের ব্যক্তিদের সাথে যে যোগাযোগ করে থাকে, তাকে উর্ধ্বগামী যোগাযোগ বলে।	১) প্রতিষ্ঠানের উপরের স্তরের কর্মরত ব্যক্তির নিকট হতে নিচের স্তরের কর্মরত ব্যক্তিদের নিকট প্রেরিত হয়, তাকে নিম্নগামী যোগাযোগ বলে।
২) ফলাবর্তন প্রদানের ব্যবস্থা থাকে।	২) ফলাবর্তন প্রদান করা যায় না।
৩) কর্মীদের প্রণোদনার সুযোগ থাকে।	৩) কর্মীদের প্রণোদনার সুযোগ নেই।
৪) এতে বার্তা বা সংবাদ নিচ হতে উপরের দিকে প্রবাহিত হয় বলে স্বাভাবিক গতি থাকে না।	৪) এতে বার্তা বা সংবাদ উপর হতে নিচের দিকে প্রবাহিত হয় বলে গতি স্বাভাবিক থাকে।
৫) এ ধরনের যোগাযোগ প্রতিষ্ঠানে কম সংঘটিত হয়।	৫) এ ধরনের যোগাযোগ প্রতিষ্ঠানে বেশি সংঘটিত হয়।
৬) কর্তৃত্ব হস্তান্তরের সুযোগ নেই।	৬) কর্তৃত্ব হস্তান্তরযোগ্য।
৭) নিম্নস্তরের কর্মচারী তথ্য প্রেরণ করেন।	৭) উর্ধ্বতন কর্মকর্তা তথ্য প্রেরণ করেন।
৮) এ সকল যোগাযোগ কম ফলপ্রসূ হয়।	৮) এ সকল যোগাযোগ বেশি ফলপ্রসূ হয়।

৯) চিত্র :



৯) চিত্র :



*** ৩। দ্বিমুখী যোগাযোগ কাকে বলে? দ্বিমুখী যোগাযোগের সুবিধা ও অসুবিধাসমূহ আলোচনা কর।

বাকাশিবো- ২০০৬, ০৭, ১০, ১৬'পরি, ২০'পরি, ২৩

উত্তর : যে যোগাযোগ ব্যবস্থায় বার্তাগ্রাহক প্রাপ্ত সংবাদের বিষয়ে তার প্রতিক্রিয়া ফলাবর্তনের মাধ্যমে বার্তাপ্রেরকের নিকট প্রেরণ করেন তাকে দ্বিমুখী যোগাযোগ বলে।

যোগাযোগের সুবিধাসমূহ :

- ১) এ যোগাযোগের মাধ্যমে তথ্যের কার্যকর গতিশীলতা নিশ্চিত হয়।
- ২) বার্তা প্রাপ্তি সম্পর্কে বার্তা প্রেরক নিশ্চিত হতে পারে।
- ৩) উর্ধ্বতন কর্মকর্তাদের সকল নির্দেশ কার্যকর করা সম্ভব হয়।
- ৪) দুই পক্ষেরই মতবিনিময়ের সুযোগ থাকে।
- ৫) অধস্তন কর্মচারীদের কার্যসম্প্রতি নিশ্চিত করা যায়।
- ৬) দুই পক্ষের মধ্যেই সুন্দর সৌহার্দ্যপূর্ণ সম্পর্ক বজায় থাকে।
- ৭) সিদ্ধান্ত গ্রহণে জটিলতা হ্রাস পায়।

- ৮) ভুলত্রুটি সহজেই নির্ণয় ও তা সংশোধনে প্রয়োজনীয় পদক্ষেপ গ্রহণ করা যায়।
- ৯) দ্রুতগতিতে কার্যসম্পাদন করা যায়।
- ১০) সুষ্ঠু কর্মপরিবেশ বজায় থাকে।

অসুবিধাসমূহ :

- ১) এ যোগাযোগ ব্যবস্থা ধীরগতিসম্পন্ন ও সময়সাপেক্ষ।
- ২) কিছু কিছু ক্ষেত্রে বার্তা প্রেরকের ব্যক্তিত্বে আঘাত হানে।
- ৩) বার্তাপ্রেরক ও বার্তাগ্রাহকের ধারণাগত গড়মিল দেখা দিতে পারে।
- ৪) প্রেরিত বার্তার ভুল ব্যাখ্যা প্রদানের সুযোগ থাকে।
- ৫) অন্যের কাজে হস্তক্ষেপ করার সুযোগ থাকে।
- ৬) অনেক ক্ষেত্রে গুরুত্বপূর্ণ বিষয়বস্তুর বাস্তব রূপ দেওয়া কষ্টসাধ্য হয়ে পড়ে।
- ৭) আমলাতান্ত্রিক জটিলতাও সৃষ্টি হতে পারে।

অধ্যায়-৪

আনুষ্ঠানিক ও অনানুষ্ঠানিক যোগাযোগ

SOS

অতি সংক্ষিপ্ত প্রশ্নোত্তর :

*** ১। আনুষ্ঠানিক যোগাযোগ কাকে বলে?

বাকাশিবো- ২০১০, ১৯

উত্তর : যে যোগাযোগ প্রতিষ্ঠান কর্তৃক নির্ধারিত নিয়ম-নীতি, রীতিপদ্ধতি ইত্যাদি অনুসরণ করে সংঘটিত হয়, তাকে আনুষ্ঠানিক যোগাযোগ বলে।

*** ২। আনুষ্ঠানিক যোগাযোগকে স্বেচ্ছাচারী যোগাযোগ বলা হয় কেন?

বাকাশিবো- ২০০৪, ০৫, ০৬, ১৯'পরি

উত্তর : আনুষ্ঠানিক যোগাযোগে প্রতিষ্ঠানের উর্ধ্বতন কর্মকর্তারাই অধস্তন কর্মীদের কাছে বার্তা প্রেরণ করে। ফলে প্রতিষ্ঠানের সকল কর্মীরাই তা মানতে বাধ্য থাকে। তাই আনুষ্ঠানিক যোগাযোগকে স্বেচ্ছাচারী যোগাযোগ বলা হয়।

** ৩। আনুষ্ঠানিক যোগাযোগের ক্ষেত্রে কর্মচারীরা প্রতিষ্ঠানের নিয়মনীতি লঙ্ঘন করতে পারে না কেন?

বাকাশিবো- ২০০৯, ১৪

উত্তর : আনুষ্ঠানিক যোগাযোগের ক্ষেত্রে প্রত্যেক কর্মকর্তা ও কর্মচারীসহ সকলের দায়িত্ব ও কর্তব্য নির্দিষ্ট থাকায় নিয়মনীতির লঙ্ঘন তারা করতে পারে না।

SOS**সংক্ষিপ্ত প্রশ্নোত্তর :**

*** ১। অনানুষ্ঠানিক যোগাযোগ কীভাবে তথ্যের বিকৃতি বা গুজবের জন্ম দেয়?

বাকাশিবো- ২০০৪, ০৮, ১১, ১৫

উত্তর : ১) অনানুষ্ঠানিক যোগাযোগে তথ্য বা বার্তার বিকৃতি ঘটতে পারে যার কারণে ভুল বোঝাবুঝির সৃষ্টি হতে পারে।

২) এ ধরনের যোগাযোগে গোপনীয়তার অভাব থাকে বলে সংবেদনশীল বা গুরুত্বপূর্ণ তথ্য প্রদানের জন্য অনানুষ্ঠানিক যোগাযোগ কার্যকর হয় না।

৩) কোনো নির্ভরযোগ্য যোগাযোগ মাধ্যম না হবার জন্য অনানুষ্ঠানিক যোগাযোগে প্রকৃত তথ্য অতিরঞ্জিত হতে পারে আবার প্রকৃত তথ্য বিকৃত হয়ে অসত্য তথ্য প্রচারিত বা বিনিময় হতে পারে।

৪) এ ধরনের যোগাযোগে বার্তা বা সংবাদ প্রচার নিয়ন্ত্রণে জটিলতা দেখা যায়।

৫) অধিকাংশ সময়ই এই যোগাযোগের মাধ্যমে বিনিময়কৃত তথ্যকে সংবাদ সূত্র হিসাবে ব্যবহার করা যায় না।

** ২। আনুষ্ঠানিক ও অনানুষ্ঠানিক যোগাযোগের মধ্যে পার্থক্য লেখ।

বাকাশিবো- ২০১৫

উত্তর : আনুষ্ঠানিক ও অনানুষ্ঠানিক যোগাযোগের মধ্যে পার্থক্য নিম্নরূপ :

আনুষ্ঠানিক যোগাযোগ	অনানুষ্ঠানিক যোগাযোগ
১) যে যোগাযোগ প্রতিষ্ঠান কর্তৃক নির্ধারিত নিয়ম-নীতি, রীতিপদ্ধতি ইত্যাদি অনুসরণ করে সংঘটিত হয়, তাকে আনুষ্ঠানিক যোগাযোগ বলে।	১) প্রতিষ্ঠানের ভিতরে বা বাইরে প্রতিষ্ঠানের বিষয়াদি সম্পর্কিত যে সকল যোগাযোগ হয়, যা প্রাতিষ্ঠানিকভাবে অনুমোদিত নয় বা যা আনুষ্ঠানিকভাবে করা যায় না, তাকে অনানুষ্ঠানিক যোগাযোগ বলে।

২) প্রতিষ্ঠানের সদস্যদের আনুষ্ঠানিক সম্পর্ক হতে এই যোগাযোগের সৃষ্টি।	২) প্রতিষ্ঠানের সদস্যদের অনানুষ্ঠানিক সম্পর্ক হতে এই যোগাযোগের সৃষ্টি।
৩) এই যোগাযোগ প্রাতিষ্ঠানিকভাবে স্বীকৃত।	৩) এই যোগাযোগ প্রাতিষ্ঠানিকভাবে স্বীকৃত নয়।
৪) যোগাযোগের প্রতিষ্ঠিত পদ্ধতি আছে।	৪) যোগাযোগের প্রতিষ্ঠিত পদ্ধতি নেই।
৫) যোগাযোগের ক্ষমতার ব্যবহার সহজ।	৫) যোগাযোগের ক্ষমতার ব্যবহার জটিল।
৬) কর্তৃত্ব অর্পণে বাস্তব কার্যকারিতা আছে।	৬) কর্তৃত্ব অর্পণে বাস্তব কার্যকারিতা নেই।
৭) এ যোগাযোগ কাজের সমন্বয় সাধনে ব্যবহৃত হয়।	৭) এ যোগাযোগ কাজের সমন্বয় সাধনে ব্যবহৃত হয় না।
৮) প্রাতিষ্ঠানিক শৃঙ্খলা বজায় রাখা সহজ হয়।	৮) অনেক ক্ষেত্রেই প্রাতিষ্ঠানিক শৃঙ্খলা বজায় রাখা সম্ভব হয় না।
৯) প্রতিষ্ঠানের সকল কর্মী এ ধরনের যোগাযোগ মানতে বাধ্য।	৯) প্রতিষ্ঠানের সকল কর্মী এ ধরনের যোগাযোগ মানতে বাধ্য নয়।
১০) তথ্যের বিকৃতি ঘটার সম্ভাবনা কম থাকে।	১০) তথ্যের বিকৃতি ঘটার সম্ভাবনা বেশি থাকে।
১১) গুজব ছড়ানোর সুযোগ কম।	১১) গুজব ছড়ানোর সুযোগ বেশি।
১২) এ যোগাযোগে ভুলত্রুটির সম্ভাবনা থাকে।	১২) এ যোগাযোগে ভুলত্রুটির সম্ভাবনা বেশি থাকে।
১৩) এতে ব্যক্তিগত সম্পর্ক সৃষ্টির সুযোগ নেই।	১৩) এতে ব্যক্তিগত সম্পর্ক সৃষ্টির সুযোগ অনেক বেশি।
১৪) তথ্যের গোপনীয়তা রক্ষা করা যায়।	১৪) তথ্যের গোপনীয়তা রক্ষা করা যায় না।
১৫) এরূপ যোগাযোগের কার্যকারিতা ও প্রয়োগ বেশি।	১৫) এরূপ যোগাযোগের কার্যকারিতা ও প্রয়োগ কম।

SOS**রচনামূলক প্রশ্নোত্তর :**

১। আনুষ্ঠানিক যোগাযোগ কাকে বলে? এ যোগাযোগের সুবিধা ও অসুবিধাসমূহ আলোচনা কর।

বাকশির্ষো- ২০০৮, ১০

উত্তর : আনুষ্ঠানিক যোগাযোগ : যে যোগাযোগ প্রতিষ্ঠান কর্তৃক নির্ধারিত নিয়ম-নীতি, রীতিপদ্ধতি ইত্যাদি অনুসরণ করে সংঘটিত হয়, তাকে আনুষ্ঠানিক যোগাযোগ বলে।

আনুষ্ঠানিক যোগাযোগের সুবিধাসমূহ :

- ১) আনুষ্ঠানিক যোগাযোগ হলে সংবাদ প্রেরক ও গ্রহীতার মধ্যে মনোযোগ ও সচেতনতা সৃষ্টি হয় ও তা বৃদ্ধি পায়।
- ২) এ ধরনের যোগাযোগ স্থায়ী দলিল হিসেবে কাজ করে এবং ভবিষ্যতে এর সংবাদ সূত্র প্রয়োজনের সময় ব্যবহার করা যায়।
- ৩) আনুষ্ঠানিক যোগাযোগের মাধ্যমে আদান-প্রদানকৃত বার্তার নির্ভরশীলতা বেশি।
- ৪) যেহেতু সুনির্দিষ্ট নিয়ম-নীতি ও পদ্ধতি ব্যবহার করে এ যোগাযোগ করা হয় তাই এখানে তথ্যের সত্যতা থাকে ও তথ্য বিকৃতিমুক্ত থাকে।
- ৫) আনুষ্ঠানিক কাঠামো অনুযায়ী এ যোগাযোগ করা হয় বলে উর্ধ্বতন ও অধস্তনদের মধ্যে সহজ ও সুন্দরভাবে তথ্য ও দায়িত্ব হস্তান্তর সহজ হয় আবার বাইরের প্রতিষ্ঠানের সাথেও কার্যক্রম ভালোভাবে সম্পন্ন করা যায় ও সুসম্পর্ক বৃদ্ধি পায়।

আনুষ্ঠানিক যোগাযোগের অসুবিধাসমূহ :

- ১) আনুষ্ঠানিক যোগাযোগে সংগঠনের কাঠামো ও নিয়মনীতি মেনে করতে হয় বলে অনেক সময় যোগাযোগ প্রক্রিয়া দেরি হয়, এতে সময়ের অপচয় হয়।

২) এ যোগাযোগ পূর্বনির্ধারিত পদ্ধতি ব্যবহার করে হয় বলে নমনীয়তার অভাব থাকে।

৩) এ ধরনের যোগাযোগে আনুষ্ঠানিকতা থাকে বলে কর্তৃত্বসুলভ আচরণ বেশি থাকে, যার কারণে অনেকসময় বিরূপ প্রতিক্রিয়ার সৃষ্টি হতে পারে।

৪) আনুষ্ঠানিকতা পালন করতে হয় বলে এ ধরনের যোগাযোগে অনেকসময় অপ্রয়োজনীয় খরচ বহন করতে হয়।

SOS

অতি সংক্ষিপ্ত প্রশ্নোত্তর :

* ১। যোগাযোগ পদ্ধতি কী?


বাকাশিবো- ২০০৫

উত্তর : যে সকল পদ্ধতি বা কৌশল ব্যবহার করে যোগাযোগ কার্যসম্পন্ন করা হয়, সেই সকল পদ্ধতিগুলোকে যোগাযোগ পদ্ধতি বলে।

* ২। যোগাযোগ পদ্ধতির প্রকারভেদ লেখ।

বাকাশিবো- ২০১৬'পরি

উত্তর : যোগাযোগ পদ্ধতিকে প্রধানত দুই ভাগে ভাগ করা হয়। যেমন :



* ৩। অনাক্ষরিক যোগাযোগ কী?

বাকাশিবো- ২০১৪

উত্তর : যে যোগাযোগ পদ্ধতিতে শব্দ ব্যবহার না করেও যোগাযোগ স্থাপিত হয়, তাকে অনাক্ষরিক বা শব্দবহির্ভূত যোগাযোগ বলে।

**** ৪।** লিখিত যোগাযোগের প্রধান উপায় বা মাধ্যমগুলো কী কী?

বাকাশিবো- ২০১৩,

২৩

উত্তর : বিশেষ ব্যবস্থাপনা বুলেটিন, ব্যবস্থাপনা সংবাদ চিঠি, সংবাদপত্র কর্মচারী ইন্তেহার, মাসিক পত্রিকা, প্রশ্নবাক্স, বিজ্ঞপ্তি, স্বাক্ষরকলিপি ইত্যাদি।

**** ৫।** লিখিত যোগাযোগ বেশি গ্রহণযোগ্য কেন?

বাকাশিবো- ২০০৯, ১৪, ২৪

উত্তর : লিখিত যোগাযোগ এর স্থায়ী রেকর্ড থাকে। যা ভবিষ্যতে কোনো আইনগত জটিলতায় আদালতে প্রামাণ্য দলিল হিসাবে দাখিল করা হয়।

**** ৬।** মৌখিক যোগাযোগ কী?

বাকাশিবো- ২০১৮

উত্তর : উদ্দেশ্য অর্জনের জন্য বার্তাপ্রেরক যখন তার মনের ভাব, ধারণা, বার্তা, অনুভূতি, তথ্য, কথা-বার্তা বা আলোচনার মাধ্যমে বার্তাগ্রাহককে জানায়, তাকে মৌখিক যোগাযোগ বলে।

***** ৭।** মৌখিক যোগাযোগের মাধ্যমগুলো কী কী?

বাকাশিবো- ২০০৯, ১৪'পরি, ১৬, ১৮'পরি, ২৪

উত্তর : কথোপকথন, টেলিফোন, সাক্ষাৎকার, দলগত আলোচনা, আনুষ্ঠানিক প্রশিক্ষণ কোর্স, পরামর্শ, রেডিও, টেলিভিশন ইত্যাদি।

***** ১৩।** সেমিনার কাকে বলে?

বাকাশিবো- ২০১৭

উত্তর : কোনো একটি সুনির্দিষ্ট বিষয়ে অভিজ্ঞ ব্যক্তিদের সমন্বয়ে এক বা একাধিক অভিবেশনে আলাপ আলোচনার মাধ্যমে উক্ত বিষয়ে সুস্পষ্ট দিক নির্দেশনা লাভ করাকে সেমিনার বলে।

SOS**সংক্ষিপ্ত প্রশ্নোত্তর :****** ১। নীরবতা কি যোগাযোগ হতে পারে?**

বাকাশিবো- ২০১৪, ১৫

উত্তর : নীরবতা হলো নিস্তব্ধতা বা শব্দের অভাব। নীরবতাও যোগাযোগ হতে পারে। ইহা যোগাযোগ পদ্ধতির অনাক্ষরিক বা শব্দবহির্ভূত যোগাযোগের অন্তর্ভুক্ত। নীরবতা মানে কোনো ধরনের শব্দের অনুপস্থিতি বুঝলেও যোগাযোগের ক্ষেত্রে এটি বক্তব্যের অনুপস্থিতি হিসাবে দেখা যায়। বক্তব্যের অনুপস্থিতির অর্থ এই নয় যে ঐ ব্যক্তি অন্য ব্যক্তির সাথে যোগাযোগ করছে না। নীরবতার ব্যবহার একটি বিশেষ ধরনের অমৌখিক যোগাযোগ হিসেবে কাজ করে। সুতরাং বলা যায়, নীরবতা যোগাযোগের একটি অত্যন্ত শক্তিশালী রূপ।

**** ২। যোগাযোগকারী কী কী মাধ্যমে যোগাযোগ সম্পন্ন করে?**

বাকাশিবো- ২০১৩, ১৪'পরি, ১৬'পরি

উত্তর : যোগাযোগকারী বিভিন্ন মাধ্যমে যোগাযোগ সম্পন্ন করে।

যেমন : কাথোপকথন, সাক্ষাৎকার, টেলিফোন, মঞ্চ বক্তৃতা, দলগত আলোচনা, সম্মেলন, রেডিও, টেলিভিশন, চা-চক্র, আনুষ্ঠানিক প্রশিক্ষণ কোর্স, পুরস্কার বিতরণী সভা। এছাড়াও ইউটিউব, টেলিগ্রাম, হোয়াটসঅ্যাপ, স্ল্যাপচ্যাট, মেসেঞ্জার, ভাইবার ইত্যাদি সামাজিক যোগাযোগ মাধ্যমেও যোগাযোগকারী তার প্রয়োজনীয় যোগাযোগ সম্পন্ন করে।

***** ৩। মৌখিক যোগাযোগের উপায়গুলো উল্লেখ কর।**

বাকাশিবো- ২০০৫, ০৭, ০৯, ১০'পরি, ১১, ১২, ১৪

উত্তর : মৌখিক যোগাযোগের উপায়গুলো নিম্নরূপ :

১) কথোপকথন

২) টেলিফোন

৩) মোবাইল ফোন

- | | | |
|--------------------------------|---------------|-----------------------|
| ৪) ইন্টারকম | ৫) সাক্ষাৎকার | ৬) দলগত আলোচনা |
| ৭) চা-চক্র | ৮) বক্তৃতা | ৯) সম্মেলন |
| ১০) আনুষ্ঠানিক প্রশিক্ষণ কোর্স | ১১) রেডিও | ১২) টেলিভিশন ইত্যাদি। |

SOS**রচনামূলক প্রশ্নোত্তর :**

*** ১। যোগাযোগ পদ্ধতি বলতে কী বুঝ? যোগাযোগের বিভিন্ন পদ্ধতিগুলো বর্ণনা কর।

বাকশিবো- ২০০৮, ১৪, ১৯

উত্তর : যোগাযোগ পদ্ধতি : যে সকল পদ্ধতি বা কৌশল ব্যবহার করে যোগাযোগ কার্যসম্পন্ন করা হয়, সেই সকল পদ্ধতিগুলোকে যোগাযোগ পদ্ধতি বলে।

যোগাযোগের বিভিন্ন পদ্ধতি সমূহ নিম্নে বর্ণনা করা হলো :

১) **আক্ষরিক যোগাযোগ :** যে যোগাযোগ পদ্ধতিতে শব্দ ও ব্যাকরণ ব্যবহার করে ভাষার মাধ্যমে যোগাযোগ স্থাপিত হয়, তাকে আক্ষরিক বা শব্দগত বা শাব্দিক যোগাযোগ বলে।

২) **অনাক্ষরিক যোগাযোগ :** যে যোগাযোগ পদ্ধতিতে শব্দ ব্যবহার না করেও যোগাযোগ স্থাপিত হয়, তাকে অনাক্ষরিক বা শব্দবহির্ভূত যোগাযোগ বলে।

৩) **মৌখিক যোগাযোগ :** উদ্দেশ্য অর্জনের জন্য বার্তাপ্রেরক যখন তার মনের ভাব, ধারণা, বার্তা, অনুভূতি, তথ্য, কথা-বার্তা বা আলোচনার মাধ্যমে বার্তাগ্রাহককে জানায়, তাকে মৌখিক যোগাযোগ বলে। আজকাল কারবারি যোগাযোগের অধিকাংশই মৌখিকভাবে সংঘটিত হয়। মৌখিক যোগাযোগে বার্তাপ্রেরক ও বার্তাগ্রাহকের মধ্যে প্রত্যক্ষ সম্পর্ক স্থাপিত হয় এবং প্রেরকের বার্তা প্রাপকের কাছে কতটুকু গ্রহণযোগ্য বা বোধগম্য তা সহজেই অনুধাবন করা যায়। কথোপকথন, সাক্ষাৎকার, দলগত আলোচনা, বক্তৃতা, আনুষ্ঠানিক প্রশিক্ষণ

কোর্স, দূরালাপনি, রেডিও, টেলিভিশন প্রভৃতি মৌখিক যোগাযোগের অন্যতম উপায়।

৪) **লিখিত যোগাযোগ :** যোগাযোগের বার্তা যখন লিখিতভাবে প্রকাশ করা হয়, তখন তাকে লিখিত যোগাযোগ বলে। এ পদ্ধতিতে বার্তাপ্রেরক বার্তার বিষয়বস্তু ভাষার সাহায্যে কাগজে-কলমে লিখে বার্তাপ্রাপকের নিকট উপস্থাপন করে থাকে। যোগাযোগ লিপি, নির্দেশিকা, রিপোর্ট, বুলেটিন, বিজ্ঞপ্তি, স্বাক্ষরলিপি প্রভৃতি লিখিত যোগাযোগের বিভিন্ন উপায়। লিখিত যোগাযোগ মৌখিক যোগাযোগের মতো প্রত্যক্ষভাবে সংঘটিত হয় না এবং এতে তাৎক্ষণিক প্রত্যুত্তর পাওয়া যায় না।

৫) **চাক্ষুষ যোগাযোগ :** দৃশ্যমান কোনো কিছুর সাহায্যে যে যোগাযোগ করা হয়, তাকে চাক্ষুষ বা দর্শন বা দৃশ্যমান যোগাযোগ বলা হয়। সাধারণত চিত্র, ছবি, নকশা, ম্যাপ, প্রতীক, পোস্টার ইত্যাদির মাধ্যমে অতি সহজে এবং দক্ষতার সাথে এই যোগাযোগ সমন্বিত হলে যোগাযোগের ফলপ্রসূতা বৃদ্ধি পায়। বার্তাগ্রাহক যখন অশিক্ষিত বা অল্প শিক্ষিত হয় তখন এই যোগাযোগই সর্বোত্তম। এই পদ্ধতিতে পণ্যের উৎপাদন, ক্রয়-বিক্রয়, চাহিদা, সরবরাহ, দ্রব্যমূল্য হ্রাস-বৃদ্ধি ইত্যাদি বিষয়াদি অত্যন্ত সহজ ও সুন্দরভাবে উপস্থাপন করা যায় এবং বার্তাগ্রাহককে জানানো যায়। ফলে দুই পক্ষেরই সময় কম লাগে।

৬) **শ্রবণ-দর্শন যোগাযোগ :** যে যোগাযোগ পদ্ধতিতে লিখিত ও মৌখিক যোগাযোগের সাথে দর্শন বা দৃশ্যমান যোগাযোগের সমন্বয় ঘটে, তাকে শ্রবণ-দর্শন যোগাযোগ বলা হয়। প্রতিষ্ঠানের কোনো নির্দেশনা, তথ্য, তত্ত্ব, সংবাদকে প্রথমে মুদ্রিত করে বার্তা গ্রাহকের মধ্যে বণ্টন করা হয়। পরবর্তীতে বার্তাগ্রাহক প্রাপ্ত যোগাযোগকে প্রয়োজনের আলোকে শ্রোতাদের নিকট বিলি বণ্টন করেন। এই যোগাযোগে যেহেতু চিত্র, চার্ট, নকশা, গ্রাফ ইত্যাদির ব্যবহৃত হয়, ফলে প্রকৃত শ্রোতা তা সহজেই বুঝতে পারে। এই যোগাযোগের মাধ্যমে লিখিত, মৌখিক ও

দর্শন যোগাযোগ পদ্ধতিগুলোর ত্রুটিগুলো দূর করা যায় এবং সুবিধাগুলো অর্জন করা যায়। তাই অন্যান্য যোগাযোগ পদ্ধতির তুলনায় এই পদ্ধতি অধিক কার্যকর এবং ফলপ্রসূ। একারণে বাংলাদেশে Audio-Visual এবং School Broadcasting Programme চালু করা হয়েছে।

শ্রবণ-দর্শন যোগাযোগ পদ্ধতির মাধ্যমগুলো হলো :

- ক) সিনেমা, সিনেমা স্লাইড, নিয়ন সাইন
- খ) টিভি ও ভিসিআর, এবং
- গ) ডেমোনেস্ট্রেশন।

৭) অঙ্গভঙ্গি যোগাযোগ : শরীরের বিভিন্ন অঙ্গের মাধ্যমে শব্দ ছাড়াই তথ্য প্রকাশ বা জানাতে এই যোগাযোগ ব্যবহৃত হয়। এ জাতীয় আচরণের মধ্যে চেহারা অভিব্যক্তি, শরীরের অঙ্গভঙ্গি, চোখের নাড়াচাড়া, স্পর্শ অন্তর্ভুক্ত। ইহাকে অঙ্গ-সঞ্চালন যোগাযোগও বলা হয়।

দেহের বিভিন্ন অঙ্গসঞ্চালন করেও যোগাযোগ করা যেতে পারে। যখন কোনো কথাবার্তা না বলে শুধু আকার ইঙ্গিতে মনের ভাব প্রকাশ করা হয় তাকেই অঙ্গ সঞ্চালন যোগাযোগ বলা হয়। যেমন : হাত নেড়ে, ডাস্টার দ্বারা টেবিল টোকা দিয়ে, জানালা দিয়ে হাত বের করে পেছনের গাড়িকে সাইড দেয়া বা না দেয়া, ট্রাফিক পুলিশের হাত উঠানো বা নামানো, হাতে বা পায়ে বাজনার সুর তোলা, কথার মাঝে মুষ্টিবদ্ধ হাত করা ইত্যাদি মাধ্যমে সার্থকভাবে এই যোগাযোগ করা যায়। উল্লেখ্য যে, মৌখিক যোগাযোগের সময় যদি অঙ্গ সঞ্চালন যোগাযোগ যুক্ত হয় তবে যোগাযোগের মূল্য বৃদ্ধি পায় এবং তা ফলদায়ক হয়।

৮) লৈখিক যোগাযোগ : এ পদ্ধতিতে যোগাযোগকারী লেখচিত্র ছবির সাহায্যে তার মনের ভাব যোগাযোগ গ্রহীতার নিকট উপস্থাপন করে থাকে। অনেক সময় শব্দ বা ভাষার ব্যবহার যোগাযোগের ক্ষেত্রে বিশেষ ফলদায়ক হয় না, সে-সকল ক্ষেত্রে লৈখিক যোগাযোগ গুরুত্বপূর্ণ ভূমিকা রাখতে পারে।

৯) কার্যের মাধ্যমে যোগাযোগ : কার্যের মাধ্যমেও অনেক সময় যোগাযোগ স্থাপন করা যায়। যেমন : ব্যবস্থাপনার মধ্যে যদি সততা, সহনশীলতা, ন্যায় পরায়ন এবং কর্তব্য নিষ্ঠা থাকে, তবে তার অধীনস্থরাও এসকল গুণ অর্জন করার চেষ্টা করে থাকে। আবার ব্যবস্থাপনার মধ্যে এগুলোর অভাব দেখা দিলে অধীনস্থদের মধ্যেও এগুলোর অভাব দেখা দেয়। তাই কার্য সম্পাদনের মাধ্যমেও যোগাযোগ স্থাপন করা যায়।

১০) স্পর্শের মাধ্যমে যোগাযোগ : স্পর্শের মাধ্যমেও যোগাযোগ প্রতিষ্ঠিত হতে পারে। কোনো ব্যক্তি যদি কাউকে স্পর্শ করে সেক্ষেত্রে স্পর্শকারী বার্তাপ্রেরক হিসেবে বার্তাগ্রাহকের সাথে পারস্পারিক যোগাযোগ স্থাপনের মধ্য দিয়ে তথ্য বা ভাবের আদান-প্রদান করে থাকে।

১১) নীরবতার মাধ্যমে যোগাযোগ : নীরবতার মাধ্যমে বার্তা প্রাপক ও বার্তাগ্রাহকের মধ্যে যোগাযোগ করা সম্ভব। যেমন : অফিসের বড় সাহেবের গম্ভীর চেহারা দেখে অধীনস্থরা বুঝতে পারে তিনি সমস্যায় আছেন। ক্লাসে শিক্ষার্থীদের মলিন ও বিষণ্ণ চেহারা দেখে শিক্ষক বুঝতে পারেন তারা শিক্ষকের কথা বুঝতে পারছে না, অধীনস্থদের বিষণ্ণ মুখ দেখে ব্যবস্থাপনা বুঝতে পারেন তারা সমস্যায় রয়েছে বা সৌহার্দ্যমূলক সম্পর্কের অভাব রয়েছে ইত্যাদি। আবার নীরবতা সম্মতির লক্ষণ বলেও একটি কথা প্রচলিত রয়েছে। তবে এটা শুধু পাত্র-পাত্রী বাছাইয়ের ক্ষেত্রে বেশি ব্যবহৃত হয়।

*** ২। লিখিত যোগাযোগ কী? এর সুবিধা ও অসুবিধাগুলো আলোচনা কর।

বাকাশির্বা- ২০০৫, ০৮, ১০, ১১, ১৫, ১৯'পরি

উত্তর : লিখিত যোগাযোগে : যোগাযোগের বার্তা যখন লিখিতভাবে প্রকাশ করা হয়, তখন তাকে লিখিত যোগাযোগ বলে।

লিখিত যোগাযোগের সুবিধা : লিখিত যোগাযোগ ব্যবহারের ক্ষেত্রে অনেক সুবিধা রয়েছে, যা নিম্নে আলোচনা করা হলো :

১. স্থায়ী রেকর্ড : লিখিত যোগাযোগ একটি স্থায়ী রেকর্ড। প্রয়োজন হলে যেকোনো সময়ে, যেকোনো বিষয়ে অতীতে কি যোগাযোগ হয়েছিল তা রেকর্ড থেকে খুঁজে বের করে দেখা যায়। অন্য কোনো মাধ্যমে এটা সম্ভব নয়।

২. প্রামাণ্য দলিল : মৌখিক যোগাযোগ প্রামাণ্য দলিল হিসেবে অর্থহীন। কোনো বিষয়ে আইনের আশ্রয় নিতে হলে আদালতে প্রামাণ্য দলিলপত্র দাখিল করতে হয়। লিখিত যোগাযোগে এটা খুব সহজে করা সম্ভব হয়।

৩. সহজবোধ্য ও গ্রহণযোগ্য : মৌখিক যোগাযোগ অপেক্ষা লিখিত যোগাযোগই সহজবোধ্য ও গ্রহণযোগ্য মাধ্যম। প্রয়োজনবোধে বারবার পাঠ করে বক্তব্য উদ্ধার করতে পারে।

৪. নির্ভুলতা যাচাই করা যায় : লিখিত যোগাযোগের নির্ভুলতা নিশ্চিত করার জন্য একে পরীক্ষা-নিরীক্ষা করা যেতে পারে।

৫. শক্তিশালী ও নির্ভরযোগ্যতা : বস্তুতপক্ষে গুরুত্বপূর্ণ ও নির্ভরযোগ্য যোগাযোগ লিখিত হওয়াই উচিত।

৬. সহজ উপস্থাপনা : জটিল বিষয়সমূহ লিখিত যোগাযোগের মাধ্যমে সহজেই তুলে ধরা যায়।

৭. সংবাদ বিকৃতির সম্ভাবনা কম : লিখিত যোগাযোগের মাধ্যমে কোনো সংবাদ বা ঘটনা বিকৃত করার সুযোগ থাকে না।

৮. বাহুল্য বর্জন ও সময়ের অপচয় কম হয় : লিখিত যোগাযোগে বাহুল্য বর্জন হয় এবং সময় কম ব্যয় হয়। এক্ষেত্রে অনাবশ্যক যুক্তিতর্কের অবতারণা বাদ দিয়ে সংক্ষিপ্তাকারে বক্তব্য পেশ করা যায়।

৯. **কর্তৃত্বার্পণ সহজ :** কর্তৃত্বার্পণের ক্ষেত্রে লিখিত যোগাযোগ অত্যাবশ্যিক। এই প্রকার যোগাযোগে পরিষ্কাররূপে কর্মীর কর্মদক্ষতা ও কর্তব্যসমূহের সংজ্ঞা নিরূপণ করা হয়। কর্মীরা পরিষ্কাররূপে তাদের কর্মপরিধি ও ক্ষমতা সম্পর্কে জানতে পারে।
১০. **বক্তব্য পেশের সুবিধা :** অনেক ব্যবস্থাপক তার বক্তব্য ভালভাবে বলতে পারেন না। কিন্তু তিনি তা সাজিয়ে গুছিয়ে লিখতে পারেন।
১১. **প্রচার মাধ্যম :** লিখিত যোগাযোগ কোম্পানির প্রচারণার কাজ করে। অনেক সময় এটা বাজারে কোম্পানির সুনাম প্রতিষ্ঠায় সহায়তা করে।
১২. **ব্যক্তিগত সংযোগের বিকল্প :** লিখিত যোগাযোগ ব্যক্তিগত সংযোগের প্রয়োজনীয়তাকে পরিহার করতে একটি উপযুক্ত বিকল্প হিসেবে কাজ করে। এর ফলে একজন ব্যক্তি নির্বাহী লিখিত যোগাযোগের বিভিন্ন মাধ্যমে অসংখ্য অধীনস্থদের সাথে অতি স্বল্প সময়ে যোগাযোগ স্থাপন কতে পারেন।
১৩. **গুরুত্বপূর্ণ বিষয়ে অধিক কার্যকর :** প্রতিষ্ঠানের নীতি, লক্ষ্য, ক্রয়-বিক্রয় ও উৎপাদন পদ্ধতি বর্ণনা, নির্দেশ প্রদান, প্রণোদনা বা অন্য যেকোনো গুরুত্বপূর্ণ বা দীর্ঘস্থায়ী বিষয়ে লিখিত যোগাযোগ সর্বোত্তম।
১৪. **কার্যকর নিয়ন্ত্রণ :** নিম্নস্তরের তত্ত্বাবধায়কদের কাছে লিখিত যোগাযোগ খুবই কার্যকর। এটা তদারক ও নিয়ন্ত্রণ কার্যকর করতে সহায়তা করে।
১৫. **কার্যকর উপস্থাপনা :** এই পদ্ধতির যোগাযোগে প্রথমেই বক্তব্যটির খসড়া লিখা হয়। ফলে পরিকল্পনানুযায়ী বক্তব্য বিষয়কে প্রস্তুত করে আকর্ষণীয়ভাবে উপস্থাপন করা যায়।

লিখিত যোগাযোগের অসুবিধা : লিখিত যোগাযোগের কিছু ত্রুটি-বিচ্যুতি আছে। নিম্নে তা আলোচনা করা হলো :

১. **ব্যয়বহুল :** লিখিত যোগাযোগ ব্যয়বহুল। লিখিত যোগাযোগ প্রস্তুত করতে কাগজ, কালি, কলম, কম্পিউটার, টাইপরাইটার, টাইপ লিখক, সাইক্লোস্টাইল মেশিন, প্রিন্টিং মেশিন ইত্যাদি ব্যবহারের দরকার হয়। তাই লিখিত যোগাযোগে ব্যয় অনেক বেশি হয়।

২. **সময়ের অপচয় :** লিখিত যোগাযোগ স্থাপনে অধিক সময় ব্যয় হয়। মৌখিক যোগাযোগ সামনা-সামনি বা টেলিফোনে আলাপ-আলোচনা করে অল্পক্ষণেই সম্পন্ন করা যায়। লিখিত যোগাযোগ রচনা ও প্রেরণের ব্যাপারে কিছু আনুষ্ঠানিকতা পালন করতে হয়, যার জন্য এতে অধিক সময় ব্যয় হয়।

৩. **নির্বাহীর স্বার্থ রক্ষা :** ব্যবসায় সংগঠনের সদস্যদের অনেকেই একে অন্যের উপর দোষ চাপিয়ে থাকে। এজন্য লোকে নিজেকে স্থানে রেখে যোগাযোগ লিপি তৈরি করে, এতে সে অনেক সময় অনেক প্রয়োজনীয় কথা বাদ দিয়ে অনেক অপ্রয়োজনীয় কথা লিখে নিজের অবস্থান ঠিক রাখার চেষ্টা করে। ফলে যোগাযোগের উদ্দেশ্য ব্যাহত হয়।

৪. **পরোক্ষ সম্পর্ক স্থাপন :** লিখিত যোগাযোগে বার্তা প্রেরক ও বার্তা প্রাপকের মধ্যে সরাসরি বা প্রত্যক্ষ সম্পর্ক স্থাপিত হয় না। সুতরাং প্রাপকের নিকট হতে অনেক বিলম্বে প্রতি উত্তর পাওয়া যায়। কাজেই যোগাযোগে কোনো প্রকার ত্রুটি-বিচ্যুতি হলে সাথে সাথে সংশোধনমূলক ব্যবস্থা গ্রহণ করা যায় না।

৫. **অশিক্ষিত গ্রাহকের নিকট অর্থহীন :** বার্তা প্রাপক সর্বদা শিক্ষিত হবে তা বলা যায় না। বার্তা গ্রাহক অশিক্ষিত হলে লিখিত যোগাযোগ সম্পূর্ণরূপে অকেজো হয়ে পড়ে।

৬. **গতিশীলতার অভাব :** লিখিত বক্তব্যের অনেক সময় পুনঃব্যখ্যা ও বিশ্লেষণ প্রয়োজন হয় এবং সেক্ষেত্রে যোগাযোগ গতিশীলতা ও দ্রুত প্রয়োগের শক্তি হারিয়ে ফেলে।

৭. গোপনীয়তার অভাব : ব্যবসায়ের গোপনীয়তার ক্ষেত্রে এটা একটি অবাঞ্ছিত মাধ্যম। যোগাযোগ লিপি গোপন তথ্য ফাঁস করতে সহায়তা করে। ৮. সহজে ঐকমত্যে পৌঁছানো যায় না : মৌখিক যোগাযোগের ক্ষেত্রে বক্তব্য বিষয়ে বক্তা ও শ্রোতা যত সহজে ঐকমত্যে আসতে পারে, লিখিত যোগাযোগের ক্ষেত্রে তা অনেক সময়ই সম্ভব হয় না।

৯. জটিলতা ও দীর্ঘসূত্রতা : লিখিত যোগাযোগের ক্ষেত্রে বুঁকি হ্রাসের জন্য উর্ধ্বতন দায়িত্বশীল কর্মকর্তাগণ বিধিবদ্ধ পদ্ধতি অনুসরণের দ্বারা যোগাযোগ করেন। এতে যোগাযোগে জটিলতা ও সমস্যা দেখা দেয় এবং যোগাযোগের প্রক্রিয়া দীর্ঘসূত্রতা দোষে দুষ্ট হয়।

১০. অপরিবর্তনশীল : লিখিত যোগাযোগের প্রেরিত বার্তা সংবাদের প্রয়োজনীয় সংযোজন, বিয়োজন, সংশোধন বা বিশ্লেষণের কোনো অবকাশ থাকে না। ফলে তাৎক্ষণিক কোনো ভুল পরিহার বা সংশোধন সম্ভব হয় না।

*** ৩। মৌখিক ও লিখিত যোগাযোগের মধ্যে পার্থক্য লেখ। ।

বাকাশিবো- ২০০৮, ০৯, ১৩, ১৪,

২১

উত্তর : মৌখিক ও লিখিত যোগাযোগের মধ্যে পার্থক্য নিম্নরূপ :

মৌখিক যোগাযোগ	লিখিত যোগাযোগ
১) উদ্দেশ্য অর্জনের জন্য বার্তাপ্রেরক যখন তার মনের ভাব, ধারণা, বার্তা, অনুভূতি, তথ্য, কথা-বার্তা বা আলোচনার মাধ্যমে বার্তাগ্রাহককে জানায়, তাকে মৌখিক যোগাযোগ বলে।	১) যোগাযোগের বার্তা যখন লিখিতভাবে প্রকাশ করা হয়, তখন তাকে লিখিত যোগাযোগ বলে।
২) বার্তাপ্রেরক ও বার্তাগ্রাহকের মধ্যে প্রত্যক্ষ সম্পর্ক স্থাপিত হয়।	২) বার্তাপ্রেরক ও বার্তাগ্রাহকের মধ্যে পরোক্ষ সম্পর্ক স্থাপিত হয়।

৩) ইহা এক ধরনের অনানুষ্ঠানিক যোগাযোগ।	৩) ইহা এক ধরনের আনুষ্ঠানিক যোগাযোগ।
৪) এ সকল যোগাযোগ ভবিষ্যতের জন্য সংরক্ষণ রাখা যায় না।	৪) এ সকল যোগাযোগ ভবিষ্যতের জন্য সংরক্ষণ রাখা যায়।
৫) আইনগত কোনো মূল্য নেই।	৫) আইনগত মূল্য আছে।
৬) খরচ কম।	৬) খরচ তুলনামূলকভাবে বেশি।
৭) এ সকল যোগাযোগ স্থাপনে সময় কম লাগে।	৭) সময় তুলনামূলকভাবে বেশি লাগে।
৮) এ যোগাযোগে তথ্যের ভুল সাথে সাথেই সংশোধন করা যায়।	৮) এ যোগাযোগে তথ্যের ভুল সাথে সাথেই সংশোধনের সুযোগ নেই।
৯) তাৎক্ষণিক ফলাবর্তন পাওয়া যায়।	৯) তাৎক্ষণিক ফলাবর্তন পাওয়া যায় না।
১০) এ যোগাযোগে তথ্য বিকৃতির সম্ভাবনা বেশি থাকে।	১০) তথ্য বিকৃতির সম্ভাবনা তুলনামূলক কম।
১১) এ ধরনের যোগাযোগে তথ্যের সঠিকতা নিশ্চিত করা কঠিন।	১১) তথ্যের সঠিকতা নিশ্চিত করা তুলনামূলকভাবে সহজ।
১২) এ সকল যোগাযোগের গুরুত্ব কম।	১২) এ সকল যোগাযোগের গুরুত্ব তুলনামূলকভাবে বেশি।
১৩) ব্যবসা প্রতিষ্ঠানে অধিকাংশ যোগাযোগই মৌখিকভাবে সংঘটিত হয়।	১৩) ব্যবসা প্রতিষ্ঠানে অধিকাংশ যোগাযোগই লিখিতভাবে সংঘটিত হয়।

অধ্যায়-৬

কার্যকরী শ্রবণ ক্ষমতা

SOS

অতি সংক্ষিপ্ত প্রশ্নোত্তর :

* ১। শ্রবণ কী?

উত্তর : শ্রবণ এক ধরনের বিশেষ অনুভূতি, যার মাধ্যমে কোনো প্রাণী পারিপার্শ্বিকের শব্দকে কান বা অনুরূপ কার্যকরী কোনো অঙ্গ দ্বারা গ্রহণ, অনুভব ও অনুধাবন করে।

* ২। কার্যকরী শ্রবণের ক্ষেত্রে প্রতিবন্ধকতাসমূহ কী কী?

উত্তর : কার্যকরী শ্রবণের ক্ষেত্রে প্রতিবন্ধকতাসমূহ নিম্নরূপ :

- ১) দূরত্ব
- ২) গোলমাল
- ৩) নেটওয়ার্কের দুর্বলতা
- ৪) শ্রবণকারীর মানসিক অবস্থা, ইত্যাদি।

SOS

সংক্ষিপ্ত প্রশ্নোত্তর :

** ১। শ্রবণের বৈশিষ্ট্যসমূহ লেখ।

উত্তর : শ্রবণের বৈশিষ্ট্যসমূহ নিম্নরূপ :

- ১) শ্রবণ একমুখী ও দ্বিমুখী দুইরকমই হতে পারে।
- ২) শ্রবণের সাথে মস্তিষ্ক ও কান অঙ্গাঙ্গিভাবে জড়িত।
- ৩) একজন ভালো শ্রবণকারীই একজন ভালো মানের বক্তা।
- ৪) শ্রবণ বা শোনা একটি গ্রহণমূলক ভাষিক দক্ষতা।

*** ২। কার্যকরী শ্রবণ ক্ষমতা বলতে কী বুঝায়?

বাকশির্ষো- ২০২১, ২২

উত্তর : কান মানুষকে শোনার ক্ষমতা দেয়, কিন্তু শ্রবণ মানুষকে যোগাযোগ কার্যকর এবং অন্তর্দৃষ্টিপূর্ণ হতে সাহায্য করে। কার্যকরী শ্রবণ হলো একজন বক্তার বক্তব্য সুন্দরভাবে শ্রবণ করা বা শোনা। এক্ষেত্রে শ্রোতাকে সম্পূর্ণভাবে মনোনিবেশ করতে, প্রতিক্রিয়া জানতে ও জানাতে এবং যা বলা হচ্ছে তা অবশ্যই মনে রাখতে হবে। বক্তার বক্তব্যটি মনোযোগভাবে শোনা এবং বুঝার চেষ্টা করতে হবে। এজন্য শ্রোতাকে বক্তার চিন্তাভাবনা ও অনুভূতিসমূহ বুঝার জন্য পর্যাপ্ত পরিমাণে সময় দিতে হবে।

SOS

রচনামূলক প্রশ্নোত্তর :

*** ১। কার্যকরী শ্রবণের প্রতিবন্ধকতাসমূহ ব্যাখ্যা কর।

উত্তর : কার্যকরী শ্রবণের প্রতিবন্ধকতাসমূহ নিম্নে আলোচনা করা হলো :

১) মূল্যায়নমূলক শ্রবণ : শ্রোতাদের একটি সমস্যা হচ্ছে তারা বক্তার বক্তব্যকে নিজস্ব দৃষ্টিকোণ থেকে মূল্যায়ন করে। কিছু কিছু ক্ষেত্রে তারা বক্তার বক্তব্যকে মূল্যায়ন করতে চায় না বা অসম্মতি প্রদান করে।

২) অনুমানমূলক শ্রবণ : এ ধরনের শ্রোতারা বক্তার বক্তব্য শেষ হবার আগেই তার উদ্দেশ্য অনুমান করে মূল বাক্যের ভুল ব্যাখ্যা প্রদান করে। ফলে বক্তাকে তার বক্তব্যের ব্যাখ্যার জন্য পুনরায় প্রথম থেকে শুরু করতে হয়।

৩) সমালোচনামূলক শ্রবণ : এ ধরনের শ্রোতারা বক্তার বক্তব্যের নেতিবাচক মন্তব্য করে। ফলে বক্তা বক্তব্য দিতে স্বাচ্ছন্দবোধ করে না।

৪) ইতিবাচক শ্রবণ : এ সকল শ্রোতারা বক্তার যে সকল বিষয়গুলোর সাথে তারা একমত শুধুমাত্র সেটুকুই শুনেন।

- ৫) প্রতিরক্ষামূলক শ্রবণ : এ সকল শ্রোতারা বক্তা যাই বলুক না কোনো চিন্তা-ভাবনা না করেই সবকিছুতেই সম্মতি প্রদান করেন।
- ৬) কর্তৃত্বপূর্ণ শ্রবণ : এ ধরনের শ্রোতারা শুধুমাত্র পরামর্শ দেওয়ার জন্য শুনেন। তারা সর্বদাই বক্তাকে পরামর্শ দিতে গিয়ে বক্তব্য দানে বাধার সৃষ্টি করেন।
- ৭) শারীরিক প্রতিবন্ধকতা : দূরত্ব, গোলমাল, বাধা, সামনে দাঁড়িয়ে থাকা কোনো ব্যক্তি, দুর্বল নেটওয়ার্ক কার্যকরী শ্রবণের ক্ষেত্রে প্রতিবন্ধকতা হিসেবে দেখা দিতে পারে।
- ৮) মানসিক প্রতিবন্ধকতা : শ্রোতা যদি উত্তেজিত, রাগান্বিত, বিচলিত বা বিভ্রান্ত থাকে তাহলে কার্যকরী শ্রবণের ক্ষেত্রে প্রতিবন্ধকতা দেখা দিতে পারে।
- ৯) ভাষাগত প্রতিবন্ধকতা : আঞ্চলিক, উচ্চারণগত সমস্যা, উপভাষার কারণে কার্যকরী শ্রবণের ক্ষেত্রে প্রতিবন্ধকতা দেখা দিতে পারে।

*** ২। কার্যকর শ্রবণের বাধা অতিক্রমের উপায় আলোচনা কর।

উত্তর : নিম্নে কার্যকর শ্রবণের বাধা অতিক্রমের উপায় আলোচনা করা হলো :

- ১) শোনার সময় কথা না বলা : মনোযোগ সহকারে বক্তার বক্তব্য শুনতে হলে আগে শ্রোতাকে নিজের কথাবার্তা বন্ধ রাখতে হবে। ভালো শ্রবণের জন্য কেবলমাত্র বক্তাই কথা বলবেন।
- ২) বক্তব্যের বিষয়বস্তুর উপর গুরুত্ব প্রদান : বক্তা যে বিষয়ের উপর বক্তব্য প্রদান করেন, সেই বিষয়ের গুরুত্ব প্রদান করতে হবে। বক্তব্যের মাধ্যমে তিনি কী বুঝাতে চাচ্ছেন বা বলতে চাচ্ছেন তা অনুধাবন করতে হবে।
- ৩) ধৈর্যের সাথে বক্তব্য শোনা : বক্তার বক্তব্য শেষ না হওয়া পর্যন্ত ধৈর্য সহকারে সেই বক্তব্য শুনতে হবে।

- ৪) নোট নেওয়া : বক্তব্য চলাকালে গুরুত্বপূর্ণ বিষয়গুলি নোট করে নেওয়া যাতে পরবর্তীতে তা স্মরণ করা সহজ হয়।
- ৫) জটিল বিষয় সমূহের ব্যাপারে প্রশ্ন : বক্তব্যের সময়ে যে বিষয় বা পয়েন্টসমূহ অস্পষ্ট বা বুঝা যাবে না, বক্তব্য শেষে সেই বিষয়ে প্রশ্ন করা এবং প্রশ্নের মাধ্যমে সেই বিষয়কে পরিষ্কার করার ব্যবস্থা রাখা।
- ৬) বক্তার উপর আস্থা রাখা : বক্তার বক্তব্য চলাকালে প্রত্যেক শ্রোতার উচিত বক্তা সম্বন্ধে অনুকূল ধারণা পোষণ করা।
- ৭) প্রশ্ন করার সময়ে নির্ভয় থাকা : বক্তব্য শেষে প্রশ্নোত্তর চলাকালে শ্রোতা কিংবা প্রশ্নকারীর নির্ভয় থাকাটা জরুরি। অস্পষ্ট বা না বুঝা অংশের ব্যাপারে সংকোচ পরিহার করে প্রশ্ন করতে হবে।

SOS

সংক্ষিপ্ত প্রশ্নোত্তর :

**** ১। যোগাযোগের অপরিহার্য গুণ কী?**

বাকাশিবো- ২০০৯, ১৪'পরি, ২৩

উত্তর : বার্তাপ্রেরক ও বার্তাগ্রাহক দুজনেরই স্বার্থ অক্ষুন্ন রেখে যোগাযোগ প্রতিষ্ঠিত হওয়াই যোগাযোগের অপরিহার্য শর্ত।**** ২। যোগাযোগের প্রতিবন্ধকতা কী?**

বাকাশিবো- ২০০৮, ১৯

উত্তর : সংবাদ প্রেরণ, সংবাদের অবাধ প্রবাহ এবং সংবাদের ক্ষেত্রে বাধা সৃষ্টিকারী উপাদানসমূহকে যোগাযোগের প্রতিবন্ধকতা বা বাধা বলে।**** ৩। ব্যক্তিগত প্রতিবন্ধকতা কাকে বলে?**

বাকাশিবো- ২০০৫, ০৭, ১৬'পরি

উত্তর : যোগাযোগের ক্ষেত্রে বার্তাপ্রেরক এবং বার্তাগ্রাহক হতে উদ্ভূত প্রতিবন্ধকতা সমূহকে ব্যক্তিগত প্রতিবন্ধকতা বলে। যেমন : ব্যক্তিগত দ্বন্দ্ব, ভয়ভীতি ইত্যাদি।**** ৪। উত্তম যোগাযোগ বলতে কী বুঝ?**

বাকাশিবো- ২০০৪

উত্তর : যে যোগাযোগ প্রক্রিয়ায় যোগাযোগের লক্ষ্য ও উদ্দেশ্য সঠিকভাবে বাস্তবায়িত, সার্থক ও ফলপ্রসূ হয়, তাকে উত্তম যোগাযোগ বলে।

SOS**সংক্ষিপ্ত প্রশ্নোত্তর :**

*** ১। উত্তম যোগাযোগের আবশ্যকীয় শর্তাবলি বা অপরিহার্য বৈশিষ্ট্যগুলো কী কী?

বাকাশিবো- ২০০৭, ০৯, ১২, ১৩, ১৪'পরি, ১৬'পরি

উত্তর : উত্তম যোগাযোগের আবশ্যকীয় শর্তাবলি নিম্নরূপ :

- | | |
|--------------------------------------|-------------------------------------|
| ১) ধারণার শ্রেণীবিভাগ | ২) উদ্দেশ্য নির্ধারণ |
| ৩) সংক্ষিপ্ততা এবং ভুলত্রুটি মুক্ততা | ৪) সহজ উপস্থাপনা |
| ৫) উপযুক্ত সময় এবং পরিবেশ | ৬) মাধ্যম নির্বাচন |
| ৭) কণ্ঠস্বর নিয়ন্ত্রণ | ৮) প্রেরক ও প্রাপকের সম্পর্ক পরিমাপ |
| ৯) পারস্পরিক স্বার্থ সংরক্ষণ | ১০) ফলাবর্তন |
| ১১) কথা ও কাজের সংহতি | ১২) উত্তম শ্রোতার ভূমিকা |
| ১৩) চিন্তাধারা | ১৪) ভাষা নিয়ন্ত্রণ |
| ১৫) বক্তব্যের সুস্পষ্টতা | ১৬) সুনাম সৃষ্টি ও সংরক্ষণ। |

** ২। যোগাযোগের ব্যক্তিগত প্রতিবন্ধকতাসমূহ কী কী?

বাকাশিবো- ২০০৪, ০৭

উত্তর : যোগাযোগের ব্যক্তিগত প্রতিবন্ধকতাসমূহ নিম্নরূপ :

- | | |
|-------------------------|---------------------------|
| ১) ব্যক্তিগত দ্বন্দ | ২) কপটতা ও অবিশ্বাস |
| ৩) পূর্বনির্ধারিত ধারণা | ৪) ভয়ভীতি |
| ৫) পক্ষপাতিত্ব | ৬) মানবীয় ধারণা ইত্যাদি। |

*** ৩। যোগাযোগের ভাষাগত প্রতিবন্ধকতাগুলো লেখ।

বাকাশিবো- ২০১০, ১১, ১২, ১৬,

২৩

উত্তর : যোগাযোগের ভাষাগত প্রতিবন্ধকতাগুলো নিম্নরূপ :

- | | |
|--------------------------------------|---------------------------|
| ১) কঠিন বা দুর্বোধ্য ভাষার ব্যবহার | ২) আঞ্চলিক ভাষার ব্যবহার |
| ৩) মিশ্র (সাধু, চলিত) ভাষার ব্যবহার | ৪) সাংকেতিক ভাষার ব্যবহার |
| ৫) পারিভাষিক শব্দের ব্যবহার ইত্যাদি। | |

Note : পারিভাষিক শব্দ : যে সকল বিদেশি শব্দের বাংলা ভাষায় প্রতিশব্দ নেই কিংবা থাকলেও সেগুলোর ব্যবহার দুর্বোধ্য, সেসকল বিদেশি শব্দের বিশেষ অর্থবোধক শব্দকে পারিভাষিক শব্দ বলে।

যেমন : Oxyzen এর বাংলা পারিভাষিক শব্দ অক্সিজেন। কিন্তু আমরা অক্সিজেনই ব্যবহার করে থাকি।

*** ৪। লাল ফিতার দৌরাভ্য বা আমলাতান্ত্রিক জটিলতা কী?

বাকাশিবো- ২০০৭, ১৫, ২২,

২৩

উত্তর : যখন কোনো দেশের আমলাদের অবস্থা এমন হয় যে, তারা কোনো সমস্যা সমাধানের প্রতিরোধের চেয়ে নিরাময়ের প্রতি বেশি যত্নবান হন তাকে আমলাতান্ত্রিক জটিলতা বলে।

লাল ফিতার দৌরাভ্য বলতে মূলত দীর্ঘসূত্রিতাকে বুঝায়। যোগাযোগের ক্ষেত্রে এরূপ দীর্ঘসূত্রিতা যোগাযোগে প্রতিবন্ধকতা সৃষ্টি করে। অফিসের ফাইলপত্র সাধারণত লাল ফিতা দিয়ে বেঁধে প্রতিষ্ঠানের উর্ধ্বতন কর্মকর্তার সিদ্ধান্তের জন্য প্রেরণ করা হয়। কিন্তু সংগঠন কাঠামোর বিভিন্ন ধাপ অতিক্রম করে ফাইলপত্র

নির্দিষ্ট স্থানে পৌঁছাতে অনেক সময় লাগে। একেই লাল ফিতার দৌরাত্ব্য বলা হয়।

**** ৫। যোগাযোগের প্রতিবন্ধকতা দূরীকরণের উপায়গুলো কী কী?**

বাকাশিবো- ২০০৫, ১৫, ১৬'পরি

উত্তর : যোগাযোগের প্রতিবন্ধকতা দূরীকরণের উপায়গুলো :

- | | |
|-----------------------------------|---------------------------|
| ১) সুষ্ঠু পরিকল্পনা গ্রহণ | ২) সংগঠন কাঠামো সহজীকরণ |
| ৩) যোগাযোগ কৌশল প্রশিক্ষণ | ৪) কাজ বেশি, কথা কম |
| ৫) কণ্ঠস্বর নিয়ন্ত্রণ | ৬) সঠিক অঙ্গভঙ্গি |
| ৭) ভুল ধারণা পরিহার | ৮) অস্বীকৃতি পরিহার |
| ৯) অনানুষ্ঠানিক সম্পর্ক প্রতিষ্ঠা | ১০) নিয়মিত কর্মী সম্মেলন |
| ১১) ব্যবস্থাপনা উন্নয়ন | ১২) তথ্য প্রক্রিয়াকরণ |
| ১৩) ফলাবর্তন | ১৪) ভাষা বা শব্দ ব্যবহার |
| ১৫) যোগাযোগ নিরীক্ষণ ইত্যাদি। | |

**** ৬। যোগাযোগ প্রতিবন্ধকতা দেখা দিলে প্রতিষ্ঠানের কী অসুবিধা হয়?**

বাকাশিবো- ২০০৫, ০৮, ১৫,

২৪

উত্তর : যোগাযোগ প্রতিবন্ধকতা দেখা দিলে প্রতিষ্ঠানের যে অসুবিধা হয় তা নিম্নরূপ :

- ১) প্রাতিষ্ঠানিক পরিবেশের স্বাভাবিক গতিবিধি নষ্ট হয়।
- ২) তথ্যের বিকৃতি ঘটান সম্ভাবনা দেখা দেয়।
- ৩) বিভিন্ন ক্ষেত্রে নীতির অভাব পরিলক্ষিত হয়।
- ৪) কর্মকর্তা ও কর্মচারীদের সুন্দর সুসম্পর্ক নষ্ট হতে পারে।

৫) অনেক ক্ষেত্রে প্রতিষ্ঠানের সংগঠন কাঠামোই যোগাযোগের ক্ষেত্রে প্রতিবন্ধকতার সৃষ্টি করে।

SOS**রচনামূলক প্রশ্নোত্তর :**

*** ১। উত্তম যোগাযোগের অপরিহার্য গুণাবলি বা বৈশিষ্ট্যগুলো বর্ণনা কর।

বাকাশিবো- ২০০৪, ০৫, ০৮, ১০, ১৬'পরি, ১৯'পরি, ২০, ২৩, ২৪

উত্তর : আদর্শ ও কার্যকর যোগাযোগের কতগুলো শর্ত রয়েছে। যোগাযোগের সফলতা এবং কার্যকারিতার জন্য এ শর্তগুলো অপরিহার্য। নিম্নে উত্তম যোগাযোগের শর্ত বা বৈশিষ্ট্য বা গুণাবলী বর্ণনা করা হলো :

১) ধারণার শ্রেণীবিভ্যাস : যোগাযোগের পূর্বেই যোগাযোগকারীকে ইহার অর্থ বা ভাব সম্পর্কে স্পষ্ট ধারণার্জন করতে হবে। অতঃপর অর্জিত ধারণাকে নিয়মমাফিক এবং সুচারুরূপে শ্রেণীবিভ্যাস করতে হবে।

২) উদ্দেশ্য নির্ধারণ : যোগাযোগ স্থাপনের পূর্বেই যোগাযোগকারীকে কেন বা কার সাথে বা কি কাজের বা কি উদ্দেশ্য অর্জনের জন্য যোগাযোগ করা হবে তা পরীক্ষা-নিরীক্ষা করে যোগাযোগের লক্ষ্য বা উদ্দেশ্য নির্ধারণ করতে হবে।

৩) সংক্ষিপ্ত এবং ভুলত্রুটি মুক্ততা : দীর্ঘ বক্তৃতা ও দীর্ঘ নির্দেশনা বা বিবরণ যোগাযোগের মান ক্ষুণ্ণ করে এবং এতে যোগাযোগের মূল বিষয়বস্তু হ্রাসিত হয়ে পড়ে। তাই সর্বদাই যোগাযোগ সংক্ষিপ্ত এবং ভুলত্রুটি মুক্ত হবে। অন্যথায় তা প্রাপকের মনে বিরূপ প্রতিক্রিয়া সৃষ্টি করতে পারে।

৪) সহজ উপস্থাপন : স্পষ্টরূপে এবং সহজ-সরলভাবে বার্তাগ্রাহকের উপযোগী করে যোগাযোগ উপস্থাপন করতে হবে, যাতে প্রেরক যা বুঝতে চাচ্ছেন, প্রাপক তাই বুঝতে পারেন। তবে উপস্থাপন কখনো জটিল ও দুর্বোধ্য হবে না, হবে সহজ-সরল।

৫) উপযুক্ত সময় এবং পরিবেশ : যোগাযোগের ক্ষেত্রে বিশেষ সময় এবং পারিপার্শ্বিক পরিবেশের প্রতি লক্ষ্য রাখতে হবে। সময় ও পরিবেশ মতো যোগাযোগ স্থাপন করতে না পারলে তা লক্ষ্য অর্জনে ব্যর্থ হবে। তাই লক্ষ্য বা সাফল্য অর্জনের জন্য যোগাযোগকারীকে সর্বদাই সময়, নৈসর্গিক ও মানবিক অনুভূতি বিবেচনা করতে হবে।

৬) মাধ্যম নির্বাচন : অনেক মাধ্যম ব্যবহার করে যোগাযোগ করা যায়। যথা - মৌখিক ও লিখিত, শাব্দিক ও শব্দহীন, চিঠিপত্র, দূরালাপনী, দলীয় সভা, সংবাদপত্র, প্রচার পত্র, হ্যান্ডবিল ইত্যাদি। তাই যোগাযোগ স্থাপনের পূর্বে সুদক্ষ যোগাযোগকারীকে সবদিক বিচার-বিবেচনা করে উপযুক্ত মাধ্যম নির্বাচন করতে হবে।

৭) গ্রাহকের শিক্ষা ও জ্ঞান সনাক্তকরণ : অত্যন্ত বিচক্ষণতার সাথে নাম, পদমর্যাদা, যোগ্যতা, চিন্তাধারা, পূর্ব ইতিহাস পর্যালোচনার মাধ্যমে যোগাযোগ গ্রহীতার শিক্ষা ও জ্ঞান সম্পর্কে পরিষ্কার ধারণা অর্জন করে তার বোধগম্যভাবে ভাষায় যোগাযোগ রচনা করতে হবে। অন্যথায় অনুকূল প্রত্যুত্তর পাওয়া যাবে না।

৮) যোগাযোগ পরিকল্পনার পূর্বে পরামর্শ : যোগাযোগ স্থাপনের পূর্বে সংশ্লিষ্ট বিষয়ে খুঁটিনাটি জ্ঞাত এবং ভুলত্রুটি মুক্ত হওয়া আবশ্যিক। এজন্য প্রয়োজনে বিষয় সম্পর্কিত সকলের সাথে পরামর্শ করে প্রয়োজনীয় তথ্য ও যুক্তি সংগ্রহ করতে হবে এবং ত্রুটি দূর করতে হবে।

৯) কণ্ঠস্বর নিয়ন্ত্রণ : যোগাযোগ স্থাপনকালে যোগাযোগকারীকে তার কণ্ঠস্বরের প্রতি লক্ষ্য রাখতে হবে। অন্যথায় তা শ্রোতার/গ্রহীতার মনে বিরক্তির উদ্বেক করতে পারে।

১০) প্রেরক ও প্রাপকের সম্পর্ক পরিমাপ : বার্তাপ্রেরক ও বার্তাপ্রাপকের মধ্যে সম্পর্ক কিরূপ তা বিবেচনা করে যোগাযোগ লিপি বা বার্তা প্রণয়ন করতে হবে। এতে দ্রুত এবং কার্যকর প্রত্যুত্তর লাভ করা যায়।

১১) পারস্পরিক স্বার্থ সংরক্ষণ : প্রত্যেকেই স্বীয় স্বার্থ নিয়ে ব্যস্ত থাকে। তাই যোগাযোগের উদ্দেশ্য হাসিলের জন্য যেমন প্রাপকের স্বার্থ সংশ্লিষ্ট এবং তার নিকট মূল্যবান হতে হবে। ঠিক তেমনি তা প্রেরকের স্বার্থ সংশ্লিষ্টও হতে হবে।

১২) ফলাবর্তন : যোগাযোগ স্থাপনের পরই তা কতটুকু সফল বা ব্যর্থ হলো তা অনুধাবনের জন্য ফলাবর্তন প্রক্রিয়ার প্রয়োগ করতে হবে। গ্রাহক বার্তার অর্থ বা তাৎপর্য বুঝেছে কিনা, এ ব্যাপারে তার প্রতিক্রিয়া জানা এবং প্রয়োজনীয় পদক্ষেপ গ্রহণের মাধ্যমে যোগাযোগকে কার্যকর করতে ফলাবর্তন সাহায্য করে।

১৩) কথা ও কাজের সংগতি : যোগাযোগকারীকে তার কথার সাথে বাস্তব কার্যের সংগতি বা মিল রাখতে হবে। কথায় ও কাজে মিল না থাকলে যোগাযোগ দুর্বল এবং হালকা হবে। অপর দিকে যোগাযোগ গ্রহীতার মনে ভ্রান্ত ভাব জাগবে, বিশ্বাস হ্রাস পাবে এবং ভবিষ্যতের সকল যোগাযোগকেই সে হালকাভাবে গ্রহণ করবে।

১৪) উত্তম শ্রোতার ভূমিকা : যোগাযোগ প্রদানকালে যোগাযোগকারীকে ভালো শ্রোতাও হতে হবে। মিস্টার ডেল কার্ণেগী বলেছেন - যদি আপনি জনপ্রিয় হতে চান, অন্যদের কথা বলতে উৎসাহ দিন। তাই মৌখিক যোগাযোগের সময় অন্যান্যরা কিছু বলছে কিনা বা বলতে চাচ্ছে কিনা, তা লক্ষ্য করে শ্রোতার প্রতিক্রিয়া বুঝতে হবে তবেই আশানুরূপ সুফল পাওয়া যাবে।

১৫) যোগাযোগ প্রক্রিয়ার প্রয়োগ : মিঃ লরেন্স বর্ণিত যোগাযোগের সাতটি স্তরের মধ্যে এটি একটি। বার্তাপ্রেরক, প্রেরণমাধ্যম, বার্তাগ্রাহক, প্রত্যুত্তর ইত্যাদি প্রক্রিয়ার সাথে যোগাযোগকে খাপ খাওয়াতে হবে। অন্যথায় যোগাযোগ ফলপ্রসূ হবে না।

১৬) চিন্তাধারা বা ধারণা : চিন্তা হতেই যোগাযোগের সৃষ্টি এবং উত্তম চিন্তা উত্তম যোগাযোগের সহায়ক। তাই যোগাযোগ স্থাপনের পূর্বেই যোগাযোগকারীকে এর

বিষয়বস্তু, মাধ্যম, ভাষা, বক্তব্য, উপস্থাপন ভঙ্গি এবং প্রক্রিয়ার নিয়ন্ত্রণ ইত্যাদি ব্যাপারে সঠিকরূপে চিন্তা-ভাবনা করে নিতে হবে।

১৭) ভাষা নিয়ন্ত্রণ : ভাষা নিয়ন্ত্রণ কার্যকরি যোগাযোগের পূর্বশর্ত। যোগাযোগকারীকে ভাষার মাধ্যমেই চিন্তা করে, তথ্য সংগ্রহ করে এবং প্রকাশ করে। অপর দিকে গ্রাহকও ভাষার মাধ্যমে সংবাদ গ্রহণ করে, অনুধাবন/হৃদয়ঙ্গম করে এবং প্রত্যুত্তর প্রদান করে। তাই যোগাযোগে ভাষা নিয়ন্ত্রণের গুরুত্ব অত্যাধিক। ভাষার সামান্য একটু ব্যবহারগত ও উপস্থাপনগত প্রভেদের জন্য যোগাযোগের অর্থ ব্যাপক রদ-বদল হয়ে যেতে পারে।

১৮) বক্তব্যের স্পষ্টতা : গ্রাহকের ভাষা জ্ঞানের প্রতি দৃষ্টি রেখে এবং কোনো প্রকার ভুল বুঝা-বুঝির সুযোগ না দিয়ে সহজ-সরল ভাষায় স্পষ্ট করে গ্রাহকের নিকট যোগাযোগের বিষয়বস্তু উপস্থাপন করতে হবে। কেননা বিষয়বস্তু পরিষ্কার না হলে বার্তাগ্রাহকের নিকট থেকে প্রত্যুত্তর আশা করা অসম্ভব। এজন্য দুবোধ্য, দ্ব্যর্থবোধক ও কাব্যিক ভাষা স্বয়ত্তে পরিহার করতে হবে।

১৯) প্ররোচনা : প্রত্যাশিত সুফল পেতে হলে যোগাযোগে প্ররোচনার উপাদান থাকতে হবে। যোগাযোগে প্ররোচনার উপাদানকে অনেকে বিক্রয়িকতা বা Salesmanship বলে অভিহিত করেছেন। অনেক সময় যোগাযোগকারী গ্রাহককে অভিভূত করার জন্য আবেগপ্রবণ ভাষা ব্যবহার করে থাকে। এতে নিশ্চিতভাবেই গ্রাহকের নিকট থেকে প্রত্যুত্তর পাওয়া যায়।

২০) সম্পূর্ণতা : যোগাযোগকে সার্থক করতে হলে ইহা সম্পূর্ণরূপে তুলে ধরতে হবে। বার্তার আংশিক উপস্থাপন গ্রাহককে সঠিক প্রত্যুত্তর প্রদানে বিরত রাখে।

২১) সুনাম প্রতিষ্ঠা ও সংরক্ষণ : যোগাযোগে সাফল্যার্জনে সুনাম একটি মূল্যবান উপকরণ। এজন্য প্রত্যেক যোগাযোগকারীকেই যোগাযোগে সুনাম প্রতিষ্ঠা ও সংরক্ষণ করা উচিত। যোগাযোগ প্রক্রিয়ায় সুনাম ভাব বিনিময়ে সহায়তা করে এবং

সর্বদাই হৃদয়তাপূর্ণ সহযোগিতা ও প্রত্যুত্তর নিশ্চিত করে। এজন্য যোগাযোগে সুনাম প্রতিষ্ঠা ও সংরক্ষণ একটি গুরুত্বপূর্ণ দিক।

সুনাম প্রতিষ্ঠা ও সংরক্ষণে কতিপয় গুণাবলী আদর্শ উপাদান হিসেবে কাজ করে, যথা :

- ক) সহায়ক সেবার মনোবৃত্তি
- খ) সৌজন্য প্রকাশ
- গ) আশাবাদ
- ঘ) গতিশীলতা
- ঙ) কলা-কৌশল প্রয়োগ
- চ) সততা
- ছ) অকপটতা
- জ) সৌন্দর্য
- ঝ) বন্ধুত্ব
- ঞ) মানবতা।

এসকল গুণাবলী মেনে যোগাযোগ করা হলে তা অবশ্যই ফলপ্রসূ ও সার্থক হবে।

*** ২। যোগাযোগের বাধা বা প্রতিবন্ধকতাসমূহ সংক্ষেপে বর্ণনা কর।

বাকাশিবো- ২০০৬, ১৪'পরি, ১৮'পরি, ২১, ২২, ২৩

উত্তর : যোগাযোগের ব্যর্থতা ব্যবস্থাপনার একটি প্রধান সমস্যা। যে সব কারণে যোগাযোগ ব্যর্থ হয় সেগুলো নিম্নরূপ :

১) সুষ্ঠু পরিকল্পনার অভাব : সার্থক ও ফলপ্রসূ যোগাযোগ এর জন্য প্রয়োজন পরিকল্পনা। কিন্তু ব্যবস্থাপনা সবসময় যোগাযোগের ক্ষেত্রে সুষ্ঠু পরিকল্পনার গুরুত্ব অনুধাবন করেন না। ফলে যোগাযোগ কাজক্ষিত লক্ষ্য অর্জন করতে ব্যর্থ হয়।

- ২) **অস্পষ্ট অনুমিতি** : প্রেরিত তথ্যের মূল ধারণা ও বক্তব্যসমূহ গ্রাহকের কাছে অস্পষ্ট বা অব্যক্ত থাকলে যোগাযোগের উদ্দেশ্য অনুধাবনে ব্যর্থ হয়। ফলে যোগাযোগও ব্যর্থ হয়।
- ৩) **শব্দার্থগত বিকৃতি** : শব্দার্থগত বিকৃতি কোনো পক্ষের গোচরে বা অগোচরে হতে পারে। এমতাবস্থায় প্রত্যুত্তর একইরূপ বা আশানুরূপ হয় না। ফলে এতে যোগাযোগ ব্যর্থ হয়।
- ৪) **বার্তার দুর্বোধ্যতা** : বার্তা প্রেরক ও গ্রাহকের নিকট বার্তার অর্থ বোধগম্য না হলে যোগাযোগ ব্যর্থ হবে।
- ৫) **দূর্বল শ্রবণ, দ্রুত মূল্যায়ন ও খাম-খেয়ালীপনা** : গ্রাহক বার্তার সঠিক অর্থ মনোযোগ দিয়ে না শুনলে বা বার্তার মূল্যায়ন না করলে বা খাম খেয়ালী করলে যোগাযোগের উদ্দেশ্য স্পষ্ট হবে হবে না। ফলে তা ব্যর্থ হবে।
- ৬) **সুষ্ঠু পরিবেশের অভাব** : বার্তা পরিবেশনের সময় যদি খোলামেলা বা মুক্ত পরিবেশ বজায় না থাকে, তবে যোগাযোগ বাধাগ্রস্ত হবে, ব্যর্থ হবে।
- ৭) **অবিশ্বাস, হুমকি ও ভীতি** : অবিশ্বাস, হুমকি ও ভীতি যোগাযোগের ফলপ্রসূতাকে ব্যাহত করে। সচরাচর উচ্চস্তরের সামঞ্জস্যহীন আচরণে এসব অনাকাঙ্ক্ষিত সমস্যার সৃষ্টি হয়।
- ৮) **মনিবকে খুশি করতে বার্তার বিকৃতি** : অধীনস্থরা মনিবের আনুকূল্য ও অনুগ্রহ পাবার আশায় মনিবের পছন্দমত বক্তব্য কাটছাট করে, তার কথা বলার ঢং, ভাবভঙ্গি, নীরবতা ইত্যাদিকে গুরুত্ব প্রদান করে। ফলে মূল বক্তব্য উপস্থাপিত হয় না, বার্তার বিকৃতি হয়। তাই যোগাযোগ ব্যর্থ হয়।
- ৯) **মাত্রাতিরিক্ত তথ্য** : অনেক সময় সংশ্লিষ্ট সংবাদে মাত্রাতিরিক্ত তথ্যের অন্তর্ভুক্তির কারণেও যোগাযোগ ব্যর্থতায় পর্যবসিত হয়।

- ১০) পরিবর্তনে প্রতিবন্ধকতা : মানুষ স্বাভাবিকভাবেই পরিবর্তনকে, নতুন কোনো কিছুকে গ্রহণ করতে চায় না। সুতরাং, হঠাৎ করে কোনো পরিবর্তন আসলে সে সর্বশক্তি দিয়ে বাধা দেয়। ফলে যোগাযোগের ক্ষেত্রে প্রতিবন্ধকতার সৃষ্টি হয়।
- ১১) কর্মব্যস্ততার বাধা : ব্যবস্থাপকগণ সব সময়ই গুরুত্বপূর্ণ কাজ নিয়ে ব্যস্ত থাকেন। ফলে অধীনস্থরা ঠিকমত তাদের সাথে যোগাযোগ করতে পারে না। সুতরাং ব্যবস্থাপনার কর্মব্যস্ততার জন্য যোগাযোগ ব্যাহত হয়।
- ১২) ব্যবস্থাপনা স্তরের আধিক্য : বৃহদায়তন কারবার সংগঠনে ব্যবস্থাপনা স্তরের সংখ্যাধিক্য, দীর্ঘ যোগাযোগ লাইন, জটিল লাইন স্টাফ সম্পর্ক থাকে। ফলে ব্যবস্থাপনা ও শ্রমিকদের দূরত্ব বেশি হয়, যোগাযোগ জটিল হয়।
- ১৩) নির্দেশনা ও দায়িত্ব বণ্টন : সংগঠন কাঠামোতে কি ভাবে যোগাযোগ করা হবে তার সঠিক দিক নির্দেশনা এবং অধীনস্থদের মধ্যে এ সম্পর্কিত কর্তৃত্ব ও দায়িত্ব সুষ্ঠুরূপে বণ্টনের অভাবে স্বার্থক ও দক্ষ যোগাযোগ স্থাপনে বাধার সৃষ্টি হয়।
- ১৪) তত্ত্বাবধান ও সমন্বয়ের অভাব : ব্যবস্থাপক ও শ্রমিক-কর্মীদের মধ্যে সুষ্ঠু তত্ত্বাবধান ও সমন্বয়ের অভাবে যোগাযোগ বাধার সম্মুখীন হয়। ফলে তা সফল হয় না।
- ১৫) আঞ্চলিক ও সাংকেতিক শব্দ ব্যবহার : বক্তা বা শ্রোতারা যদি আঞ্চলিক ভাষা বা সাংকেতিক শব্দ দ্বারা যোগাযোগ স্থাপন করে, তবে অধিকাংশ ক্ষেত্রে তা ব্যর্থ হয়। কারণ, বক্তার আঞ্চলিক বা সাংকেতিক ভাষা হয়তো শ্রোতারা বুঝবে না, আবার শ্রোতাদের আঞ্চলিক ভাষাও বক্তা অনুধাবন করতে পারবে না। ফলে যোগাযোগ ব্যর্থ হয়।
- ১৬) ব্যক্তিগত ও সামাজিক বাধাসমূহ : শ্রোতাদের রুচি, শিক্ষা, ভাষাজ্ঞান, আচার-আচরণ ইত্যাদির বিভিন্নতার কারণে যোগাযোগে বাধার সৃষ্টি হয়। এ ছাড়াও

ব্যক্তিগত দ্বন্দ্ব-বিদ্বেষ, মনোমালিন্য, পক্ষপাতিত্ব, কপটতা ইত্যাদি সুষ্ঠু যোগাযোগে বাধার সৃষ্টি করে।

১৭) অন্যান্য বাধা : উপরোক্ত বাধাগুলো ছাড়াও আরো বহু ধরনের বাধা যোগাযোগের ক্ষেত্রে বিঘ্ন সৃষ্টি করে, যথা-আবেগ-অনুভূতির প্রতিক্রিয়া, বাহ্যিক পরিস্থিতি, বক্তব্যের অমিল, সময়ের অভাব, প্রশিক্ষণ, গোলমাল বা হৈ-চৈ ইত্যাদি।

*** ৩। যোগাযোগের প্রতিবন্ধকতা দূরীকরণ বা অপসারণের উপায়সমূহ আলোচনা কর।

বাকশিবো- ২০০৬, ০৭, ১১'পরি, ১৫'পরি

উত্তর : যোগাযোগ যত সহজ, সরল, সাবলিল, প্রাণবন্ত ও দক্ষ হবে সংগঠনের সমৃদ্ধিও ততবেশি বৃদ্ধি পাবে। যোগাযোগের বাধাসমূহ দূর করার জন্য ব্যবস্থাপক বিশেষ কতগুলো কৌশল অবলম্বন করেন, যা নিম্নরূপ :

১) সুষ্ঠু পরিকল্পনা গ্রহণ : যোগাযোগ স্থাপনের পূর্বেই এর বিষয়বস্তু নির্ধারণ, উপযুক্ত মাধ্যম নির্বাচন এবং উপস্থাপনের ক্ষেত্রে সুনির্দিষ্ট পরিকল্পনা গ্রহণ করতে হবে।

২) সংগঠন কাঠামো সহজীকরণ : সংগঠন কাঠামোতে তত্ত্বাবধান স্তরের সংখ্যাধিক্য, কর্তৃত্ব ও দায়িত্বের অসামঞ্জস্যতা দূর করে একে সহজ-সরল করতে হবে।

৩) যোগাযোগ কৌশল/মাধ্যম প্রশিক্ষণ : স্বার্থক যোগাযোগের জন্য কর্মীদেরকে যোগাযোগের কলা-কৌশল, ভাব বিনিময়, বিষয়বস্তু, মাধ্যম, উপস্থাপন ভঙ্গি, কার্যকর শ্রবণ ইত্যাদি বিষয়ে পূর্বেই প্রশিক্ষণ প্রদান করতে হবে।

৪) কাজ বেশি, কথা কম : যোগাযোগে বড় বড় আশ্ফালন ও বাগাড়ম্বর পূর্ণ কথা বললে কাজের চেয়ে অকাজই হবে বেশী। কারণ কথার সাথে কাজের মিল না থাকলে শ্রোতার আস্থা ও বিশ্বাস হারিয়ে ফেলে। এ অবিশ্বাস দূর করার জন্য

যোগাযোগকারীকে কথার চেয়ে কাজ বেশি করতে হবে এবং কথায় ও কাজে মিল রাখতে হবে।

৫) কণ্ঠস্বর নিয়ন্ত্রণ : যোগাযোগকারীর কণ্ঠস্বর শ্রুতিমধুর হতে হবে। কারণ কণ্ঠস্বর নিয়ন্ত্রণ করতে পারলেই বিষয়বস্তুর প্রতি শ্রোতা মনোযোগী, উৎসাহী ও আকৃষ্ট হবে।

৬) সঠিক অঙ্গভঙ্গি : যোগাযোগের বাহন হিসেবে বক্তার অঙ্গ-প্রত্যঙ্গের সঠিক ও উপযুক্ত সঞ্চালন দ্বারা যোগাযোগের বাধা দূর করা যায়।

৭) ভুল ধারণা পরিহার : বক্তব্যের ব্যাপারে যদি কোনো অবিশ্বাস, অলীক বা ভ্রান্ত ধারণা থাকে তবে তা বক্তব্যের বিকৃতি ঘটায়। এজন্যই প্রথমে প্রকৃত ঘটনা বর্ণনা করে তা প্রচার করতে হবে।

৮) অস্বীকৃতি পরিহার : প্রেরকের ইচ্ছামত প্রত্যুত্তর পাওয়া না গেলে অথবা তা সাথে সাথে অস্বীকার করলে গ্রাহকের মনে বিরূপ প্রতিক্রিয়ার সৃষ্টি হতে পারে। কাজেই অত্যন্ত বিনীতভাবে ও কৌশলে প্রেরক তা পরিহার করবে।

৯) অনানুষ্ঠানিক সম্পর্ক প্রতিষ্ঠা : অনানুষ্ঠানিক উপায়ে যেমন-পারিবারিক অনুষ্ঠান, প্রীতিভোজ ইত্যাদি অনুষ্ঠানে ব্যবস্থাপক কর্মচারীদের বিভিন্ন সমস্যা নিয়ে আলোচনা করে একটা সমঝোতায় পৌঁছতে পারে। ফলে যোগাযোগ সফল হয়।

১০) নিয়মিত কর্মী সম্মেলন : নিয়মিতভাবে কর্মচারীদের সম্মেলন আহ্বান করে পারস্পরিক মত বিনিময়ের মাধ্যমে জটিল বিষয়েও খুব সহজে মতৈক্যে পৌঁছা সম্ভব হয়। কারণ এ ধরনের সম্মেলনে কর্মীরা স্বাধীন ও মুক্ত মন নিয়ে খোলামেলা আলোচনা করে। ফলে যোগাযোগের সফলতা ও গতিশীলতা বৃদ্ধি পায়।

১১) ব্যবস্থাপনা উন্নয়ন : ব্যবস্থাপনা উন্নয়ন সাধন করে সংগঠনের যোগাযোগের উন্নয়ন সাধন করা সম্ভব। বিকেন্দ্রীকরণের মাধ্যমে ক্ষমতা অর্পন করে কর্মীদের দক্ষতা বৃদ্ধি করা সম্ভব।

১২) তথ্য প্রক্রিয়াকরণ : কম্পিউটার এবং আধুনিক অন্যান্য যন্ত্রের মাধ্যমে তথ্য প্রক্রিয়াজাত করে সিদ্ধান্ত গ্রহণে নিয়োজিত ব্যক্তিদের মধ্যে তা প্রেরণ করা যায়। ফলে যোগাযোগের গতি ও সফলতা বৃদ্ধি পায়।

১৩) ফলাবর্তন : একমাত্র ফলাবর্তনের ব্যবস্থা থাকলেই প্রেরক যোগাযোগ গ্রহীতার প্রতিক্রিয়া জানতে পারে এবং সে মতে পরবর্তী পদক্ষেপ নেয়া সহজ হয়।

১৪) ভাষা বা শব্দ ব্যবহার : আঞ্চলিক বা টেকনিক্যাল ভাষা বা শব্দ ব্যবহার না করে যোগাযোগকে শ্রোতার বোধগম্য করে সহজ, সরল ও প্রাঞ্জল করে তুলতে হবে। তবেই তা ব্যর্থ না হয়ে সফল হবে।

১৫) যোগাযোগ নিরীক্ষণ : যোগাযোগ নিরীক্ষণ বলতে যোগাযোগের পলিসি, নেটওয়ার্ক, কার্যাবলী ইত্যাদির পরীক্ষানিরীক্ষা করাকে বুঝায়। উল্লেখ্য যে, প্রতিষ্ঠানের উন্নয়ন ও কার্যকারিতা বহুলাংশে যোগাযোগ নিরীক্ষণের উপরই নির্ভরশীল।

১৬) অন্যান্য বাধা : কোম্পানীর উদ্দেশ্য, নীতি, পদ্ধতি, কার্যক্রম ইত্যাদির সাথে পরিচয় করা, গোলমাল ও হে-চৈ দূর করা, গ্রাহকের জীবন ও জগত সম্পর্কে ধারণা নেয়া, তথ্য ভারাক্রান্ত অবস্থান নিরসন করা প্রভৃতি পদক্ষেপ যোগাযোগের বাধা দূর করতে গুরুত্বপূর্ণ ভূমিকা পালন করে থাকে।

SOS

অতি সংক্ষিপ্ত প্রশ্নোত্তর :

*** ১। প্রতিবেদন বলতে কী বুঝায়?

বাকাশিবো- ২০০৬, ০৭, ১০, ১৫

উত্তর : নির্দিষ্ট কোনো বিষয় সংশ্লিষ্ট যাবতীয় প্রয়োজনীয় তথ্য অনুসন্ধানের পর তাকে সুসংগঠিত করে বিবরণী আকারে যথাযথ কর্তৃপক্ষের কাছে উপস্থাপন করাকে প্রতিবেদন বলে।

** ২। কারবার প্রতিবেদন কী?

বাকাশিবো- ২০১৫, ১৭

উত্তর : যে প্রতিবেদন কারবার বা ব্যবসা-বাণিজ্য সংক্রান্ত বিষয়ের উপর ভিত্তি করে রচনা করা হয়, তাকে কারবার প্রতিবেদন বলে।

***৩। কারিগরি প্রতিবেদন বা রিপোর্ট কাকে বলে?

বাকাশিবো- ২০০৪, ০৮, ০৯, ১২, ১৪, ১৯, ২০, ২০'পরি

উত্তর : কোনো উন্নয়ন প্রকল্প, প্রকল্পের ব্যয়, প্রযুক্তিগত সম্ভাবনা, সামাজিক অবদান, অর্থনৈতিক মুনাফা ইত্যাদি বিষয়ে তথ্যভিত্তিক প্রতিবেদনকে কারিগরি প্রতিবেদন বলে।

*** ৪। একটি প্রতিবেদনের মূল অংশে কী কী থাকে?

বাকাশিবো- ২০০৭, ১১'পরি, ১৮, ১৮'পরি

উত্তর : একটি প্রতিবেদনের মূল অংশে চারটি বিষয় অন্তর্ভুক্ত থাকে। যথা :

- ১) বিষয় সম্পর্কে ভূমিকা
- ২) মূল প্রতিবেদন বা মূল বক্তব্য

৩) উপসংহার ও

৪) সুপারিশ।

*** ৫। প্রতিবেদন কখন পাঠকের নিকট আকর্ষণীয় হয়? বাকাশিবো- ২০০৫, ০৭, ০৯

উত্তর : একটি প্রতিবেদনে নিম্নলিখিত বিষয়গুলি অন্তর্ভুক্ত থাকলে তা পাঠকের নিকট আকর্ষণীয় হয়-

- ১) নির্দিষ্ট তথ্য যুক্ত থাকা।
- ২) নির্দিষ্ট কাঠামো অনুসরণ করা এবং
- ৩) লেখচিত্র ও তালিকা উপস্থাপন করা।

*** ৬। গঠন প্রকৃতি অনুযায়ী কারিগরি রিপোর্টের শ্রেণিবিভাগ দেখাও।

বাকাশিবো- ২০১১, ১৩, ১৬, ১৭

উত্তর : গঠন প্রকৃতি অনুযায়ী কারিগরি রিপোর্টের শ্রেণিবিভাগ নিম্নরূপ :

- | | |
|--------------------------------|---------------------------------------|
| ১) ফরম প্রতিবেদন বা রিপোর্ট | ২) স্মারক প্রতিবেদন বা রিপোর্ট |
| ৩) পত্র প্রতিবেদন বা রিপোর্ট | ৪) সংক্ষিপ্ত প্রতিবেদন বা রিপোর্ট এবং |
| ৫) দীর্ঘ প্রতিবেদন বা রিপোর্ট। | |

** ৭। ফরম রিপোর্ট কীভাবে তৈরী করতে হয়?

বাকাশিবো- ২০০৬,

২২

উত্তর : প্রতিষ্ঠানের বিভিন্ন সমস্যা সমাধানের উপায় মাথায় রেখে বিভিন্ন পরীক্ষা-নিরীক্ষা ও অনুসন্ধানের মাধ্যমে ফরম রিপোর্ট তৈরী করতে হয়।

**** ৮। স্মারক রিপোর্ট কাকে বলে?**

বাকাশিবো- ২০১০, ১০'পরি

উত্তর : যে রিপোর্ট বা প্রতিবেদন কোনো ব্যবসা প্রতিষ্ঠানের বিভিন্ন বিভাগের মধ্যে সমস্যার সমাধান, তথ্য আদান-প্রদানের লক্ষ্যে লেখা হয়, তাকে স্মারক রিপোর্ট বা প্রতিবেদন বলে।

*** ৯। স্মারক রিপোর্টের বিশেষত্ব কী?**

বাকাশিবো- ২০০৮

উত্তর : এ রিপোর্ট কাউকে উদ্দেশ্যে করে লেখা হয় না এবং এতে কোনো সম্বোধনসূচক শব্দ ব্যবহৃত হয় না।

***** ১০। অন্তর্বর্তীকালীন রিপোর্ট কাকে বলে?**

বাকাশিবো- ২০০৪, ০৫, ০৭, ০৯, ১৪

উত্তর : যে রিপোর্টে কোনো প্রকল্পের কাজ শুরু করার পর প্রকল্পের অগ্রগতি লিখিত আকারে থাকে, তাকে অন্তর্বর্তীকালীন রিপোর্ট বলে।

***** ১১। চূড়ান্ত রিপোর্ট কাকে বলে?**

বাকাশিবো- ২০১৬'পরি, ১৯, ২১

উত্তর : নির্দিষ্ট কর্তৃপক্ষের নিকট যে রিপোর্ট কোনো প্রকল্প বাস্তবায়ন শেষে প্রাথমিক স্তর হতে সর্বশেষ স্তর পর্যন্ত কাজটির বর্ণনা থাকে, তাকে চূড়ান্ত রিপোর্ট বা প্রতিবেদন বলে।

**** ১২। উপাত্ত কাকে বলে?**

বাকাশিবো- ২০১৪'পরি, ১৫

উত্তর : কোনো কিছুই মান বা দলীয় মানকেই তত্ত্ব বা উপাত্ত বলে। যা কোনো পরিপূর্ণ অর্থ প্রকাশ করে না।

SOS**সংক্ষিপ্ত প্রশ্নোত্তর :****** ১। প্রতিবেদন কাকে বলে?**

বাকশির্ষো- ২০০৪,০৫,০৮

উত্তর : নির্দিষ্ট কোনো বিষয় সংশ্লিষ্ট যাবতীয় প্রয়োজনীয় তথ্য অনুসন্ধানের পর তাকে সুসংগঠিত করে বিবরণী আকারে যথাযথ কর্তৃপক্ষের কাছে উপস্থাপন করাকে প্রতিবেদন বলে।

জর্জ আর. টেরির মতে, “রিপোর্ট হলো তথ্য বিবরণী সংবলিত এমন একটি সংক্ষিপ্তসারের আনুষ্ঠানিক উপস্থাপনা, যার যথাযথ ব্যবহারের মাধ্যমে কোনো কার্যক্রমের সঠিক মূল্যায়ন, সিদ্ধান্ত গ্রহণ এবং প্রয়োজনীয় নির্দেশনা সম্ভব হয়।”

অধ্যাপক মাইক হ্যাচের মতে, “প্রতিবেদন হলো একটি সুসংগঠিত তথ্যগত বিবৃতি বা কোনো বক্তব্য সম্বন্ধে সংক্ষিপ্ত অথচ সঠিক বর্ণনাবিশেষ। এটা যথেষ্ট সতর্কতা, পর্যবেক্ষণ, পর্যালোচনা, গবেষণা ও বিচার-বিশ্লেষণের পর প্রস্তুত করা হয়।”

অধ্যাপক পিটার লিটল এর মতে, “প্রতিবেদন হলো এমন একটি বিবরণী যাতে পর্যবেক্ষণ, পরীক্ষা ও অনুসন্ধানের মাধ্যমে প্রাপ্ত কোনো বিষয়ের বিবৃতি থাকে, সুপারিশ এবং উপসংহার এর সাথে সংযুক্ত হয়।”

***** ২। প্রতিবেদন এর প্রধান অংশগুলোর নাম লেখ।**

বাকশির্ষো- ২০০৮, ১১, ১৩, ১৬'পরি, ১২

উত্তর : প্রতিবেদন এর প্রধান অংশগুলোর নাম নিম্নরূপ :

- ১) প্রারম্ভিক অংশ : প্রতিবেদনের শিরোনাম, শিরোনাম পাতা, সূচীপত্র, সারসংক্ষেপ
- ২) মূল অংশ : মূল বক্তব্য বা গর্ভাংশ, উপসংহার, সুপারিশনামা
- ৩) পরিশিষ্টাংশ : পরিশিষ্ট, গ্রন্থপুঞ্জি, প্রতিবেদকের স্বাক্ষর

৪) অতিরিক্ত অংশ : কৃতজ্ঞতা স্বীকার, তারিখ।

*** ৩। স্মারক রিপোর্ট ও পত্র রিপোর্টের মাঝে পার্থক্য দেখাও।

বাকাশিবো- ২০০৮, ১৮, ১৯'পরি

স্মারক রিপোর্ট ও পত্র রিপোর্টের মাঝে পার্থক্য নিম্নরূপ :

স্মারক রিপোর্ট	পত্র রিপোর্ট
১) যে রিপোর্ট বা প্রতিবেদন কোনো ব্যবসা প্রতিষ্ঠানের বিভিন্ন বিভাগের মধ্যে সমস্যার সমাধান, তথ্য আদান-প্রদানের লক্ষ্যে লেখা হয়, তাকে স্মারক রিপোর্ট বা প্রতিবেদন বলে।	১) যে রিপোর্ট কোনো ব্যবসা প্রতিষ্ঠানের সাধারণের উদ্দেশ্যে লেখা হয়, তাকে পত্র রিপোর্ট বলে।
২) এর পরিধি কম।	২) এর পরিধি ব্যাপক।
৩) এ সকল রিপোর্টের পাঠক সংখ্যা কম।	৩) এ সকল রিপোর্টের পাঠক সংখ্যা অনেক।
৪) অভ্যন্তরীণ যোগাযোগ সম্পন্ন করার জন্য এ ধরনের রিপোর্ট ব্যবহার করা হয়।	৪) বাহ্যিক যোগাযোগ সম্পন্ন করার জন্য এ ধরনের রিপোর্ট ব্যবহার করা হয়।

*** ৪। টেকনিক্যাল রিপোর্টের উপাদানগুলি কী কী?

বাকাশিবো- ২০২১

উত্তর : টেকনিক্যাল রিপোর্টের উপাদানসমূহ নিম্নরূপ :

(ক) প্রারম্ভিক অংশ :

- | | | |
|---------------|-----------------|----------------|
| ১) শিরোনাম | ২) শিরোনাম পাতা | ৩) অনুমতিপত্র |
| ৪) প্রেরণপত্র | ৫) বিষয়বস্তু | ৬) সারসংক্ষেপ। |

(খ) মূল অংশ :

- | | |
|-----------|--------------------------|
| ১) ভূমিকা | ২) মূল বক্তব্য বা সারাংশ |
|-----------|--------------------------|

৩) উপসংহার

৪) সুপারিশ।

(গ) পরিশিষ্টাংশ :

১) পরিশিষ্ট

২) গ্রন্থ বিবরণী

৩) সূত্রসমূহ

৪) অনুক্রমণী।

(ঘ) অতিরিক্ত অংশ :

১) কৃতজ্ঞতা স্বীকার

২) স্বাক্ষর ও পদবী

৩) তারিখ।

SOS**রচনামূলক প্রশ্নোত্তর :**

*** ১। একটি উত্তম বা আদর্শ প্রতিবেদনের আবশ্যকীয় গুণাবলী আলোচনা কর।

বাকশিবো- ২০০৬, ১৩, ১৪, ১৫, ২১

উত্তর : একটি উত্তম বা আদর্শ প্রতিবেদনের আবশ্যকীয় গুণাবলী নিম্নে আলোচনা করা হলো :

নির্দিষ্ট কাঠামো : একটি আদর্শ প্রতিবেদন সবসময় সুনির্দিষ্ট কাঠামো অনুসরণ করে রচনা করতে হয়। সুনির্দিষ্ট কাঠামো অনুসরণ করে প্রতিবেদন রচনা করা হলে উহার সৌন্দর্য্য বৃদ্ধি পায় এবং আকর্ষণীয় হয়। একটি সার্থক প্রতিবেদনের শিরোনাম, প্রাপকের নাম ও ঠিকানা, সূচিপত্র, বিষয়বস্তু, উপসংহার, রেফারেন্স, স্বাক্ষর, তারিখ ইত্যাদি থাকতে হয়।

তথ্য ও উপাত্তের সঠিকতা : প্রতিবেদনের যে সব তথ্য ও উপাত্ত সন্নিবেশ করা হয় তা অবশ্যই সঠিক ও নির্ভুল হতে হবে। মিথ্যা, বানোয়াট, অযৌক্তিক, অবাস্তব ও অনুমানভিত্তিক কোনো তথ্য প্রতিবেদনে উল্লেখ করা উচিত নয়।

সম্পূর্ণতা : প্রতিবেদন অবশ্যই স্বয়ঃসম্পূর্ণ হতে হবে। কোনো তথ্য, উপাত্ত বা বিষয়বস্তু বাদ পড়লে প্রতিবেদনের কার্যকারিতা হারাবে। সুতরাং প্রতিবেদন সকল দিক থেকে পরিপূর্ণ হতে হবে।

পরিচ্ছন্নতা : প্রতিবেদন পরিষ্কার, পরিচ্ছন্ন ও আকর্ষণীয় হতে হয়। কোনো প্রকার ঘঁষামাজা, কাটাকাটি হলে প্রতিবেদনের গুরুত্ব হারাবে।

ভাষার ব্যবহার : প্রতিবেদনে সংযত ভাষা ব্যবহার করা উচিত। অত্যন্ত সাবলীল ভাবে রক্ষণশীল উপায়ে প্রতিবেদনে তথ্যসমূহ উপস্থাপন করতে হয়, যাতে প্রতিবেদনটি নিজেই নিজেকে ব্যাখ্যা করতে সামর্থ্য হয়।

সংক্ষিপ্ততা : প্রতিবেদন যতটা সম্ভব সংক্ষিপ্ত হতে হবে। নাতিদীর্ঘ প্রতিবেদন অনেকসময় পাঠকদের মনে বিরক্তিকর সৃষ্টি করে। তাই প্রতিবেদনে শব্দ প্রয়োগের সময় মিত্যব্যয়ী হতে হবে।

সুন্দর উপস্থাপনা : একটি প্রতিবেদন তখনই সফল প্রতিবেদন বলে গণ্য হবে যখন উহা পাঠকগণ দ্বারা গ্রহণযোগ্য হবে। প্রতিবেদন সবসময় তত্ত্বীয় ভাষা ও সংখ্যানুসৃত তথ্য দ্বারা পরিপূর্ণ হলে চলবে না। প্রতিবেদনকে পাঠকের নিকট গ্রহণযোগ্য করতে হলে বিভিন্ন প্রকার নকশা, তালিকা, চিত্র, চার্ট ইত্যাদি দ্বারা সহজ সরল ভাবে উপস্থাপন করতে হবে।

সুন্দর পরিবেশন : যেকোনো জিনিসের পরিবেশন যদি সুন্দর হয় তাহলে তা সকলের মনোযোগ আকর্ষণ করতে পারে। তাই উন্নত মুদ্রণ বা টাইপিং, উন্নতমানের কাগজ, আকর্ষণীয় কালি, পরিচ্ছন্ন অঙ্গসজ্জা বা আকর্ষণীয় বাঁধাই ইত্যাদি দ্বারা একটি প্রতিবেদনের গুণগত মান বাড়ানো যায়।

নিরপেক্ষতা : একটি সফল প্রতিবেদনের অন্যতম গুণ হল নিরপেক্ষভাবে তথ্য, উপাত্ত উপস্থাপন করা। কোনো একটি ঘটনা বা বিষয় সম্পর্কে অনুসন্ধান করে প্রাপ্ত তথ্যগুলো অবশ্যই প্রতিবেদনে নিরপেক্ষভাবে বর্ণনা করতে হবে।

**** ২ । কারবার প্রতিবেদন কী? প্রতিবেদন প্রণয়নের বিবেচ্য বিষয়সমূহ আলোচনা কর ।**

বাকাশিবো-২০০৫, ০৯, ১৪

উত্তর : কারবার প্রতিবেদন : যে প্রতিবেদন কারবার বা ব্যবসা-বাণিজ্য সংক্রান্ত বিষয়ের উপর ভিত্তি করে রচনা করা হয়, তাকে কারবার প্রতিবেদন বলে ।

কারবার প্রতিবেদন প্রণয়নের বিবেচ্য বিষয়সমূহ নিম্নে আলোচনা করা হলো :

পরিকল্পনা : প্রতিবেদন প্রণয়ন করতে হলে সবার আগে একটি সুষ্ঠু পরিকল্পনার প্রয়োজন ।

সঠিক শিরোনাম : প্রতিবেদন প্রণয়নের সময় শিরোনামের দিকে খেয়াল রাখতে হবে যাতে তা সঠিক হয় । কেননা সঠিক শিরোনামের মাধ্যমে প্রতিবেদনের ধরণটি সহজেই অনুমান করা যায় ।

নির্দিষ্ট কাঠামো : প্রতিবেদনের কোনো চিরন্তন কাঠামো নেই । তথাপি প্রতিবেদনটি প্রণয়ন করার সময় সুনির্দিষ্ট কাঠামো অনুসরণ করলে এটি পূর্ণাঙ্গতা পাবে ।

সুস্পষ্ট বক্তব্য : প্রতিবেদন প্রণয়নের সময় গবেষককে লক্ষ্য রাখতে হবে, তিনি যে বক্তব্য উপস্থাপন করেছেন তা যেন সুস্পষ্ট হয় এবং পাঠক সহজে তা উপলব্ধি করতে পারেন ।

সঠিক ও সহজ ভাষা : গবেষণা প্রতিবেদনে ব্যবহৃত ভাষাকে সহজ সরল ও সঠিকভাবে তুলে ধরতে হবে, যাতে করে পাঠক অতি সহজে বুঝতে ও উপলব্ধি করতে পারে ।

সুস্পষ্ট উদ্দেশ্য : প্রতিবেদন প্রণয়নের সময় খেয়াল রাখতে হবে, যাতে প্রতিবেদনের উদ্দেশ্যসমূহ স্পষ্টভাবে বিধৃত থাকে । কেননা কি উদ্দেশ্যে প্রতিবেদন প্রণয়ন হচ্ছে সে সম্পর্কে সুস্পষ্ট ধারণা না থাকলে পাঠকের কাছে তা গ্রহণযোগ্য হবে না ।

আকর্ষণীয় উপস্থাপন : প্রতিবেদনে প্রয়োজনীয় লেখচিত্র, গ্রাফ, টেবিল, সারণি ইত্যাদি এমনভাবে সন্নিবেশ করতে হবে যাতে প্রতিবেদনটি দেখতে আকর্ষণীয় মনে হয়।

সময়মতো উপস্থাপন : প্রতিবেদন উপস্থাপনে গবেষককে সময়ের দিকটিকে বেশি বিবেচনা করতে হবে। কেননা সঠিক সময়ে প্রতিবেদনটি উপস্থাপন না করলে এর কোনো মূল্য থাকবে না।

ব্যাকরণগত শুদ্ধতা : প্রতিবেদন লেখার সময় গবেষককে ভাষা প্রয়োগের দিকে খেয়াল রাখতে হবে। সুন্দর শব্দচয়ন এবং ভাষার ব্যাকরণগত দিকটি যাতে শুদ্ধ হয়, সেদিকে তীক্ষ্ণ দৃষ্টি রাখতে হবে।

সংক্ষিপ্তসার : অনেক সময় পাঠকের পক্ষে পুরো প্রতিবেদনটি পড়া হয়ে উঠে না। তাই প্রতিবেদনটি একটি সংক্ষিপ্তসারে থাকলে পাঠকের পক্ষে সহজে প্রতিবেদনটি সম্পর্কে একটি সুন্দর ধারণা লাভ করা সম্ভবপর হয়।

বাস্তবতা ও নির্ভরতা : গবেষককে অবশ্যই বাস্তবতার নিরিখে প্রতিবেদনটি প্রণয়ন করতে হবে এবং তৈরিকৃত প্রতিবেদনটি যাতে তথ্যনির্ভর হয়, সেদিকে তাকে খেয়াল রাখতে হবে।

সুপারিশমালা : প্রতিবেদন প্রণয়ন করার সময় গবেষককে অবশ্যই খেয়াল রাখতে হবে যাতে প্রতিবেদনের শেষে প্রয়োজনীয় সুপারিশমালা সংযোজিত থাকে। অর্থাৎ, প্রতিবেদন সম্পর্কে প্রতিবেদনের শেষে গবেষকের কিছু সুপারিশ থাকলে তা পাঠকের কাছে বেশি গুরুত্ব বহন করে।

*** ৩। প্রতিবেদনের বিভিন্ন অংশগুলো বর্ণনা কর।

বাকাশিবো- ২০১০, ১৮, ১৯, ২০, ২৩, ২৪

উত্তর : প্রতিবেদনের বিভিন্ন অংশগুলো নিম্নে বর্ণনা করা হলো :

১) প্রারম্ভিক অংশ :

ক) প্রতিবেদনের শিরোনাম : প্রতিবেদনের বিষয়বস্তুকে এককথায় প্রকাশ করে এমন একটি সুন্দর ও আকর্ষণীয় শিরোনাম দিতে হবে। এটি একটি অত্যাৱশ্যকীয় অংশ। উহা সংক্ষিপ্ত হওয়া বাঞ্ছনীয়। পাঠকগণ শিরোনাম দেখেই প্রতিবেদনের মূলবিষয়বস্তু সম্পর্কে একটা ধারণা লাভ করতে পারবে।
নিম্নে শিরোনামের একটা নমুনা দেওয়া হলো :

বাংলাদেশ কারিগরি শিক্ষাবোর্ড

আগারগাঁও, ঢাকা।

পরীক্ষাকেন্দ্র সম্পর্কিত প্রতিবেদন

খ) শিরোনাম পাতা : এই পাতায় প্রতিবেদকের নাম, ঠিকানা, পদবী যার নিকট প্রতিবেদনটি উপস্থাপন করা হবে তার নাম ঠিকানা, পদবী ইত্যাদি উল্লেখ থাকে।

গ) সূচীপত্র : ছোট প্রতিবেদনে সূচীপত্র না থাকলেও চলে, কিন্তু বিশ্লেষণাত্মক প্রতিবেদনের বিভিন্ন ইউনিট বা অধ্যায়গুলো পৃষ্ঠা নম্বরসহ উল্লেখ করতে হয়।
যেমন :

বিষয়বস্তু

পৃষ্ঠানং

(i) ভূমিকা

০২

(ii) উদ্দেশ্য	০৪
(iii) বিষয়বস্তু	০৭
(iv) উপসংহার	০৯
(v) সুপারিশমালা	১১
(vi)-----	----
(vii)-----	----

ঘ) সার-সংক্ষেপ : প্রতিবেদনের মূল বিষয়বস্তু সংক্ষিপ্ত আকারে অংশের মধ্যে লিখতে হয়। প্রতিবেদনের উদ্দেশ্য, তথ্য, সংগ্রহের পদ্ধতি, সুপারিশ, পরামর্শ মতামত ইত্যাদি সংক্ষিপ্ত আকারে এই অংশে লেখা থাকে। ব্যস্ত পাঠকগণ সারসংক্ষেপ পড়ে মূল প্রতিবেদনের সম্পর্কে ধারণা লাভ করতে পারে।

২) মূল অংশ :

ক) মূল বক্তব্য বা গর্ভাংশ : একটি বিশ্লেষণাত্মক প্রতিবেদনের প্রধান ও অপরিহার্য অংশ হলো মূল বক্তব্য বা গর্ভাংশের অংশটুকু। প্রতিবেদনের মূল বিষয়বস্তু অত্যন্ত সুন্দরভাবে এই অংশে বিভিন্ন শিরোনাম বা উপশিরোনাম উপস্থাপন করতে হয়। মূল বক্তব্য রচনা করার সময় প্রতিবেদককে খেয়াল রাখতে হবে কোনো অনুচ্ছেদ যেন অতি বড় না হয়, পক্ষান্তরে কোনো অনুচ্ছেদ যেন প্রতিবেদন হতে বাদ না পড়ে।

খ) উপসংহার : প্রতিবেদনের মূল বিষয়ের উপর ভিত্তি করে প্রতিবেদক উপসংহার তৈরি করেন। এই অংশে প্রতিবেদক অত্যন্ত সুচিন্তিত ও নিরপেক্ষভাবে প্রতিবেদনের বিষয়বস্তুর উপর তার মন্তব্য লিপিবদ্ধ করেন।

গ) সুপারিশমালা : প্রতিবেদনে সুপারিশ উল্লেখ করা বাধ্যতামূলক নহে। অবশ্য সুপারিশের বিষয়টি কর্তৃপক্ষের চাহিদার উপর নির্ভর করে। যদি কর্তৃপক্ষ সুপারিশসহ প্রতিবেদন পেশ করতে নির্দেশ দেন তাহলে সুপারিশ উল্লেখ করতে হয়, অন্যথায় নয়। প্রতিবেদনের সুপারিশ বা পরামর্শসমূহ অবশ্যই সুচিন্তিত ও নিরপেক্ষ হতে হবে।

৩) প্রতিবেদনের পরিশিষ্টাংশ :

ক) পরিশিষ্ট : এই অংশটি প্রতিবেদনের একটি গুরুত্বপূর্ণ অংশ। প্রতিবেদনটি পাঠকদের নিকট সহজ ও বোধগোম্য করে তোলার নিমিত্তে বিভিন্ন ছক, চার্ট, তালিকা, চিত্র, নকশা ইত্যাদি এই অংশে উল্লেখ করতে হয়। একটি প্রতিবেদন সম্পর্কে যথাযথভাবে অনুধাবন করা, প্রতিবেদনের বিষয়বস্তুর সত্যতা প্রত্যয়ন করার ব্যাপারে পরিশিষ্ট অংশটি পাঠকদের সহায়তা করে।

খ) গ্রন্থপুঞ্জি : প্রতিবেদন প্রস্তুতকালে যে সব পুস্তিকা, বই, সাময়িক, প্রবন্ধ, খবরের কাগজ ইত্যাদির সহায়তা নেওয়া হয়েছে, সে সবার একটি তালিকা অংশে উল্লেখ করতে হয়। লেখকের নাম, বইয়ের নাম, প্রকাশনার স্থান, কাল ও পৃষ্ঠার নম্বর একটি বিশেষ পদ্ধতিতে এই অংশে লিপিবদ্ধ করতে হয়।

যেমন : রিয়াজুল ইসলাম, ব্যবসায়িক যোগাযোগ (ঢাকা, এম আবদুল্লাহ এন্ড সন্স ১৯৯৯), পৃঃ ২১৮।

গ) প্রতিবেদকের স্বাক্ষর : প্রতিবেদন শেষে প্রতিবেদককে স্বাক্ষর প্রদান করতে হয়। প্রতিবেদনটি যদি টিম বা কমিটির মাধ্যমে প্রস্তুত করা হয় তাহলে টিম বা কমিটির সকল সদস্যকে প্রতিবেদনের শেষে স্বাক্ষর করতে হয়।

*** ৪। টেকনিক্যাল রিপোর্ট ও সাধারণ রিপোর্টের মধ্যে পার্থক্য কী?

বাকাশিবো-২০০৫, ০৭, ০৮, ০৯, ১৪, ১৬, ১৮'পরি, ১৯, ২০, ২১

উত্তর : টেকনিক্যাল রিপোর্ট ও সাধারণ রিপোর্টের মধ্যে পার্থক্য নিম্নে দেওয়া হলো :

টেকনিক্যাল রিপোর্ট	সাধারণ রিপোর্ট
১) এ রিপোর্ট বা প্রতিবেদনের বিষয়বস্তু কারিগরি বিভিন্ন ক্ষেত্র থেকে সংগ্রহ করা হয়।	১) এ রিপোর্ট বা প্রতিবেদনের বিষয়বস্তু কারিগরি ক্ষেত্র হতে তথ্য সংগ্রহ করতে হয় না।
২) এ সকল রিপোর্ট জনমত গঠনের উদ্দেশ্যে প্রচারিত হয় না।	২) এ সকল রিপোর্ট জনমত গঠনের উদ্দেশ্যে প্রচারিত হয়।
৩) এ রিপোর্টের গঠনপ্রণালী সাধারণ রিপোর্ট হতে আলাদা।	৩) এ রিপোর্টের নিজস্ব গঠনপ্রণালী আছে।
৪) কারিগরি শিক্ষায় শিক্ষিত ও অভিজ্ঞতা সম্পন্ন ব্যক্তির পক্ষেই এ সকল রিপোর্ট প্রণয়ন সম্ভব।	৪) কারিগরি শিক্ষাবহির্ভূত ব্যক্তির পক্ষেও এ সকল রিপোর্ট প্রণয়ন সম্ভব।
৫) এ রিপোর্ট প্রণয়নে কারিগরি জ্ঞানের প্রয়োজন।	৫) এ রিপোর্ট প্রণয়নে কারিগরি জ্ঞানের প্রয়োজন হয় না।
৬) এ সকল রিপোর্টের পাঠক সংখ্যা সীমিত।	৬) এ সকল রিপোর্টের পাঠক সংখ্যা অগণিত।
৭) এ রিপোর্ট তৈরিতে প্রত্যক্ষ উদ্দেশ্য কাজ করে।	৭) এ রিপোর্ট তৈরিতে পরোক্ষ উদ্দেশ্য কাজ করে।
৮) এ ধরনের রিপোর্ট সাধারণত আকারে বড় হয়।	৮) এ ধরনের রিপোর্ট তুলনামূলকভাবে ছোট হয়।
৯) এ ধরনের রিপোর্ট ব্যয় বেশি।	৯) এ ধরনের রিপোর্ট ব্যয় কম।

১০) এ ধরনের রিপোর্টের শেষে উপসংহার থাকে।

১০) এ ধরনের রিপোর্টের শেষে উপসংহার থাকে না।

*** ৫। কোনো একটি কারখানায় বিরাজমান শ্রমিক অসন্তোষ কারন ও সমাধান উল্লেখপূর্বক কারখানায় জেনারেল ম্যানেজারের নিকট একটি প্রতিবেদন লেখ।

বাকশির্ষো- ২০০৮, ১১

উত্তর :

পরিচালকমন্ডলী

পপুলার জুট মিলস লিঃ

নারায়ণগঞ্জ, ঢাকা

বিষয় : শ্রমিক অসন্তোষের তদন্ত প্রতিবেদন।

সুধীমন্ডলী,

জারিন জুট মিলস লিঃ এর শ্রমিকদের মধ্যে যে অসন্তোষের সৃষ্টি হয়েছে তার প্রকৃত কারণগুলো উদ্ঘাটনের লক্ষ্যে আপনাদের নির্দেশ মোতাবেক বিভাগীয় প্রধান, শ্রমিক-কর্মী এবং সংশ্লিষ্ট অন্যান্য ব্যক্তিবর্গের সাথে আলাপ-আলোচনা, অনুসন্ধান ও পর্যালোচনার ভিত্তিতে অত্র প্রতিবেদনটি প্রণয়ন করা হয়েছে। অনুসন্ধান ও পর্যালোচনা করে দেখা গিয়েছে মূলত তিনটি বিষয়ে শ্রমিকদের মধ্যে অসন্তোষের দানা বেঁধেছে, যথা-

১. বেতন কাঠামো পরিবর্তন,

২. বোনাস প্রদান, এবং

৩. ছুটির নিয়মাবলী পরিবর্তন।

উপরোক্ত দাবি-দাওয়াগুলোর বিষয়ে আমার মতামত নিম্নে পেশ করলাম :

১. বেতন কাঠামো পরিবর্তন : শ্রমিকদের দাবি-দাওয়াগুলোর মধ্যে অন্যতম হল বেতন বৃদ্ধি করা। আমার মতে, এই দাবিটি অযৌক্তিক, কারণ গত বছর থেকে আমাদের জুট মিলে বাংলাদেশ পাটকল সংস্থা কর্তৃক সুপারিশকৃত বেতন কাঠামো চালু আছে। এছাড়া বর্তমানে পাট শিল্পের মন্দাভাব চলছে, বেতন কাঠামো বর্ধিত করা হলে প্রতিষ্ঠান আর্থিকভাবে ক্ষতিগ্রস্ত হবে।

২. বোনাস প্রদান : বর্তমানে আমাদের প্রতিষ্ঠান বছরে একবার বোনাস প্রদান করে। শ্রমিকদের দাবি বছরে দু'টি বোনাস প্রদান করা। অনুসন্ধান দেখা গিয়েছে আমাদের মত সমজাতীয় প্রতিষ্ঠানগুলো বছরে দু'টি বোনাস প্রদান করে। সুতরাং শ্রমিকদের এই দাবিটি সহানুভূতির সহিত বিবেচনা করার জন্য জোর সুপারিশ করছি।

৩. ছুটির নিয়মাবলী : অন্যান্য কোম্পানি ও মিলকারখানার তুলনায় আমাদের কোম্পানিতে ছুটির নিয়মাবলী ত্রুটিপূর্ণ। এই ছুটি ছাটা কম হওয়ায় প্রায়ই শ্রমিককর্মীগণ এ বিষয়ে প্রতিবাদমুখর হয়ে উঠেন। তাই এ প্রসঙ্গে আমার প্রস্তাব হল, বাংলাদেশ পাটকল সংস্থার ছুটির নিয়মাবলী অনুসরণ করলে সুফল পাওয়া যাবে।

উপরোক্ত বিষয়গুলো সম্পর্কে যথাযথ ব্যবস্থা গ্রহণ করার জন্য অনুরোধ করছি।
ধন্যবাদসহ

(এ.এস সালমির ইসলাম)

সচিব।

SOS

অতি সংক্ষিপ্ত প্রশ্নোত্তর :

*** ১। অফিস কী?

বাকাশিবো- ২০১৮, ১৯, ১৯'পরি, ২০

উত্তর : অফিস বলতে এমন এমন একটি স্থানকে বুঝায়, যেখানে একটি প্রতিষ্ঠানের কর্মকর্তা-কর্মচারীরা সংস্থার উদ্দেশ্য ও লক্ষ্যগুলিকে সমর্থন এবং উপলব্ধি করার জন্য প্রশাসনিক কার্যক্রম সম্পাদন করে থাকেন।

*** ২। নথিবদ্ধকরণ কী?

বাকাশিবো- ২০০৬, ০৯, ১০, ১৩, ১৪, ১৫, ২৩, ২৪

উত্তর : যে পদ্ধতিতে অফিসের গুরুত্বপূর্ণ চিঠিপত্র, দলিল, কাগজপত্র ইত্যাদি কোনো নির্দিষ্ট স্থানে সুষ্ঠুভাবে সংরক্ষণ করা হয়, তাকে নথিবদ্ধকরণ বলে।

** ৩। নথিবদ্ধকরণের আধুনিক পদ্ধতিগুলো কী কী?

বাকাশিবো- ২০০৮, ১১

উত্তর : নথিবদ্ধকরণের আধুনিক পদ্ধতিগুলো নিম্নরূপ :

- | | |
|----------------------|---------------------|
| ১) সমান্তরাল নথিকরণ | ২) পাইলট নথিকরণ |
| ৩) শ্যাণন নথিকরণ | ৪) খাড়া নথিকরণ |
| ৫) কার্ডবোর্ড নথিকরণ | ৬) মোটরযুক্ত নথিকরণ |
| ৭) মুক্ততাক নথিকরণ | ৮) ঝুলানো নথিকরণ |

*** ৪। সূচিকরণ কাকে বলে?

বাকশিবো- ২০০৪, ০৫, ০৬, ০৭, ১৫, ১৭, ১৯, ১৯'পরি, ২০, ২০'পরি, ২৪

উত্তর : যে নির্দেশিকার মাধ্যমে নথিভুক্ত গুরুত্বপূর্ণ চিঠিপত্র, দলিল, কাগজপত্র ইত্যাদি সহজে খুঁজে বের করা হয়, তাকে সূচিকরণ বলে।

** ৫। সাধারণ সূচিকরণ পদ্ধতিগুলো কী কী?

বাকশিবো- ২০০৯, ১৬'পরি, ২৪

উত্তর : সাধারণ সূচিকরণ পদ্ধতিগুলো নিম্নরূপ :

- i) নির্দিষ্ট সাধারণ সূচি
- ii) শিথিল সাধারণ সূচি
- iii) প্রসারিত সাধারণ সূচি এবং
- iv) স্বয়ং সাধারণ সূচি।

SOS সংক্ষিপ্ত প্রশ্নোত্তর :

** ১। অফিসকে একটি প্রতিষ্ঠানের স্নায়ু কেন্দ্র বলা হয় কেন?

বাকশিবো- ২০১৫

উত্তর : অফিস ব্যতীত কোনো প্রতিষ্ঠানের অস্তিত্ব থাকতে পারে না। অফিসকে একটি ব্যবসায়িক সংস্থার স্নায়ুকেন্দ্র বা মস্তিষ্ক হিসেবে অভিহিত করা হয়। কারণ এটি প্রতিষ্ঠানের উপর সম্পূর্ণ নিয়ন্ত্রণ অনুশীলন করে। নীতিগত সিদ্ধান্ত গ্রহণ, পরিকল্পনা প্রণয়ন এবং তাদের দক্ষতার সাথে সম্পাদন করা ইত্যাদি কার্যক্রমের একটি অফিস হতেই সংঘটিত হয়। অফিসের সকল কার্যক্রমের সাথে প্রতিষ্ঠানের সকল কার্যক্রম অঙ্গাঙ্গিভাবে জড়িত বলে অফিসকে একটি প্রতিষ্ঠানের স্নায়ুকেন্দ্র বলা হয়।

*** ২। একটি আধুনিক অফিসের নৈমিত্তিক কাজগুলো কী কী?

বাকশির্বো- ২০১২, ১৩, ১৬

উত্তর : নিয়ম করে যে কাজ করা হয়, অফিসের সেই কাজগুলোকে নৈমিত্তিক কাজ এবং প্রতিদিন নিয়ম করে যে কাজ করা হয়, তাকে নিত্য-নৈমিত্তিক কাজ বলে। একটি আধুনিক অফিসের নৈমিত্তিক কাজগুলো নিম্নরূপ :

- | | |
|----------------------|---------------------------|
| ১) পরিকল্পনা প্রণয়ন | ২) তথ্যপ্রাপ্তি ও সংগ্রহ |
| ৩) তথ্যাদির নথিকরণ | ৪) তথ্যাদির প্রক্রিয়াকরণ |
| ৫) তথ্য সংরক্ষণ | ৬) তথ্যাদি সরবরাহ |
| ৭) যোগাযোগ রক্ষা এবং | ৮) হিসাবপত্র প্রণয়ন। |

৩। নথিকরণ বলতে কী বুঝায়?

বাকশির্বো- ২০০৪, ১০'পরি

উত্তর : যে পদ্ধতিতে অফিসের গুরুত্বপূর্ণ চিঠিপত্র, দলিল, কাগজপত্র ইত্যাদি কোনো নির্দিষ্ট স্থানে সুষ্ঠুভাবে সংরক্ষণ করা হয়, তাকে নতিবদ্ধকরণ বলে।

অধ্যাপক জে.সি.ডেনিয়ারের মতে “নথিকরণ হলো দলিল পত্রাদি সাজিয়ে রাখা ও সংরক্ষণের পদ্ধতি বিশেষ, যাতে প্রয়োজনের সময় সহজে এগুলো খুঁজে বের করা যায়”।

লিটল ফিল্ড ও পিটারসন এর মতে, “নথিকরণ হচ্ছে চিঠিপত্র ও দলিল-দস্তাবেজ সমূহ উপযুক্ত পাত্রে এমনভাবে স্থাপন করা, যাতে প্রয়োজনের সময় সেগুলো খুঁজে পাওয়া যায়”।

অধ্যাপক রহমানের মতে, “ভবিষ্যতে হৃদিস বের করার প্রয়োজনে প্রস্তুত রাখার নিমিত্তে চিঠিপত্র, দলিল-দস্তাবেজ, চুক্তিপত্র এবং অন্যান্য অনেক মূল্যবান কাগজপত্র রীতিবদ্ধ ও বিজ্ঞানসম্মত উপায়ে সাজিয়ে রাখার ব্যবস্থাকে নথিকরণ বলা হয়।

**** ৪। নথিকরণের সনাতন পদ্ধতিগুলো নাম লেখ।**

বাকাশিবো- ২০১৪, ১৫

উত্তর : নথিকরণের সনাতন পদ্ধতিগুলো নাম নিম্নে দেওয়া হলো :

- | | |
|----------------------|----------------------|
| ১) বক্স নথিকরণ | ২) তারদন্ড নথিকরণ |
| ৩) গার্ড বই | ৪) পায়রা-খোপ নথিকরণ |
| ৫) কনসার্টিনা নথিকরণ | ৬) প্রেস কপি বই। |

*** ৫। পায়রা-খোপ নথিকরণ কী?**

বাকাশিবো- ২০১৫'পরি

উত্তর : এটি নথিকরণের সনাতন পদ্ধতি। এ পদ্ধতিতে একটি আলমারি ব্যবহার করা হয়। ইংরেজি বর্ণমালা (A,B.....Y,Z) অনুসারে উক্ত আলমারিতে ২৬ টি খোপ থাকে। খোপগুলোর বহির্ভাগে A, B, C, D ইত্যাদি অক্ষর দিয়ে চিহ্নিত করা হয়। সংশ্লিষ্ট বিষয় বা প্রতিষ্ঠান বা ব্যক্তির নামের প্রথম অক্ষর অনুযায়ী কাগজপত্রগুলো নির্দিষ্ট খোপে সংরক্ষণ করা হয়। খোপগুলো দেখতে কবুতরের খোপের মত বলে নথিকরণের এ পদ্ধতিকে পায়রা-খোপ নথিকরণ বলে।

**** ৬। সূচিকরণ বলতে কী বুঝায়?**

বাকাশিবো- ২০০৪, ১০

উত্তর : যে নির্দেশিকার মাধ্যমে নথিভুক্ত গুরুত্বপূর্ণ চিঠিপত্র, দলিল, কাগজপত্র ইত্যাদি সহজে খুঁজে বের করা হয়, তাকে সূচিকরণ বলে।

অধ্যাপক জে.সি. ডেনিয়ারের মতে, “সূচীকরণ হচ্ছে এমন একটি বিশেষ প্রক্রিয়া, যার সাহায্যে সম্ভাব্য নথিকৃত কাগজপত্রাদির শিরোনাম নির্বাচন ও সংরক্ষণ করা হয়”।

ড.এস.এ. মান্নান এর মতে, “ফাইলভুক্ত চিঠিপত্র, দলিল-দস্তাবেজ ইত্যাদি যে পদ্ধতিতে খুঁজে বের করা যায় তাকে সূচীকরণ বলে”।

অধ্যাপক রহমান এর মতে, “নথিভুক্ত দলিল, রিপোর্ট ইত্যাদির সঠিক বা প্রকৃত অবস্থান সম্পর্কে সুস্পষ্ট ধারণার জন্য তাদের ধারাবাহিকতা বা পদ্ধতিগত তালিকা প্রণয়নকে সূচিকরণ বলে”।

৭। অফিস কার্যের বৈশিষ্ট্য লেখ।

বাকাশিবো- ২০২৩, ২৪

উত্তর : অফিস কার্যের প্রধান বৈশিষ্ট্যগুলো নিচে আলোচনা করা হলো :

- i) তথ্য সংগ্রহ ও প্রক্রিয়াকরণঃ অফিসের অন্যতম প্রধান কাজ হলো প্রতিষ্ঠানের ভেতর ও বাহির থেকে প্রয়োজনীয় তথ্য সংগ্রহ করা। সংগৃহীত এই তথ্যগুলোকে সাজিয়ে, বিশ্লেষণ করে ব্যবহার উপযোগী করে তোলাই অফিস কার্যের বৈশিষ্ট্য।
- ii) নথিপত্র সংরক্ষণঃ ভবিষ্যৎ প্রয়োজন এবং আইনি বাধ্যবাধকতা মেটানোর জন্য অফিসকে বিভিন্ন গুরুত্বপূর্ণ দলিল, চিঠি এবং রিপোর্ট সংরক্ষণ করতে হয়। এটি অফিসের একটি ধারাবাহিক প্রক্রিয়া।
- iii) যোগাযোগের কেন্দ্রবিন্দু : অফিস প্রতিষ্ঠানের বিভিন্ন বিভাগ, কর্মী এবং বাইরের পক্ষের (যেমন: গ্রাহক, সরবরাহকারী, সরকার) মধ্যে যোগাযোগের মাধ্যম হিসেবে কাজ করে। এটি তথ্যের আদান-প্রদান নিশ্চিত করে।
- iv) সেবামূলক কাজ : অফিসের কাজ মূলত সেবামূলক। এটি সরাসরি পণ্য উৎপাদন করে না, বরং উৎপাদন ও বিপণন বিভাগের কাজ সহজ করার জন্য সহায়তা প্রদান করে।
- v) সমন্বয় সাধনঃ প্রতিষ্ঠানের বিভিন্ন বিভাগের কাজের মধ্যে সমন্বয় করা অফিসের একটি গুরুত্বপূর্ণ বৈশিষ্ট্য। এটি নিশ্চিত করে যে সবাই একই লক্ষ্য অর্জনে কাজ করছে।
- vi) ব্যবস্থাপনায় সহায়তাঃ অফিস প্রয়োজনীয় তথ্য ও উপাত্ত সরবরাহ করে ব্যবস্থাপকদের সঠিক সিদ্ধান্ত নিতে এবং পরিকল্পনা প্রণয়ন করতে সাহায্য করে।

vii) দাপ্তরিক বা রুটিন কাজঃ চিঠিপত্র লেখা, টাইপিং, ফাইল করা, ফোন রিসিভ করা এবং হিসাব রাখার মতো দৈনন্দিন রুটিন কাজগুলো অফিস কার্যের অন্তর্ভুক্ত।

SOS**রচনামূলক প্রশ্নোত্তর :**

*** ১। আধুনিক অফিসের কার্যাবলি আলোচনা কর।

বাকশির্বো- ২০১৫, ১৫'পরি, ১৯'পরি ২০, ২১

উত্তর : একটি আধুনিক অফিসের মৌলিক কাজগুলি হল তথ্য গ্রহণ এবং সংগ্রহ করা, রেকর্ড করা, সাজানো এবং প্রক্রিয়া করা এবং যোগাযোগ করা। নিম্নে একটি আধুনিক অফিসের কার্যাবলি আলোচনা করা হলো :

অফিসের কার্যাবলিকে প্রধানত দুইভাগে ভাগ করা যায়। যথা :

১) নৈমিত্তিক বা রুটিন কার্যাবলি এবং

২) প্রশাসনিক কার্যাবলি।

১) নৈমিত্তিক কার্যাবলি : নিয়ম করে যে কাজগুলি করা হয়, তাকে নৈমিত্তিক কাজ বলে। একটি আধুনিক অফিসের নৈমিত্তিক কার্যাবলি নিম্নরূপ :

পরিকল্পনা প্রণয়ন : একটি আধুনিক অফিসের প্রথম কাজ হলো অফিসের সার্বিক কাজের জন্য একটি সুষ্ঠু ও গঠনমূলক পরিকল্পনা প্রণয়ন করা। যাতে কাজের গতিশীলতা বজায় থাকে এবং কোন কাজ কে, কখন, কীভাবে সম্পাদন করবে, কত সময় লাগবে, কত টাকা ব্যয় হবে তা পূর্বেই নিধারণ করা যায়।

তথ্যপ্রাপ্তি ও সংগ্রহ : প্রতিষ্ঠানের বাইরে কিংবা ভেতরের বিভিন্ন উৎস হতে তথ্য সংগ্রহ করা অফিসের মৌলিক কাজ। প্রতিষ্ঠানের বিভিন্ন প্রয়োজনে বিভিন্ন ধরনের চিঠিপত্র, চালান কপি, বিলপত্র, রসিদ বহি ইত্যাদি অফিসে আসে এবং বিভিন্ন গুরুত্বপূর্ণ জিনিসপত্রও বিভিন্ন সময়ে অফিস হতে বের হয়। এ সকল তথ্যও সংগ্রহ করে রাখতে হয়।

তথ্যাদির নথিকরণ : বিভিন্ন উৎস হতে তথ্য প্রাপ্তির পর তা নথিকরণ করে রাখা আধুনিক অফিসের গুরুত্বপূর্ণ কাজ। এ নথিকরণ বিভিন্ন পদ্ধতিতে করা যায়।

তথ্যাদির প্রক্রিয়াজাতকরণ : সংগ্রহীত তথ্যাদিকে ব্যবহার উপযোগী করার জন্য তা শ্রেণিবদ্ধকরণ, সংক্ষিপকরণ, প্রতিবেদন তৈরি ইত্যাদির সাহায্যে উপস্থাপন করা হয়। এ সকল কাজকে একত্রে তথ্যাদির প্রক্রিয়াজাতকরণ বলে।

তথ্য সংরক্ষণ : প্রতিষ্ঠানের ভবিষ্যৎ বিভিন্ন কার্যাবলি সম্পাদনের জন্য সংগৃহীত তথ্যাদি প্রক্রিয়াজাতকরণের পর সেগুলোকে সংরক্ষণ করতে হয়।

তথ্যাদির সরবরাহ : অফিসের সংরক্ষিত বিভিন্ন গুরুত্বপূর্ণ তথ্যাদি প্রয়োজন অনুসারে বিভিন্ন ব্যক্তি, প্রতিষ্ঠান বা সংস্থার মধ্যে সরবরাহ করতে হয়।

যোগাযোগ রক্ষা : অফিসের ভিতরে এবং বাইরে বিভিন্ন ব্যক্তি, প্রতিষ্ঠান, সংস্থা, বিবাদ প্রভৃতির সাথে যোগাযোগ রক্ষা করতে বিভিন্ন মাধ্যম যেমন , চিঠিপত্র, টেলিফোন, সাক্ষাৎকার ইত্যাদি ব্যবহৃত হয়।

২) প্রশাসনিক কার্যাবলি : একটি অফিসে প্রশাসনিক বিভিন্ন কার্যাবলিও সম্পাদিত হয়। যেমন :

কার্যপরিধি নির্ধারণ করা : একটি আধুনিক অফিসের সকলের কাজের পরিধি নির্ধারণ করা অফিসের প্রশাসনিক কাজের অন্তর্ভুক্ত। নির্ধারিত কার্য পরিধির উপর ভিত্তি করেই ঐ প্রতিষ্ঠানের কাজকর্ম, নীতি নির্ধারণ ও পরিকল্পনা গ্রহণ করা হয়।

অফিস পদ্ধতি ও কার্যক্রম প্রতিষ্ঠা : আধুনিক অফিসের একটি গুরুত্বপূর্ণ কাজ হচ্ছে অফিস পদ্ধতি ও কার্যক্রম প্রতিষ্ঠা করে সকল কার্য সুষ্ঠুভাবে সম্পাদনের জন্য তার প্রয়োগ নিশ্চিত করা।

অফিস উপকরণ ও আসবাবপত্র নির্বাচন ও ক্রয় : অফিসিয়াল কার্যক্রম সঠিকভাবে পরিচালনার জন্য যে সকল উপকরণ ও আসবাবপত্র প্রয়োজন তা নির্বাচন ও ক্রয় করা আধুনিক অফিসের প্রশাসনের কাজ।

ফরম ডিজাইন ও নিয়ন্ত্রণ : ফরম ডিজাইনের উপর একটি প্রতিষ্ঠানের প্রয়োজনীয় তথ্য একত্রকরণে বড় ভূমিকা পালন করে। তাই প্রয়োজন অনুযায়ী ফরম ডিজাইন করা এবং তা ব্যবহার নিয়ন্ত্রণ করা জরুরি।


অফিসকর্মী সংগ্রহ ও নিয়োগ : দক্ষতার সাথে অফিসের কার্য সম্পাদনের জন্য উপযুক্ত ও যোগ্য কর্মী নির্বাচন করা, তাদের নিয়োগ দান, প্রয়োজনীয় প্রশিক্ষণ প্রদান, কর্মীর যথাযথ মূল্যায়ন, পদোন্নতির ব্যবস্থা এমনকি কর্মী ছাঁটাই করাও অফিসের কাজ।

সমন্বয় সাধন ও নিয়ন্ত্রণ : প্রতিষ্ঠানের সার্বিক সাফল্যের জন্য অফিসের প্রতিটি বিভাগের সাথে সমন্বয় সাধন ও প্রাতিষ্ঠানিক নিয়ন্ত্রণ কাজে প্রয়োজনীয় ব্যবস্থা গ্রহণ করা অফিসের প্রশাসনিক দায়িত্ব।

*** ২। নথিকরণের বিভিন্ন পদ্ধতিগুলো আলোচনা কর।

বাকাশিবা- ২০০৪, ০৬, ১১'পরি, ১৪, ১৫

উত্তর : নথিকরণ এর পদ্ধতিগুলোকে প্রধানত দুই ভাগে ভাগ করা যায়।



চিত্র : নথিকরণের বিভিন্ন পদ্ধতি

i) সনাতন পদ্ধতি : অতি প্রাচীন কাল হতে নথিকরণের জন্য যে পদ্ধতিগুলো ব্যবহৃত হয়, সেই সকল পদ্ধতিগুলোকে সনাতন পদ্ধতি বলে। যেমন :

১) বাক্স নথিকরণ : এ পদ্ধতিতে ক্লিপযুক্ত ফাইলে প্রেরকের নাম বা বিষয় অনুসারে কাগজপত্র বা দলিল-দস্তাবেজগুলো সংরক্ষণ করে বাক্সের পৃথক পৃথক তাকে সমান্তরালভাবে রাখা হয়। সাধারণত যে প্রতিষ্ঠানের নথি বা চিঠিপত্রের সংখ্যা কম সেখানে এ পদ্ধতির ব্যবহার সুবিধাজনক।

২) তারদণ্ড নথিকরণ : এ পদ্ধতিতে কেবল একখণ্ড কাঠের উপর তারদণ্ডের মধ্যে ভাউচার, চিঠিপত্র ইত্যাদি গাঁথে রাখা হয়। দণ্ডখানি টেবিলের উপর বা দেয়ালের সাথে আটকিয়ে রাখা হয়।

৩) গার্ড বই : ছোট প্রতিষ্ঠানের অফিসে গার্ড বইতে তারিখ অনুযায়ী চিঠিপত্রগুলো ক্লিপ দ্বারা আটকানো থাকে। এ পদ্ধতি সময় ও শ্রমের যথেষ্ট অপচয় করে।

৪) পায়রা-খোপ নথিকরণ : এটি নথিকরণের সনাতন পদ্ধতি। এ পদ্ধতিতে একটি আলমারি ব্যবহার করা হয়। ইংরেজি বর্ণমালা (A,B.....Y,Z) অনুসারে উক্ত আলমারিতে ২৬ টি খোপ থাকে। খোপগুলোর বহির্ভাগে A, B, C, D ইত্যাদি অক্ষর দিয়ে চিহ্নিত করা হয়। সংশ্লিষ্ট বিষয় বা প্রতিষ্ঠান বা ব্যক্তির নামের প্রথম অক্ষর অনুযায়ী কাগজপত্রগুলো নির্দিষ্ট খোপে সংরক্ষণ করা হয়। খোপগুলো দেখতে কবুতরের খোপের মত বলে নথিকরণের এ পদ্ধতিকে পায়রা-খোপ নথিকরণ বলে।

ii) আধুনিক পদ্ধতি : বড় বড় প্রতিষ্ঠানের অফিসেগুলোতে বর্তমানে আধুনিক পদ্ধতি ব্যবহৃত হয়। যেমন :

১) সমান্তরাল নথিকরণ : এ পদ্ধতিতে কাঠের বাক্স ব্যবহার করা হয়। বাক্সের ভেতরের চিঠিপত্র ও দলিল-দস্তাবেজ সমান্তরালভাবে পৃথক পৃথক ফাইলভুক্ত করে সাজিয়ে রাখা হয়। প্রত্যেকটি ফাইলে সংরক্ষিত বিষয়ের শিরোনাম, ব্যক্তি বা প্রতিষ্ঠানের নাম, ঠিকানা, ক্রমিক নং, ক্রম অনুসারে লিখে রাখা হয়।

২) পাইলট নথিকরণ : এ পদ্ধতিতে শক্ত কাগজের তৈরি ফাইল কভার হিসাবে ব্যবহার করা হয় এবং প্রতিটি ফাইলে লোহার পাতের তৈরি পাইলট থাকে। চিঠিপত্র, দলিল-দস্তাবেজ ইত্যাদিতে পাখিঃ মেশিনের সাহায্যে ছিদ্র করে পাইলটের মধ্যে সুন্দরভাবে সাজিয়ে রাখা হয়। পাইলটের স্প্রিং-এর সাহায্য তা খোলা ও বন্ধ করা যায়। ফলে সংরক্ষিত কাগজপত্রাদি হারিয়ে যাওয়ার সম্ভাবনা থাকে না।

৩) শ্যানন নথিকরণ : এ পদ্ধতিতে অনেকগুলো কাঠের বা স্টিলের ড্রয়ারবিশিষ্ট ক্যাবিনেট পৃথক পৃথকভাবে চিহ্নিত করে কাগজপত্র, দলিলপত্র ইত্যাদি নথিভুক্ত করা হয়ে থাকে।

৪) খাড়া নথিকরণ : এ পদ্ধতিতে তাকে বা আলমারিতে খাড়াভাবে একটির পাশে আর একটি নথি রাখা হয়। প্রতিটি নথিতে অনেকগুলো দলিল সংরক্ষণ করা হয়। ভিন্ন ভিন্ন তাকে ভিন্ন ভিন্ন বিষয়ের ফাইল সংরক্ষণ করা হয়।

৫) কার্ডবোর্ড নথিকরণ : এ পদ্ধতিতে শক্ত হার্ডবোর্ডের উপর ফিতা বা রশি দ্বারা দলিলপত্র বেঁধে রাখা হয় এবং কাগজের টুকরার উপর বিবরণী লেখা থাকে।

৬) মোটরযুক্ত নথিকরণ : এ পদ্ধতিতে নথিপত্র একটি নির্দিষ্ট স্থানে ট্রেতে সাজিয়ে রাখা হয়। বৈদ্যুতিক মোটরের সাহায্যে একজন নথিকরণ কর্মীর দ্বারা সুইচের মাধ্যমে নির্দিষ্ট নথির ট্রে নির্দিষ্ট জায়গায় কর্মসম্পাদনের জন্যে উপস্থিত করা হয়।

৭) মুক্ত তাক নথিকরণ : এ ব্যবস্থায় বড় আকারের তাকযুক্ত আলমারি ব্যবহার করা হয়। প্রত্যেক প্রতিষ্ঠান বা ব্যক্তির জন্য একটি নম্বর নির্দিষ্ট করা হয়। ঐ নম্বরের কাগজপত্র পৃথক পৃথক আবরণে নথিভুক্ত করা হয়।


৮) ঝুলানো নথিকরণ : এ পদ্ধতিতে চিঠিপত্রগুলো যাতে বাঁকা হয়ে না পরে সেজন্য প্রতিটি নথিতে ছক পড়িয়ে লৌহ শলাকার-এর সাহায্যে আটকিয়ে দেয়া হয়। ফাইলগুলোর মাথায় থাকা ছকের সাহায্যে সেগুলোকে শলাকার মাধ্যমে ঝুলিয়ে দেয়া হয়।

**** ৩। সূচিকরণ বলতে কী বুঝায়? সূচিকরণের পদ্ধতি আলোচনা কর।**

বাকশির্ষো- ২০০৯, ১৪

উত্তর : সূচিকরণ : যে নির্দেশিকার মাধ্যমে নথিভুক্ত গুরুত্বপূর্ণ চিঠিপত্র, দলিল, কাগজপত্র ইত্যাদি সহজে খুঁজে বের করা হয়, তাকে সূচিকরণ বলে।

সূচিকরণের বিভিন্ন পদ্ধতিসমূহ নিম্নরূপ :



সাধারণ সূচি : এ পদ্ধতি কতকগুলো পাতার সমষ্টি, যার প্রত্যেকটিতে বর্ণমালার ভিন্ন ভিন্ন অক্ষর লেখা থাকে। প্রেরকের নামের প্রথম অক্ষর অনুযায়ী তার ক্রমসূচি প্রণয়ন করা হয়। যে ব্যক্তি বা বিষয়ের প্রথম অক্ষর 'A' থাকে তা 'A' চিহ্নিত পৃষ্ঠায়, 'B' থাকলে 'B' চিহ্নিত পৃষ্ঠায় লেখা হয়। এভাবে পর্যায়ক্রমে 'C', 'D' ইত্যাদি পৃষ্ঠায় পত্রাদি সূচিভুক্ত করা হয়।

i) নির্দিষ্ট সাধারণ সূচি : এ পদ্ধতিতে সূচিপত্রগুলো একটি বাঁধাই করা পুস্তকে আটকানো থাকে।

ii) শিথিল সাধারণ সূচি : এ পদ্ধতিতে সূচির পৃষ্ঠাগুলো শিথিলভাবে গাঁথা থাকে। প্রয়োজন হলে সূচি বই থেকে যে-কোনো পৃষ্ঠা বের করা যায় ও নতুন পৃষ্ঠা সংযোগ করা যায়।

iii) প্রসারিত সাধারণ সূচি : এ পদ্ধতিতে একটি বাঁধানো খাতায় সূচিকরণ করা হয় এবং খাতার পাতার ডানদিকে উপরের কোনা কেটে বর্ণগুলো লেখা হয়। ফলে বাইরে থেকে অক্ষরগুলো দেখা যায়। সে অক্ষর অনুযায়ী নাম লেখা হয়।

iv) স্বয়ং সাধারণ সূচি : এ পদ্ধতিতেও সূচির খাতা বাঁধানো থাকে এবং খাতার পৃষ্ঠাগুলো এমনভাবে কাটা থাকে যেন বর্ণমালার অক্ষরগুলো বাইরে থেকে দেখা যায়।

স্বরবর্ণ সূচি : এ পদ্ধতিতে সূচি নাম বা বিষয়বস্তুর প্রথম স্বরবর্ণ অনুযায়ী করা হয়। A, E, I, O, U এবং Y ইংরেজি বর্ণমালার এ ছয়টি স্বরবর্ণ অনুযায়ী বাঁধানো খাতার প্রতি পৃষ্ঠায় ঘর থাকে। ব্যক্তি বা বিষয়বস্তুর প্রথম স্বরবর্ণ অনুযায়ী নির্দিষ্ট ঘরে তার নাম এবং প্রত্যেকের নামের পাশে নথিভুক্ত কাগজপত্রের উল্লেখ ও এর বিবরণ লেখা থাকে।

i) বর্ণানুক্রমিক সূচি : এ পদ্ধতিতে বর্ণের ক্রমানুসারে ব্যক্তি, বিষয়বস্তু বা প্রতিষ্ঠানের নাম সূচির পৃষ্ঠাসমূহে লেখা থাকে।

ii) আভিধানিক পদ্ধতি : এ পদ্ধতিতে সূচক বইয়ের পৃষ্ঠার শুরুতে প্রথম বর্ণের জন্য, পরে দ্বিতীয়, তৃতীয়, চতুর্থ এভাবে বর্ণক্রমিক সাজানো রীতি অনুসরণ করা হয়।

iii) ডাইরেক্টরি পদ্ধতি : এ পদ্ধতি টেলিফোন ডাইরেক্টরি পদ্ধতি অনুসরণ করে। এ পদ্ধতিতে প্রথমে পদবি, নামের বর্ণ অনুযায়ী সাজানো রীতি অনুসরণ করা হয়।

iv) কার্ড সূচি : এটা সূচিকরণের সর্বাধুনিক ও বিজ্ঞানসম্মত পদ্ধতি। এতে কার্ডের ব্যবহার করা হয়। প্রত্যেকটি কার্ডে সংশ্লিষ্ট ব্যক্তি বা প্রতিষ্ঠানের নাম, ঠিকানা, নথি নম্বর প্রভৃতি লিখে তাকে একটি ট্রেতে শলাকার সাহায্যে গঁথে রাখা হয়। উক্ত ট্রেকে সূচি বাক্স বলা যায়।

*** ৪। নথিকরণ ও সূচিকরণের মধ্যে পার্থক্য আলোচনা কর।

বাকাশিবো- ২০০৫, ১৪, ১৭, ২১

উত্তর : নথিকরণ ও সূচিকরণের মধ্যে পার্থক্য নিম্নরূপ :

নথিকরণ	সূচিকরণ
১) যে পদ্ধতিতে অফিসের গুরুত্বপূর্ণ চিঠিপত্র, দলিল, কাগজপত্র ইত্যাদি কোনো নির্দিষ্ট স্থানে সুষ্ঠুভাবে সংরক্ষণ করা হয়, তাকে নথিবদ্ধকরণ বলে।	১) যে নির্দেশিকার মাধ্যমে নথিভুক্ত গুরুত্বপূর্ণ চিঠিপত্র, দলিল, কাগজপত্র ইত্যাদি সহজে খুঁজে বের করা হয়, তাকে সূচিকরণ বলে।
২) সূচিকরণের পূর্বেই নথিকরণ করতে হয়।	২) নথিকরণের পরে সূচিকরণ করতে হয়।
৩) এর মাধ্যমে অফিসের মূল্যবান তথ্যাদির নিরাপত্তা নিশ্চিত করা হয়।	৩) এর মাধ্যমে নথিভুক্ত তথ্যাদির অবস্থান নির্ণয় করা হয়।
৪) এ পদ্ধতি ব্যয় বহুল।	৪) এ পদ্ধতি তুলনামূলক কম ব্যয়বহুল।
৫) এতে জায়গার পরিমাণ বেশি লাগে।	৫) তুলনামূলক কম জায়গার প্রয়োজন হয়।
৬) প্রয়োজনীয় কাগজপত্র, রেকর্ডপত্র, সংরক্ষণ করাই ইহার প্রধান উদ্দেশ্য।	৬) প্রয়োজনীয় কাগজপত্র, রেকর্ডপত্র, খোঁজে বের করাই ইহার প্রধান উদ্দেশ্য।
৭) নথিকরণের আওতা ব্যাপক।	৭) সূচিকরণের আওতা ছোট।
৮) অফিসের কোনো চিঠিপত্র, দলিল খুঁজে বের করার জন্য নথিকরণ একান্ত প্রয়োজন।	৮) নথিভুক্ত চিঠিপত্রকে দ্রুত খুঁজে বের করার জন্য সূচিকরণ একান্ত প্রয়োজন।
৯) ইহা প্রতিষ্ঠানের স্মৃতিশক্তির ন্যায় কাজ করে।	৯) নথিভুক্ত কাগজপত্রের জন্য সূচিকরণ একটি প্রক্রিয়ামাত্র।



SOS**অতি সংক্ষিপ্ত প্রশ্নোত্তর :******* ১। বাণিজ্যিক পত্র কাকে বলে?**

বাকাশিবো- ২০০৭৪, ০৫, ০৭, ১০'পরি, ১৫

উত্তর : যে পত্রের মাধ্যমে ব্যবসায় সংক্রান্ত বিষয়ে যোগাযোগ স্থাপন করা হয়, তাকে বাণিজ্যিক পত্র বলে। যেমন : চুক্তিপত্র।

**** ২। আধা-প্রাতিষ্ঠানিক পত্র কাকে বলে?**

বাকাশিবো- ২০০০৭, ১০, ২৩

উত্তর : যে পত্র তৈরিতে প্রাতিষ্ঠানিক তথ্য বা সংবাদ তুলে ধরার সময় লেখকের ব্যক্তিগত ভাবের মিশ্রণ ঘটে, তাকে আধা-প্রাতিষ্ঠানিক বা সেমি/ডেমি অফিসিয়াল পত্র বলে।

অথবা, যে পত্র অফিসিয়াল ও ব্যক্তিগত পত্রের সংমিশ্রণে রচনা করা হয়, তাকে আধা-প্রাতিষ্ঠানিক পত্র বলে।

**** ৩। ক্রোড়পত্র বা সংযুক্তি কী?**

বাকাশিবো- ২০১৫'পরি, ২৪

উত্তর : অনেক সময় পত্রের নিচে প্রামাণ্য দলিল ও কাগজপত্র সংযোজিত করে কাগজপত্রের নাম ও সংখ্যা উল্লেখ করতে হয়। ইহাকে ক্রোড়পত্র বা সংযুক্তি বলে।

*** ৪। চাকরির আবেদনপত্র কী?**

বাকাশিবো- ২০১৯'পরি

উত্তর : চাকরি প্রাপ্তির আশায় নিয়োগকারী কর্তৃপক্ষের নিকট যে পত্র লেখা হয়, তাকে চাকরির আবেদনপত্র বলে।

**** ৫। নিয়োগপত্র কী?**

বাকশিবো- ২০১০, ১৪

উত্তর : প্রতিষ্ঠানের নিয়োগকর্তা চাকরি আবেদনকারী বা প্রার্থীকে তার আবেদনকৃত পদের নিয়োগের প্রস্তাব দিয়ে যে পত্র লেখেন, তাকে নিয়োগপত্র (Appointment letter) বলে।

*** ৬। অভিযোগপত্র বলতে কী বুঝায়?**

উত্তর : অভিযোগপত্র হলো এক ধরনের চিঠি, যা একটি পণ্য, পরিষেবা ইত্যাদি থেকে উদ্ভূত যেকোনো ধরনের ভুল কাজ, অপরাধ, অভিযোগ, বিরক্তি মোকাবেলা করার জন্য লেখা হয়।

**** ৭। ফরমায়েশ পত্র কী?**

বাকশিবো- ২০১০'পরি, ১১, ১৩

উত্তর : দর উল্লেখপত্র বা বিক্রয় প্রস্তাব পাওয়ার পর ক্রেতা সকল তথ্যাবলি সম্পর্কে সন্তুষ্ট হয়ে পণ্য ক্রয়ের ইচ্ছা প্রকাশ করে যে পত্র লিখে, তাকে ফরমায়েশ পত্র বলে।

Note: দর উল্লেখ পত্র : ক্রেতার মূল জিজ্ঞাসা পত্রের উত্তরে বিক্রেতা, উৎপাদনকারী পণ্যের মূল্য, বিক্রয়ের শর্তাবলি ইত্যাদি বিষয়গুলো জানিয়ে যে পত্র লিখে, তাকে দর উল্লেখ পত্র বা মূল্যজ্ঞাপন বলে।

***** ৮। টেন্ডার নোটিশ বা দরপত্র বিজ্ঞপ্তি কাকে বলে?**

বাকশিবো- ২০০৬, ০৭, ১০'পরি, ১৩, ১৫, ১৬'পরি, ১৮, ১৯, ১৯'পরি, ২০'পরি, ২৩, ২৪

উত্তর : কোনো প্রতিষ্ঠান বিশেষ কোনো কার্যসম্পাদন বা পণ্যদ্রব্য সরবরাহের জন্য প্রস্তাব আহ্বান করে সংবাদপত্রে যে বিজ্ঞপ্তি প্রকাশ করে, তাকে টেন্ডার নোটিশ বা দরপত্র বিজ্ঞপ্তি বলে।

SOS**সংক্ষিপ্ত প্রশ্নোত্তর :***** ১। প্রাতিষ্ঠানিক পত্র কাকে বলে?**

বাকাশিবো- ২০১৫

উত্তর : প্রাতিষ্ঠানিক বিষয়াদি সম্পর্কে দু'জন অফিস কর্মকর্তা অথবা দু'টি অফিস অথবা দু'টি বিভাগ বা শাখার মধ্যে যে পত্রের আদান প্রদান করা হয়, তাকে প্রাতিষ্ঠানিক পত্র বলা হয়। প্রাতিষ্ঠানিক পত্র রচনা করার মুখ্য উদ্দেশ্য হল প্রতিষ্ঠান সম্পর্কিত খবরা-খবর আদান প্রদান করা। উল্লেখ্য, প্রাতিষ্ঠানিক পত্র বলতে কেবলমাত্র সরকারি প্রতিষ্ঠানের পত্রকে বুঝানো হবে না, এক্ষেত্রে সরকারি, আধা সরকারি, বেসরকারি ও স্বায়ত্ত্বশাসিত প্রতিষ্ঠান ইত্যাদি পত্রকেও বুঝানো হয়। যেমন : সরকারি প্রতিষ্ঠানের পদোন্নতি প্রথা জানতে চেয়ে সরকারি প্রধানের চিঠি একটি প্রাতিষ্ঠানিক পত্র।

***** ২। আধা-প্রাতিষ্ঠানিক পত্র কাকে বলে?**

বাকাশিবো- ২০১৫, ১৮, ২০'পরি

উত্তর : প্রাতিষ্ঠানিক বা অফিসিয়াল খবরাখবরের পাশাপাশি ব্যক্তিগত বিষয়াদি উল্লেখ করে যে পত্র রচনা করা হয়, তাকে আধা-প্রাতিষ্ঠানিক পত্র বলে। কাজেই আধা-প্রাতিষ্ঠানিক পত্র ব্যক্তিগত ও অফিসিয়াল পত্রের সংমিশ্রণ। সাধারণত সু-সম্পর্কিত বা পরিচিত দু'জন অফিসিয়াল কর্মকর্তার মধ্যে এ জাতীয় পত্রের আদান প্রদান করা হয়। যেমন : মি. রাইয়ান এর বড় ভাই বাংলাদেশ ব্যাংকে চাকুরি করেন। তিনি বড় ভাইয়ের নিকট বাংলাদেশ ব্যাংকের একটি সার্কুলার সম্পর্কে জানতে আগ্রহ প্রকাশ করে শেষ প্যারায় বাসার খবরাদিও জানতে আগ্রহ প্রকাশ করল। এটি আধ্যাপ্রতি পত্র।

*** ৩। একটি উত্তম বাণিজ্যিক পত্রের অপরিহার্য গুণাবলি কী কী?

বাকশির্বো- ২০০৯, ১৪, ২৪

উত্তর : একটি উত্তম বাণিজ্যিক পত্রের অপরিহার্য গুণাবলি নিম্নরূপ :

- ১) বাণিজ্যিক পত্র অবশ্যই একটি নির্দিষ্ট কাঠামো অনুযায়ী লিখিত হতে হবে।
- ২) সুপরিকল্পিতভাবে পত্রের বিষয় বিন্যাস করা হয় এবং সে মোতাবেক বাণিজ্যিক পত্র রচনা করা হয়।
- ৩) বাণিজ্যিক পত্রের বিষয়বস্তুগুলো সুস্পষ্ট হতে হয়, যাতে তা পাঠকদের মাঝে কোনো বিভ্রান্তি সৃষ্টি না করে।
- ৪) বাণিজ্যিক পত্র সহজ সরল ভাষায় রচিত হতে হয়, যাতে পাঠকগণ সহজে বুঝতে পারে।
- ৫) বাণিজ্যিক পত্র সংক্ষিপ্ত আকারে রচনা করতে হয়, যাতে পাঠকদের মাঝে বিরক্তি সৃষ্টি না করে অথবা পাঠকদের অযথা সময় যেন নষ্ট না হয়।
- ৬) বাণিজ্যিক পত্র স্বয়ংসম্পূর্ণ হতে হয়, কেননা আংশিক বা অসম্পূর্ণ পত্র পাঠকদের নিকট বোধগম্য হয় না।
- ৭) বাণিজ্যিক পত্রের উদ্দেশ্যের সাথে এর বিষয়বস্তুর মিল থাকতে হয়।
- ৮) একাধিক উদ্দেশ্যে রচিত না হয়ে একটি সুনির্দিষ্ট উদ্দেশ্যে বাণিজ্যিক পত্র রচনা করতে হয়।
- ৯) পরিষ্কার হাতের লেখা বা কম্পিউটার কম্পোজ পত্র পাঠকদের দৃষ্টি আকর্ষণ করে, তাই বাণিজ্যিক পত্র পরিষ্কার পরিচ্ছন্নভাবে রচনা করতে হয়।
- ১০) বক্তব্যের নিরপেক্ষতা বজায় রাখা উত্তম বাণিজ্যিক পত্রের বৈশিষ্ট্য।

*** ৪। বাণিজ্যিক পত্রের কাঠামোর বিভিন্ন অংশগুলো কী কী?

বাকশির্বো- ২০০৪, ০৫, ০৬, ০৯, ১০'পরি, ১৩, ১৪

উত্তর : বাণিজ্যিক পত্র রচনা করার ক্ষেত্রে নির্দিষ্ট কাঠামো অনুসরণ করতে হয়। যাকে বাণিজ্যিক পত্রের কাঠামো বিন্যাস বলে। যা নিম্নরূপ :

- ১) শিরোনাম (The heading)
- ২) অভ্যন্তরীণ ঠিকানা (The inside address)
- ৩) বিষয় শিরোনাম (The subject heading)
- ৪) সম্বোধন (The salutation)
- ৫) বিষয়বস্তু (The body)
- ৬) বিদায় সম্ভাষণ (The complimentary close)
- ৭) স্বাক্ষর (The signature)
- ৮) অনুলিপি (Copy)
- ৯) সংযুক্তি (Enclosure)

* ৫। বাণিজ্যিক পত্রের শিরোনাম কাকে বলে?

বাকশির্বো- ২০১০'পরি

উত্তর : কারবার পত্রের কাঠামোর প্রথম গুরুত্বপূর্ণ অংশ হলো শিরোনাম। পত্রের উপরিভাগে পত্র প্রেরণকারী প্রতিষ্ঠানের নাম, ঠিকানা, টেলিফোন নাম্বার, সূত্র নং এবং তারিখ ইত্যাদি বিষয় শিরোনাম অংশে উল্লেখ করতে হয়। নিম্নে শিরোনামের একটি নমুনা দেওয়া হলো :

সফটম্যাক্স পাবলিকেশনস
(Smart Book)

সূত্র নং

তারিখ :.....

ডুয়েট, গাজীপুর

মোবাইল :.....

পত্রের তারিখ লেখার বিভিন্ন পদ্ধতি রয়েছে। যেমন :

- i) ২১-১১-২০২৩ ii) ২১/১১/২০২৩ iii) ২১ শে নভেম্বর, ২০২৩
iv) নভেম্বর ২১, ২০২৩ v) ২১ নভেম্বর ২০২৩ ইত্যাদি।

** ৬। আনুষ্ঠানিক পত্র কাকে বলে?

বাকাশিবো- ২০০৯, ১৪

উত্তর : পত্র লেখার সময় যাবতীয় আনুষ্ঠানিক নিয়ম পালন করে যে পত্র লেখা হয়, তাকে আনুষ্ঠানিক পত্র বলে। ইহাকে ব্যবসায়িক পত্র বা পেশাগত পত্রও বলা হয়। এ সকল পত্র লেখার ক্ষেত্রে লেখককে বিশেষ কিছু সাবধানতা অবলম্বন করতে হয়।

*** ৭। নিয়োগপত্র কাকে বলে?

বাকাশিবো- ২০১৪, ১৮, ১৮'পরি, ১৯'পরি, ২৩

উত্তর : প্রতিষ্ঠানের নিয়োগকর্তা চাকরি আবেদনকারী বা প্রার্থীকে তার আবেদনকৃত পদের নিয়োগের প্রস্তাব দিয়ে পত্র লেখেন তাকে নিয়োগপত্র (Appointment letter) বলে। অর্থাৎ, সাক্ষাৎকার গ্রহণের সময় যেই চাকুরি প্রার্থী সম্পর্কে নিয়োগকারী সন্তুষ্ট হন সেই চাকুরি প্রার্থীকে চাকুরিতে যোগদান করার প্রস্তাব দিয়ে নিয়োগকারী যে পত্র ইস্যু করেন তাকে নিয়োগপত্র বলে। নিয়োগপত্র চাকুরি প্রার্থী ও নিয়োগকারীর মধ্যে চুক্তি হিসেবে গণ্য করা হয়।

*** ৮। একটি নিয়োগপত্রে সাধারণত কী কী বিষয়ের উল্লেখ থাকে?

বাকাশিবো- ২০১৩, ১৪, ১৫'পরি, ২৪

উত্তর : একটি নিয়োগপত্রে সাধারণত যে যে বিষয়ের উল্লেখ থাকে তা নিম্নরূপ :

- ১) নিয়োগপ্রাপ্ত ব্যক্তির নাম ৬) চাকরির প্রকৃতি ও শর্তাবলি

- | | |
|--|---------------------------|
| ২) পদের নাম | ৭) চাকরির মেয়াদকাল |
| ৩) আবেদন সূত্র | ৮) যোগদানের তারিখ ও স্থান |
| ৪) বেতন স্কেল | ৯) যোগদানের অনুরোধ। |
| ৫) বিভিন্ন ভাতা ও প্রদত্ত সুযোগ-সুবিধা | |

**** ৯। দরপত্র বিজ্ঞপ্তি বা টেন্ডার নোটিশ বলতে কী বুঝায়? বাকশিবো- ২০১৪, ১৫**

উত্তর : কোনো প্রতিষ্ঠান বিশেষ কোনো কার্যসম্পাদন বা পণ্যদ্রব্য সরবরাহের জন্য প্রস্তাব আহ্বান করে সংবাদপত্রে যে বিজ্ঞপ্তি প্রকাশ করে, তাকে টেন্ডার নোটিশ বা দরপত্র বিজ্ঞপ্তি বলে। সরকারী বিভিন্ন কাজ সরকারের কর্মচারীদের দ্বারা না করিয়ে অন্য কোনো বাইরের লোকদের দ্বারা করাতে দরপত্র আহ্বান করা হয়। সাধারণত নির্দিষ্ট অঙ্কের জামানতসহ সীলমোহরকৃত খামে প্রকৃত ব্যবসায়ী বা সরবরাহকারীদের নিকট হতে এই টেন্ডার বা দরপত্র আহ্বান করা হয়ে থাকে। প্রতিষ্ঠানের পক্ষ থেকে টেন্ডার গ্রহণের নির্দিষ্ট তারিখ বা সময়সীমা নির্ধারণ করে দেওয়া হয়। উক্ত সময়সীমার পর নির্ধারিত দিনে ও সময়ে টেন্ডার খোলা হয় এবং নিম্নতম দরপত্রটি গ্রহণ করে সংশ্লিষ্ট দরপত্র বা টেন্ডারদাতাকে কার্যসম্পাদনের বা পণ্য সরবরাহের জন্য বলা হয়।

**** ১০। একটি টেন্ডার নোটিশে কী কী বিষয় উল্লেখ করতে হয়?**

বাকশিবো- ২০১১, ১৭, ২৩

উত্তর : একটি টেন্ডার নোটিশে নিম্নোক্ত বিষয় গুলি উল্লেখ করতে হয়-

- দরপত্র প্রাপ্তি স্থানের নাম।
- দরপত্র দাখিলকৃত স্থানের নাম।
- সিডিউল বিক্রয়ের শুরু ও শেষ তারিখ এবং সময়।

- iv) দরপত্র দাখিলের তারিখ ও সময়।
- v) দরপত্র খোলার তারিখ ও সময়।
- vi) যে মেয়াদের জন্য দরপত্র বৈধ থাকবে সেই মেয়াদ।
- vii) দরপত্রের সম্ভাব্য (কাজ্জিকৃত) মূল্য।
- viii) সিডিউলের মূল্য।
- ix) জামানতের পরিমাণ (সম্ভাব্য মূল্যের নির্দিষ্ট শতকরা হার)।
- x) কর্তৃপক্ষ যেকোনো সময় বিশেষ প্রয়োজনে দরপত্র বা কোটেশন বাতিল করতে পারবে মর্মে একটি বিবরণ বা ঘোষণা।

SOS**রচনামূলক প্রশ্নোত্তর :**

*** ১। একটি প্রতিষ্ঠানে উপ-সহকারী প্রকৌশলী পদে নিয়োগের জন্য আবেদনপত্র লেখ।

বাকশিবো- ২০১২, ১৩, ১৪'পরি, ১৭, ১৮'পরি, ২৩, ২৪

উত্তর : একটি প্রতিষ্ঠানে উপ-সহকারী প্রকৌশলী পদে নিয়োগের জন্য আবেদনপত্র লেখা হলো :

তারিখ :.....

বরাবর,

ব্যবস্থাপনা পরিচালক

বাংলাদেশ কারিগরি শিক্ষা বোর্ড

আগারগাও, ঢাকা।

বিষয় : উপ সহকারী প্রকৌশলী (কম্পিউটার) পদে চাকরির জন্য আবেদন

Softmax E-Book

[বাণিজ্যিক পত্র, প্রাতিষ্ঠানিক এবং আধা-প্রাতিষ্ঠানিক পত্র]

জনাব, বিনীত নিবেদন এই যে, 'দৈনিক জনকণ্ঠ' পত্রিকায় প্রদত্ত আপনার প্রতিষ্ঠানের বিজ্ঞপ্তি হতে জানাতে পারলাম যে, আপনার প্রতিষ্ঠানে উপ-সহকারী প্রকৌশলী (কম্পিউটার) পদে কিছুসংখ্যক লোক নিয়োগ করা হবে। উক্ত পদের একজন প্রার্থী হিসাবে নিম্নে আমার জীবনবৃত্তান্ত, যোগ্যতা ও অভিজ্ঞতার পূর্ণ বিবরণ আপনার সুবিবেচনার জন্য পেশ করা হলো :

- ১। নাম : মোঃ খায়রুল ইসলাম।
- ২। পিতার নাম : মোঃ ইনছান আলী।
- ৩। মাতার নাম : মোছাঃ খালেদা।
- ৪। স্থায়ী ঠিকানা : গ্রাম : জামালপুর, ডাকঘর : করিমপুর, থানা : ঘাটাইল, জেলা : টাঙ্গাইল।
- ৫। বর্তমান ঠিকানা : ডুয়েট, গাজীপুর।
- ৬। জন্মতারিখ : ১৫ এপ্রিল ২০০৩
- ৭। বয়স (২৮-১১-২০২৩) অনুযায়ী : ২০ বছর ৭ মাস।
- ৮। জাতীয়তা : বাংলাদেশি।
- ৯। ধর্ম : ইসলাম।
- ১০। বৈবাহিক অবস্থা : অবিবাহিত।
- ১১। মোবাইল নাম্বার : ০১৭.....৮৮

১২। শিক্ষাগত যোগ্যতা :

পরীক্ষার নাম	পাসের সন	বিভাগ	জিপিএ	বোর্ড
এসএসসি	২০১৮	বিজ্ঞান	৪.৮৩	ঢাকা

ডিপ্লোমা ইন ইঞ্জিনিয়ারিং	২০২২	কম্পিউটার টেকনোলজি	৩.৮০	বাকাশিবো
------------------------------	------	-----------------------	------	----------

১৩। ভাষা জ্ঞান : বাংলা ও ইংরেজি ভাষায় কথা বলতে, লিখতে ও পড়তে পারি।

১৪। অভিজ্ঞতা : সফটম্যাক্স অনলাইন স্কুল, ডুয়েট গাজীপুরে উপ-সহকারী প্রকৌশলী (কম্পিউটার) হিসেবে ২৯-০৯-২০২২ ইং তারিখ হতে কর্মরত আছি।

অতএব, উপরোক্ত তথ্যাবলির আলোকে আমাকে আপনার প্রতিষ্ঠানে ‘উপ-সহকারী প্রকৌশলী (কম্পিউটার)’ হিসেবে নিয়োগ করলে আমি আমার কর্মদক্ষতা ও পরিশ্রম দিয়ে আপনার প্রতিষ্ঠানের উন্নতিকল্পে প্রচেষ্টা চালাব।

নিবেদক

মোঃ খায়রুল ইসলাম

সংযুক্তি :

- ১। শিক্ষাগত যোগ্যতা সনদের সত্যায়িত ফটোকপি।
- ২। বর্তমান কর্মস্থলের অভিজ্ঞতার সনদ।
- ৩। দুই কপি পাসপোর্ট আকারের ছবি।
- ৪। নাগরিকত্ব সনদ।
- ৫। চারিত্রিক সনদ।

**** ২।** চাকুরির আবেদনপত্র রচনা করার ক্ষেত্রে বিবেচ্য বিষয়সমূহ বর্ণনা কর।

উত্তরঃ চাকুরির আবেদনপত্র যথাযথভাবে রচনা করা উচিত। কারণ আবেদনপত্রের মাধ্যমে আবেদনকারীর দক্ষতা ও যোগ্যতা অনেকটাই ফুঁটে উঠে। আবেদনপত্র রচনা করার সময় কতিপয় বিষয়াদি মনযোগ সহকারে বিবেচনা করা উচিত, যাহা নিম্নে উল্লেখ করা হলঃ

১) **উৎসঃ** আবেদনকারী কোন উৎস হতে চাকুরির বিজ্ঞাপনটি জানতে পেরেছেন তা আবেদন পত্রে উল্লেখ করতে হবে। সাধারণত পত্রিকা, রেডিও, টেলিভিশন, ব্যানার ইত্যাদি মাধ্যম হতে চাকুরির খোঁজ খবর পাওয়া যায়।

২) **পদের নামঃ** আবেদনকারী প্রার্থিত পদের নাম সুস্পষ্টভাবে আবেদন পত্রে উল্লেখ করবেন।

৩) **যোগ্যতার বিবরণঃ** নিয়োগ বিজ্ঞপ্তি অনুযায়ী আবেদনকারীর সকল যোগ্যতা আছে কিনা তা নিশ্চিত হয়ে চাকুরির আবেদন পত্র রচনা করতে হবে। ৪)

আনুষঙ্গিক যোগ্যতাঃ আবেদনকারীর কোনো বিশেষ যোগ্যতা ও দক্ষতা থাকলে তা আবেদন পত্রে উল্লেখ করতে হবে।

৫) **আনুষঙ্গিক তথ্যঃ** আবেদনকারীকে আবেদনপত্রে তার জাতীয়তা, বর্তমান ও স্থায়ী ঠিকানা, ধর্ম, বৈবাহিক অবস্থা ইত্যাদি তথ্য প্রদান করতে হয়। ৬)

কর্তৃপক্ষঃ আবেদনকারী বর্তমানে কোনো প্রতিষ্ঠানে কর্মরত থাকলে উক্ত প্রতিষ্ঠানের কর্তৃপক্ষের মাধ্যমে আবেদনপত্র অগ্রায়ন করতে হবে। ৭) **বেতন প্রসঙ্গঃ** অনেক সময় বিজ্ঞপ্তিতে প্রত্যাশিত বেতনের বিষয় উল্লেখ থাকে। এরূপ ক্ষেত্রে আবেদনকারীকে সুচিন্তিত ভাবে মতামত প্রদান করতে হবে।

৮) **সূত্র উল্লেখঃ** আবেদনকারী আবেদনপত্রে এক বা দুইজন প্রতিষ্ঠিত ব্যক্তির নাম উল্লেখ করবেন, যাদের নিকট হতে নিয়োগকারী চাকুরি প্রার্থী সম্পর্কে বিস্তারিত তথ্য সংগ্রহ করতে পারবেন।

৯) ক্রোড়পত্র : আবেদনপত্রের সহিত যে সমস্ত কাগজ পত্র সংযুক্ত করা হয়েছে তার একটি তালিকা আবেদন পত্রে উল্লেখ থাকতে হবে।

১০) স্বাক্ষর : আবেদনকারীকে আবেদনপত্রে স্বাক্ষর ও তারিখ প্রদান করতে হয়।

*** ৩। নিম্ন মানের মাল প্রেরণের জন্য সরবরাহকারীর নিকট একটি অভিযোগপত্র লেখ।

বাকশিবো- ২০০৯, ১৪'পরি, ১৫

উত্তর : নিম্ন মানের মাল প্রেরণের জন্য সরবরাহকারীর নিকট একটি অভিযোগপত্র নিম্নরূপ :

রংধনু স্টোর
শিমুলতলী রোড, ডুয়েট,
গাজীপুর

সূত্র :.....

বরাবর,

ব্যবস্থাপক

মেসার্স আফসানা এন্টারপ্রাইজ

মধুপুর রোড, ঘাটাইল, টাংগাইল

বিষয় : নিম্নমানের মাল প্রেরণের অভিযোগ

প্রিয় মহোদয়,

আমাদের ১০/১১/২০২৩ তারিখের ফরমায়েশ অনুযায়ী আপনারা যে ১০০০ টি কয়েলের প্যাকেট প্রেরণ করেছেন তা গতকাল আমাদের কাছে পৌঁছেছে।

কিন্তু অত্যন্ত দুঃখের সাথে জানাচ্ছি, ১০০০ টি প্যাকেটের মধ্যে ৭০ টি প্যাকেট অন্য কোম্পানির, যা মানহীন ও সস্তা দামের। সম্ভবত অনাকাঙ্ক্ষিত ভাবেই এমন ঘটনা ঘটেছে।

আপনাদের অনুমতি পেলে কয়েলের প্যাকেটগুলো অতি দ্রুত আপনাদের কাছে ফেরত পাঠিয়ে দিব। অনুগ্রহপূর্বক উক্ত ৭০ টি নিম্নমানের প্যাকেট এর পরিবর্তে অর্ডার মেরামত করে ‘ঈগল কয়েল’ সরবরাহ করবেন।

ধন্যবাদান্তে

আপনাদের বিশ্বস্ত

খায়রুল

স্বত্বাধিকারী

**** ৪।** তোমার ইনস্টিটিউটের কম্পিউটার বিভাগে কাঁচামাল সরবরাহের জন্য প্রয়োজনীয় শর্তাবলি উল্লেখ করে অধ্যক্ষের পক্ষ হতে একটি দরপত্র বিজ্ঞপ্তি প্রণয়ন কর।

বাকাশিৰো- ২০১৪, ১৬

উত্তর : আমার ইনস্টিটিউটের কম্পিউটার বিভাগে কাঁচামাল সরবরাহের জন্য প্রয়োজনীয় শর্তাবলি উল্লেখ করে অধ্যক্ষের পক্ষ হতে একটি দরপত্র বিজ্ঞপ্তি প্রণয়ন করা হলো :

টাংগাইল পলিটেকনিক ইনস্টিটিউট

টাংগাইল

“দরপত্র বিজ্ঞপ্তি”

টাংগাইল পলিটেকনিক ইনস্টিটিউটের কম্পিউটার ল্যাবের মনিটর, প্রিন্টার, ইউপিএস, কী-বোর্ড, মাউস, ইত্যাদি মালামাল সরবরাহের জন্য প্রকৃত

ঠিকাদার/ সরবরাহকারী প্রতিষ্ঠানের নিকট থেকে নিম্নবর্ণিত শর্ত সাপেক্ষে দরপত্র আহ্বান করা যাচ্ছে।

শর্তাবলি

- ১) দরপত্রের শিডিউল অধ্যক্ষের দপ্তর থেকে ১০০০ টাকার (অফেরতযোগ্য) বিনিময়ে সংগ্রহ করতে হবে।
- ২) আগামী ২৭-১১-২০২৩ ইং তারিখ পর্যন্ত অফিস চলাকালীন সময়ে সনদ মূল্য তা ক্রয় করা যাবে।
- ৩) দরপত্র আগামী ২৮-১১-২০২৩ ইং তারিখ সকাল ১১ ঘটিকা পর্যন্ত অত্র দপ্তরে রক্ষিত টেন্ডার বাক্সে গ্রহণ করা হবে এবং ঐদিন বেলা ১২ ঘটিকায় উপস্থিত দরদাতাদের সম্মুখে খোলা হবে।
- ৪) দরপত্রের সাথে উদ্ধৃত দরের ৫% হারে আর্নেস্টমানি হিসেবে যে- কোনো সরকারি/শিডিউল ব্যাংক থেকে ডিডি/পে-অর্ডার নিম্নস্বাক্ষরকারীর বরাবরে দাখিল করতে হবে।
- ৫) দরপত্রের অন্য শর্তাবলি শিডিউলের সঙ্গে সরবরাহ করা হবে।
- ৬) কর্তৃপক্ষ যে-কোনো দরপত্র গ্রহণ বা বাতিলের ক্ষমতা সংরক্ষণ করেন।

.....

অধ্যক্ষ

টাংগাইল পলিটেকনিক ইনস্টিটিউট

বাংলাদেশ কারিগরি শিক্ষা বোর্ড, ঢাকা

ডিপ্লোমা ইন ইঞ্জিনিয়ারিং

১ম ও ৩য় পর্ব সমাপনী পরীক্ষা-২০২২

টেকনোলজি : ৩য় পর্ব: সিভিল, মেকানিক্যাল, (২০২২ প্রবিধান)

বিষয় : বিজনেস কমিউনিকেশন

(বিষয় কোড : ২৫৮৩১)

সময় : ৩ ঘন্টা

পূর্ণমান : ৬০

ক ও খ-বিভাগের সকল প্রশ্নের এবং গ-বিভাগের যেকোনো ৫ (পাঁচ) টি প্রশ্নের

উত্তর দাও।

ক-বিভাগ (মান : $১ \times ১০ = ১০$)

- ১। এনকোডিং বলতে কী বোঝায়?
- ২। ফলাবর্তন কাকে বলে?
- ৩। উর্ধ্বগামী যোগাযোগ কাকে বলে?
- ৪। উত্তম যোগাযোগ বলতে কী বোঝায়?
- ৫। কারিগরি প্রতিবেদন কাকে বলে?
- ৬। নথিবদ্ধকরণ কাকে বলে?
- ৭। পণ্যের ট্রেডমার্ক কী?
- ৮। আনুষ্ঠানিক যোগাযোগ কীভাবে সংগঠিত হয়?
- ৯। শ্রবণ যোগাযোগ কী?
- ১০। উপাত্ত কাকে বলে?

খ-বিভাগ (মান : $২ \times ১০ = ২০$)

- ১১। আনুষ্ঠানিক যোগাযোগের ৫টি সুবিধা লেখ।
- ১২। যোগাযোগ মডেলের মৌলিক কাজ কয়টি ও কী কী?

- ১৩। শ্রবণ-দর্শন যোগাযোগ বলতে কী বুঝায়?
- ১৪। যোগাযোগের প্রতিবন্ধকতা দূরীকরণের উপায়গুলো কী কী?
- ১৫। মুখবন্ধ ও কৃতজ্ঞতা স্বীকার বলতে কী বোঝায়?
- ১৬। একটি আধুনিক অফিসের নৈমিত্তিক কাজগুলো কী কী?
- ১৭। দরপত্র বিজ্ঞপ্তি বা টেন্ডার বলতে কী বোঝায়?
- ১৮। আধা প্রাতিষ্ঠানিক পত্র কাকে বলে?
- ১৯। প্রতিবেদনের কয়টি অংশ ও কী কী?
- ২০। আজকাল দ্বিমুখী যোগাযোগ এত গুরুত্বপূর্ণ কেন?

গ-বিভাগ (মান : ৬×৫ = ৩০)

- ২১। যোগাযোগ প্রক্রিয়া কী? যোগাযোগ প্রক্রিয়ার আবশ্যকীয় উপাদানগুলো চিত্রের সাহায্যে দেখাও।
- ২২। উর্ধ্ব ও নিম্নগামী যোগাযোগের মাঝে পার্থক্য নির্দেশ কর।
- ২৩। উত্তম যোগাযোগের অপরিহার্য শর্তগুলি আলোচনা কর।
- ২৪। একটি উত্তম প্রতিবেদনের আবশ্যকীয় গুণাবলি আলোচনা কর।
- ২৫। নথিকরণ ও সূচীকরণের মাঝে পার্থক্য উল্লেখ কর।
- ২৬। বাংলাদেশ কারিগরি শিক্ষা বোর্ডে উপ-সহকারী প্রকৌশলী পদে নিয়োগের জন্য আবেদনপত্র লেখ।

বাংলাদেশ কারিগরি শিক্ষা বোর্ড, ঢাকা
ডিপ্লোমা-ইন-ইঞ্জিনিয়ারিং

১ম, ৩য়, ৫ম পর্ব সমাপনী এবং ৪র্থ পর্ব পরিপূরক পরীক্ষা-২০২৩

টেকনোলজি : ১ম পর্ব ৪ গ্লাস (২০২২ প্রবিধান) ৩য় পর্বঃ সিভিল, সিভিল
(উড), মেকানিক্যাল, আরএসি, সিরামিক, কনস্ট্রাকশন, মেকাট্রনিক্স,

প্রিন্টিং, গ্রাফিক ডিজাইন (২০২২ প্রবিধান)

৪র্থ পর্ব : কেমিক্যাল, ফুড, সার্ভেয়িং, কম্পিউটার সায়েন্স, এনভায়রনমেন্টাল
(২০২২ প্রবিধান)

৫ম পর্ব : আর্কিটেকচার, পাওয়ার (২০২২ প্রবিধান)

বিষয় : বিজনেস কমিউনিকেশন

(বিষয় কোড : ২৫৮৩১)

[পরীক্ষার তারিখ : ২৫/০৫/২০২৪]

সময় : ৩ ঘণ্টা

পূর্ণমান : ৬০

ক ও খ-বিভাগের সকল প্রশ্নের এবং গ-বিভাগের যেকোনো ৫ (পাঁচ) টি প্রশ্নের
উত্তর দাও।

ক-বিভাগ (মান : ১ × ১০ = ১০)

- ১। বাণিজ্যিক যোগাযোগ কাকে বলে?
- ২। ফলাবর্তন কাকে বলে?
- ৩। যোগাযোগ মডেল কী?
- ৪। এনকোডিং কী?
- ৫। লিখিত যোগাযোগের প্রধান উপায় বা মাধ্যমগুলো কী কী?
- ৬। যোগাযোগের অপরিহার্য গুণ কী?
- ৭। নথিকরণ কী?

- ৮। সমান্তরাল যোগাযোগ বলতে কী বুঝায়?
৯। সেমি অফিসিয়াল পত্র কাকে বলে?
১০। টেন্ডার নোটিশ বা দরপত্র বিজ্ঞপ্তি কী?

খ-বিভাগ (মান : ২ × ১০ = ২০)

- ১১। যোগাযোগ প্রক্রিয়ার উপাদানগুলো উল্লেখ কর।
১২। ফলাবর্তন কীভাবে যোগাযোগের পরিপূর্ণতা দান করে?
১৩। যোগাযোগের আনুষ্ঠানিক মডেল দেখাও।
১৪। দ্বিমুখী যোগাযোগের ৫টি সুবিধা লেখ।
১৫। লাল ফিতার দৌরাভ্য বলতে কী বুঝায়?
১৬। যোগাযোগের ভাষাগত প্রতিবন্ধকতা লেখ।
১৭। অফিস কার্যের বৈশিষ্ট্য কী?
১৮। একটি টেন্ডার নোটিশে কী কী বিষয় উল্লেখ করতে হয়?
১৯। নিয়োগপত্র কাকে বলে?
২০। ই-বিজনেস (E-Business) ও ই-কমার্স (E-Commerce)-এর মাঝে পার্থক্য কী?

গ-বিভাগ (মান : ৬ × ৫ = ৩০)

- ২১। কারবার যোগাযোগের গুরুত্ব ও প্রয়োজনীয়তা ব্যাখ্যা কর।
২২। প্রতিবেদনের বিভিন্ন অংশগুলোর বর্ণনা দাও।
২৩। উত্তম যোগাযোগের প্রতিবন্ধকতাগুলো আলোচনা কর।
২৪। কার্যকর ফলাবর্তনের মৌলিক নীতিগুলো আলোচনা কর।
২৫। উত্তম যোগাযোগের অপরিহার্য বৈশিষ্ট্যগুলো আলোচনা কর।
২৬। একটি প্রতিষ্ঠানে উপসহকারী প্রকৌশলী পদে নিয়োগের জন্য আবেদনপত্র লেখ।

বাংলাদেশ কারিগরি শিক্ষা বোর্ড, ঢাকা

ডিপ্লোমা ইন ইঞ্জিনিয়ারিং

১ম, ৩য়, ৫ম পর্ব পরিপূরক ও ৪র্থ, ৬ষ্ঠ পর্ব সমাপনী পরীক্ষা-২০২৪

বিষয় : বিজনেস কমিউনিকেশন

(বিষয় কোড : ২৫৮৩১)

সময় : ৩ ঘণ্টা

পূর্ণমান : ৬০

ক ও খ-বিভাগের সকল প্রশ্নের এবং গ-বিভাগের যেকোনো ৫ (পাঁচ) টি প্রশ্নের

উত্তর দাও।

ক- বিভাগ (মান : ১ × ১০ = ১০)

- ১। কারবার যোগাযোগ কী?
- ২। যোগাযোগ মডেল কী?
- ৩। এনকোডিং কী?
- ৪। সূচীকরণ পদ্ধতিগুলো কী কী?
- ৫। আনুষ্ঠানিক যোগাযোগ কী?
- ৬। মৌখিক যোগাযোগের প্রধান মাধ্যমগুলো কী কী?
- ৭। সমান্তরাল যোগাযোগ বলতে কী বোঝায়?
- ৮। সূচীকরণ বলতে কী বোঝায়?
- ৯। ক্রোড়পত্র বা সংযুক্তি কী?
- ১০। টেন্ডার নোটিশ কী?

খ-বিভাগ (মান : ২ × ১০ = ২০)

- ১১। অফিস কার্যের বৈশিষ্ট্য কী?
- ১২। লিখিত যোগাযোগ বেশি গ্রহণযোগ্য কেন?
- ১৩। দ্বিমুখী যোগাযোগের অসুবিধাগুলো কী কী?

- ১৪। কারবার যোগাযোগে "কার্যকর শ্রবণ দক্ষতা" কেন প্রয়োজন?
- ১৫। "উত্তম যোগাযোগের জন্য উপযুক্ত সময় নির্ধারণ অপরিহার্য-ব্যাখ্যা কর।
- ১৬। যোগাযোগের আধুনিক মডেল দেখাও।
- ১৭। যোগাযোগে প্রতিবন্ধকতা দেখা দিলে প্রতিষ্ঠানের কী অসুবিধা হয়?
- ১৮। একটি উত্তম বাণিজ্যিক পত্রের অপরিহার্য গুণাবলি কী কী?
- ১৯। নিয়োগপত্রের বিষয়বস্তু কী কী?
- ২০। প্রতিষ্ঠানে অনানুষ্ঠানিক যোগাযোগের গুরুত্ব কী?

গ-বিভাগ (মান : ৬ × ৫ = ৩০)

- ২১। কারবার যোগাযোগের গুরুত্ব ও প্রয়োজনীয়তা ব্যাখ্যা কর।
- ২২। উত্তম যোগাযোগের অপরিহার্য বৈশিষ্ট্যগুলো আলোচনা কর।
- ২৩। কার্যকর ফলাবর্তনের মৌলিক নীতিগুলো আলোচনা কর।
- ২৪। প্রতিবেদনের বিভিন্ন অংশগুলোর বর্ণনা দাও।
- ২৫। সংবাদপত্রে প্রচারিত বিজ্ঞপ্তির আলোকে উপ-সহকারী প্রকৌশলী পদের জন্য একটি আবেদনপত্র রচনা কর।
- ২৬। নথিবদ্ধকরণ বলতে কী বোঝায়? নথিবদ্ধকরণের গুরুত্ব আলোচনা কর।